

শ্রীহরিনাম-চিত্তামণি



শ্রীল ঠাকুর ভক্তিবিনোদ

শ্রীল ঠাকুর ভক্তিবিনোদ-প্রণীত শ্রীহরিনাম-চিত্তামণি

পরমহংস পরিত্রাজকাচার্য্যবর্ষা

শ্রী শ্রীমদভক্তিসিদ্ধান্তসরস্বতী গোস্বামী
কর্তৃক সম্পাদিত ।

চতুর্থ সংস্করণ—শ্রীচৈতন্যাব্দ ৪৪০ ।

ভগ্নগী জামগ্রাম-নিবাসী পরমভাগবত

শ্রীযুক্ত ঈশানকালী নন্দী মহাশয়ের পূর্ণানুকূলো

কলিকাতা, ২৪৩২ অপার সাকুলার রোডস্থ শ্রীগৌড়ীয় প্রিন্টিং ওয়ার্কসে

শ্রীঅনন্তবাসুদেব ব্রহ্মচারী বিদ্যাভূষণ বি, এ,

কর্তৃক মুদ্রিত ও প্রকাশিত ।

প্রাপ্তিস্থାନ

- (১) শ্রীগৌড়ীষ মঠ,
১ নং উল্টাডিল্লি জংসন রোড, কলিকাতা ।
- (২) শ্রীমাধবগৌড়ীষ মঠ,
৯০, নবাবপুর, ঢাকা ।
- (৩) শ্রীপুরাষোত্তম মঠ,
স্বর্গদ্বার, (পুরী) ।
- (৪) শ্রীসচ্চিদানন্দ মঠ,
হরহরিঘাট, (কটক) ।
- (৫) শ্রীভাগবত আসন,
কৃষ্ণনগর, নদীয়া ।

প্রবোধিনী কথা ।

এই গ্রন্থখানি সাধারণের পাঠ্য নহে। যাহাদের শ্রীচৈতন্যে দৃঢ় বিশ্বাস জন্মিয়াছে এবং নামাশ্রয়া ভক্তিতে শ্রদ্ধা হইয়াছে, তাঁহারা এই গ্রন্থ আলোচনার অধিকারী। সাধন-ভক্তি যত প্রকার আছে, তন্মধ্যে একমাত্র নামাশ্রয়েই সর্বসিদ্ধি হয়—এইরূপ যাহাদের বিশ্বাস, তাঁহারা সর্বোত্তম সাধক। শ্রীমহাপ্রভুর এই শিক্ষা শিক্ষাষ্টকেই পাওয়া যায়। শ্রীমহাপ্রভু হরিদাস ঠাকুরকে এই শিক্ষার আচার্য্যরূপে বরণ করিয়াছিলেন।

প্রামাণিক গ্রন্থ-মতে শ্রীল হরিদাস ঠাকুর যবনের গৃহে জন্মগ্রহণ করিয়াছিলেন এইরূপ জানিতে পারা যায়। বনগ্রামের নিকটস্থ বুডন নামে কোন গ্রামে হরিদাস জন্মগ্রহণ করেন। অল্পদিনের মধ্যে তাঁহার প্রাক্তনীয় সংস্কারক্রমে হরিভজনে রতি হয়। গৃহত্যাগ করতঃ বেনাপুলের বনে কুটার নির্মাণ করিয়া নিরন্তর নাম-সংকীৰ্ত্তনে ও শ্রবণে দিনযাপন করিতেন। কতকগুলি বহিন্মুখ লোক তাঁহার বিরুদ্ধ হওয়ায় সেই স্থানটা পরিত্যাগ করিয়া গঙ্গাতীরে আসিয়া বাস করেন। দৃষ্ট ব্যক্তিগণ যে বেষ্ঠাকে তাঁহার অমঙ্গল সাধনের জন্ত পাঠাইয়াছিল, সেই বেষ্ঠা স্কন্ধতিক্রমে হরিদাসের মুখে হরিনাম শ্রবণ করিয়া ভক্ত হইয়া পড়িলেন। বেনাপুলের কুটার সেই নবীন-ভক্তাকে অর্পণ করিয়া হরিদাস সে দেশ পরিত্যাগ করেন। হরিনাম গান করিতে করিতে গঙ্গাপার হইয়া সপ্তগ্রামে শ্রীল যজ্ঞনন্দন আচার্য্যের বাড়ীতে অবস্থিতি করেন। আচার্য্যের সহিত তিনি ঐ গ্রামের মকররীদার মজুমদারোপাধিক শ্রীহিরণ্যগোবর্দ্ধনের সভায় যাতায়াত করিতেন।

গোপাল চক্রবর্তী নামক কোন ব্রাহ্মবন্ধুর সহিত শ্রীনাম-মাহাত্ম্য সম্বন্ধে তাঁহার অনেক বিতর্ক হয়। হিরণ্য গোবর্দ্ধন সেই ব্রাহ্মণকে কন্দ হইতে বর্জন করিলে পর বৈষ্ণবাপরাধে তাহার গলংকুষ্ঠ হয়। ঐ সময়ে গোবর্দ্ধন-পুত্র শ্রীল রঘুনাথ দাস নিতান্ত বালকবয়সেও হরিদাসের রূপাপ্রযুক্ত বৈষ্ণবপ্রবৃত্তি লাভ করেন। গোপাল চক্রবর্তীর ক্রেশ শ্রবণ করিয়া দুঃখিতান্তঃকরণে হরিদাস তাঁহার সেই বাসস্থান পরিত্যাগ করিয়া শ্রীমদ্বৈত-প্রভুর আশ্রয়ে ফুলিয়া গ্রামে গঙ্গাতীরে একটি গোফা করিয়া নির্জনে হরিভজন করিতে লাগিলেন। ভক্ত যতই প্রতিষ্ঠাকে স্বর্ণা করুন এবং জনসঙ্গ পরিত্যাগ করুন, ভক্তি-প্রভায় তিনি কাগরও নিকট লুকায়িত থাকিতে পারেন না। ভক্তি-প্রভা বিস্তৃত হওয়ায় হরিদাসের প্রতি মুসলমানদিগের ঈর্ষা উদয় হইল; তাহার মুলুকপতি দ্বারা তাঁহাকে ধরিয়া লইয়া বিশেষরূপে নির্যাতন করে। হরিদাস সর্বভূতদয়ার পরিপূর্ণ। তাগাদিগের দোষ গ্রহণ না করিয়া আশীর্বাদ করতঃ সে স্থান হইতে নিষ্কৃতি পাইয়া পুনরায় স্বীয় গোফায় আসিলেন। কিছুদিন পরে শ্রীধামে মহাপ্রভু উদয় হইলেন। শ্রীমদ্বৈতের সঙ্গে মিলিত হইয়া (হরিদাস শ্রীমন্নমোহাপ্রভুর পদাশ্রয় করিলেন।) সেই সময় হইতে তিনি মহাপ্রভুর নামপ্রচারে আচার্য্যস্বরূপ নিযুক্ত হইলেন। পরে যৎকালে মহাপ্রভু শ্রীপুরুষোত্তমে অবস্থিতি করেন, সে সময়ে হরিদাসকে সিদ্ধুরকূলে রাখেন। হরিদাসের নির্ঘাণে প্রভু স্বয়ং তাঁহাকে সমুদ্রতীরে সমাধিস্থ করিয়া সমারোহের সহিত সংকীর্তন ও বিরহমহোৎসব সম্পাদন করেন।

শ্রীমন্নমোহাপ্রভুর লীলা এই যে, যে ভক্ত যে ভক্তি বিষয়ে উচ্চাসন লাভ করিয়াছেন, তাঁহার দ্বারাই সেই বিষয়ে নিজ শিক্ষা জগতে প্রচার করিয়াছিলেন। হরিদাসকে কয়েকটা প্রশ্ন করিয়া তাঁহার মুখে

নামতত্ত্বসমূহ প্রকাশ করান। এই সকল বিষয় শ্রীচৈতন্যচরিতামৃত, শ্রীচৈতন্যভাগবত এবং এতদ্রূপ অগ্রাণ্ড ভুক্তিগ্রন্থে অনেকস্থলে বর্ণিত আছে।) আমরা কোন সময়ে কোন বৈষ্ণব কর্তৃক উৎসাহিত হইয়া শ্রীহরিদাস-প্রচারিত নামতত্ত্ব ঐ সকল গ্রন্থ হইতে সংগ্রহ করিয়াছিলাম। তদ্ব্যতীত কোন দূরদেশস্থ ভক্তগণের নিকট হইতে আমরা হরিদাস সম্বন্ধে কতকগুলি গ্রন্থ পাইয়াছিলাম। তন্মধ্যে কতকগুলিতে সহজিয়া, বাউল এবং অসংলগ্ন বাক্য দেখিয়া সেগুলিকে যত্নসহকারে পরিত্যাগ করিলাম। দুই একখানি গ্রন্থ শুদ্ধবৈষ্ণব-মতসম্মত বোধ হইল। একখানি গ্রন্থে ষোলনাম বত্রিশ অঙ্কের সম্পূর্ণ রসিকার্থ পাওয়া গেল। তাহাতে বড়ই আনন্দ হইল। বোধ হয় শ্রীহরিদাস কোন শুদ্ধভক্তকে নাম-শিক্ষা দিয়াছিলেন, তিনি স্বীয় গুরুদেবের নামে ঐ গ্রন্থখানি রচনা করিয়া রাখেন। উক্ত গ্রন্থ দেখিয়া আমাদের শ্রীহট্ট-দেশীয় তৎপ্রেরক-ভক্তবর্গকে অনেক ধন্যবাদ দিয়াছিলাম। এই সমস্ত গ্রন্থে আমরা হরিদাসের নামসম্বন্ধে যত উপদেশ পাইয়াছি, সে সমস্ত এই হরিনাম-চিন্তামণি গ্রন্থে সংগ্রহ করিলাম। নিষ্কিঞ্চন ভক্তদিগের সুখবৃদ্ধির জন্ম এই গ্রন্থ আমরা প্রকাশ করিলাম। নিষ্কিঞ্চন নানৈকপরায়ণ ব্যতীত কেহ এই গ্রন্থ পাঠ করিবেন বলিয়া আমরা মনে করি নাই এবং তাহাদের নিকট হইতে এ সম্বন্ধে কোন বিতর্কও আমরা শুনিতে ইচ্ছা করি না।

সাধন-ভজনের পদ্ধতি অনেক প্রকার। কিন্তু কেবল নামাশ্রিত ভজনের পদ্ধতি এই একই প্রকার। শ্রীকৃষ্ণচৈতন্য মহাপ্রভুর সময় হইতে মহাজনগণ শ্রীহরিদাসোক্ত ভজনপ্রণালী অবলম্বন করিয়া আসিয়াছেন। প্রাচীন কাল হইতে ব্রজবনবাসী বৈষ্ণবসকলও এই প্রণালীতে ভজন করিয়াছেন, শ্রীপুরুষোত্তম-ক্ষেত্রে কিছুদিন পূর্বে যে

সকল ভজনানন্দী বৈষ্ণব ছিলেন, আমরা স্বচক্ষে তাঁহাদের এই ভজন-প্রণালী দেখিয়াছি। নিরপরাধে নিঃসঙ্গে নিরন্তর শ্রীহরিনামের শ্রবণ, কীর্তন, স্মরণ—ইহা যে একমাত্র ঐকান্তিক ভজন-পদ্ধতি, তাহা শ্রীহরি-ভক্তিবিলাসের শেষে শ্রীসনাতন ও শ্রীগোপাল ভট্ট গোস্বামীদ্বয় স্পষ্টরূপে উল্লেখ করিয়াছেন। এই শ্রীহরিনাম-চিন্তামণি পয়ারগ্রন্থ; ইহা স্ত্রী, বালক কিম্বা সংস্কৃতানভিজ্ঞ সকলেই পাঠ করিয়া মহাপ্রভুর শিক্ষা প্রাপ্ত হইতে পারেন। তাঁহাদিগের ক্লেশ হইবে এই জন্ত এই গ্রন্থের মধ্যে সংস্কৃত বচনাদি উদ্ধার করিলাম না। প্রমাণমালা বলিয়া আর একখানি সংগ্রহগ্রন্থ আছে, তাহাতে এই হরিনাম-চিন্তামণির প্রত্যেক বাক্যের শাস্ত্রীয় প্রমাণ পাওয়া যায়। শ্রীকৃষ্ণের ইচ্ছা হইলে সেই গ্রন্থও শীঘ্র ভক্তজনের জন্ত প্রকাশিত হইবে।

অকিঞ্চন দাস

শ্রীভক্তিবিনোদ ।

সূচীপত্র ।

প্রথম পরিচ্ছেদ

শ্রীনামমাহাত্ম্য-সূচনা

১

দ্বিতীয় পরিচ্ছেদ

নামগ্রহণ-বিচার

১৫

তৃতীয় পরিচ্ছেদ

নামাভাস-বিচার

২৬

চতুর্থ পরিচ্ছেদ

নামাপরাধ—সাধুনিন্দা

৪০

পঞ্চম পরিচ্ছেদ

দেবান্তরে স্মাতৃত্ব্য জ্ঞানাপরাধ

৫৪

ষষ্ঠ পরিচ্ছেদ

গুরুববজ্ঞা

৬৭

সপ্তম পরিচ্ছেদ

শ্রুতিশাস্ত্রনিন্দা

৭৮

অষ্টম পরিচ্ছেদ

নামে অর্থবাদ-অপরাধ

৮৮

নবম পরিচ্ছেদ

নামবলে পাপবুদ্ধি

৯৫

দশম পরিচ্ছেদ	
শ্রদ্ধাহীনজনে নামোপদেশ	১০২
একাদশ পরিচ্ছেদ	
অন্য শুভকর্মের সহিত নামকে তুল্যজ্ঞান	১০৭
দ্বাদশ পরিচ্ছেদ	
নামাপরাধ—প্রমাদ	১১৬
ত্রয়োদশ পরিচ্ছেদ	
অহং মম ভাবাপরাধ	১২৫
চতুর্দশ পরিচ্ছেদ	
সেবাপরাধ	১৩৩
পঞ্চদশ পরিচ্ছেদ	
ভজন-প্রণালী	১৪১



বর্ণানুসারে নিৰ্ঘণ্ট ।

অজ্ঞান কুজ্জ্বাটিকা ২৭	আত্ম-নিবেদন ১২৮
অচিৎ বৈভব ৭	আপন দশা ১৫৯, ১৬১
অচিন্ত্য ভেদাভেদ ৮১	আশ্রয় ৭৯
অতীন্দ্রিয়ত্ব ১১২	আলম্বন ১৪৬
অনন্ত ভজন ১৪	উত্তম বৈষ্ণব ৫২
অনন্ত বুদ্ধি ২৫	উদ্বীপন ১৪৭
অনবধান ১১৭, ১২০	উদ্ধারের উপায় ১০
অনর্থনাশ ২৪, ৯৬	উন্নতিক্রম ১৩০
অনুকূল বিচার ২৫	উপাসনা ১৫১
অনুভাব ১৪৭	উপেয় ১৪, ১০৮
অনুরাগ ১১৭	ঔদাসীন্য ১১৯
অপরাধ ৩৩, ৩৬, ১০১	কনিষ্ঠ বৈষ্ণব ৫১
অভক্ত ৫১	কপটনামাসাভ ৩৬
অভিধেয় ৮, ২৮	কর্মকাণ্ড ৯
অভেদ বুদ্ধি ৬৪	কর্ম ও জ্ঞানের শক্তি ৯৩
অর্চনমার্গ ১৪৯	কর্মফল ৯১
অর্থবাদ ৯০	কর্মীর গোণপথ ১২
অশৌচ বাধা ২৪	কর্মের স্বরূপ ১০৯
অসতৃষ্ণা ২৮	কাদাচিৎকদোষ ৪৮
আগ্রহ ১২২	কৃষ্ণতত্ত্ব ৪, শক্তি ৪
আচার্য্যতা নামে ১৬, ১১৪, ১৩৩	কৃষ্ণ ১১, রূপ ১৮, গুণ ১৯

কৈবল্য ১১২

গুণ ১৯

গুরু আশ্রয় ৬৮

গুরু-তত্ত্ব ও পূজা ৭৪

গুরুত্যাগ ৭৫

গুরুপরীক্ষা ৭৯

গুরুযোগ্যতা ৬৯, ৭৩

গুরুশিষ্য সম্বন্ধ ৭৫

গুরুসেবা ৭৭

গৃহত্যাগী সাধু ৪৪

গৃহস্থ নৈষ্কাম্যের কর্তব্য ৫৮

গৃহী সাধু ৪৩

গৌণনাম ২২

গৌণপথ ১১

গৌণোপায় ১১১

চিচ্ছক্তি ১৪৩

চিদ্রস্তু ১৯

চিদ্বৈভব ৫

চিদ্রূপার ২০

চিন্ময় নাম ৯২

ছায়া নামাভাস ৩৪

জীবতত্ত্ব ৮১

জীব বৈভব, মুক্ত, বদ্ধ,

বহির্গত জীব ৮

জীবশক্তি ১৪৪

জীবের গুণ ৫৫

জাড্য ১১৯

জ্ঞানকাণ্ড ১০

জ্ঞানীর গৌণপথ ১২

তামস মন্ত্র ৮৬

ত্রিবিধ বৈভব ৪

দয়া কৃষ্ণের ৯

দশমূল ৮০

দশা ১৪৫

দশাপরাধ ১৪৪

দাস্তিকতা ৪৬

দীক্ষা ৭২

দৃঢ়বরণ ১৫৮

দেশকালবাধা ২৪

নববিধভক্তি ৮২

নামগ্রহণ ১৫

নামনিত্য ১৮

নামমুখ্যঅঙ্গ ২১

নাম রস ১২৯

নামাচার্য্যতা ১৬

নামাপরাধ ৩৩, ১৩২

নামাভাস ২২, ২৫, ২৭, ৩০, ৩৪

নামাভাসী ১০০

নামাংগোচনা ১৪
 নামে ব্যবধান ২৩
 নামের চিন্ময়ত্ব ৯২
 নামের সৰ্ব্বমূলত্ব ২০
 নামের স্বরূপ ১৭, ১০৮
 নিত্যমুক্তভেদ ৮১
 নিত্যবদ্ধ ৮১
 নিকৃপট নাম ১২৩
 নিকৃপট বিশ্বাস ২৫
 পঞ্চদশা ১৫৪
 পরতত্ত্ব ৭
 পরিহাস ৩১, ৩২
 পাপগন্ধ ৪৫, ৯৭
 পাপাচরণ ৯৮
 প্রক্রিয়া ১২২
 প্রতিকূল বর্জন ২৫
 প্রতিবিশ্ব নামাভাস ৩৫
 প্রমাণ ৭৯
 প্রমাদ ৯৮, ১১৬
 প্রমেয় সম্বন্ধ জ্ঞান ৮২
 প্রয়োজন ২৮, ৮৩
 প্রাকৃত বৈভব ৫১
 প্রাকৃত শুভকর্ম ৯
 প্রেম ৮৩

বদ্ধজীব ৮, ৮১
 বরণ দশা ১৫৫
 বর্ণচতুষ্টয় ৬১
 বহির্গুণ জীব ৮
 বিক্ষেপ ১২১
 বিভাব ১৪৬
 বিষ্ণুগুণ ৫৬
 বিষ্ণুজ্ঞান ৬২
 বিষ্ণুতত্ত্ব ৬, ৫৫
 বেদবিরুদ্ধবাদ ৮৩
 বৈভব ৪
 বৈরাগীগুণ ৭১
 বৈষ্ণবপ্রায় ২০, ৫১
 বৈষ্ণবলক্ষণ ১৬
 বৈষ্ণবতর-তম ১৭
 ব্যতিরেকভাব ১৩২
 ব্যবহিত নাম ২৩
 ব্রহ্মতত্ত্ব ৬৩
 ব্রহ্মবস্তু ১১
 ব্রহ্মলয় সূত্র ১৪
 ভক্তিক্রিয়া ১৪৬
 ভক্তিস্বরূপ ১৪৫
 ভক্ত্যনুধী স্মৃতি ১১
 ভজননৈপুণ্য ১৩১

ভাবতত্ত্ব ১৪৭, ১৫৫

ভাবসেবা ১৩৯

ভাবার্জন ৬১

ভানোদয় ১৩০

মধ্যম বৈষ্ণব ৫২

মর্কট বৈরাগ্য ৯৯

মায়াতত্ত্ব ৭, ১৪৩

মায়াদেবী ৮৪, ৮৭

মায়াবাদ ২৩, ৩৭, ৬২, ৬৫, ৭৩

মুক্তজীব ৮, ৮১

মৃগধর্ম ১১৫

রসগুণস্বরূপ ১৪৫

রসতত্ত্ব ১৪২, ১৪৫

রসের বিভাগ ১৪৭

রুচি ১৫৭

রূপ নিত্য ১৮

লিঙ্গভঙ্গ ১৫২

লীলা ১৯

শক্তিসংস্কার ৪৮

শরণাপত্তি ১২৫

শিক্ষা ৭২

শিষ্য ৬৫

শুদ্ধ সত্ত্ব ৬, ১১০

শুভকর্ম ৯, ১০৯

শ্রদ্ধা ২৪, ১০৩

শ্রবণদশা ১৫৫

সঙ্কেত ৩১, ৩২

সত্ত্ব ৬, ৭

সম্বন্ধ ২৯

সাধক ১১৭

সাধন ১৪, ১৫৩

সাধ্য ১৪

সাধুনিন্দা ৪০, ৪১, ৫৩

সাধুনির্ণয় ৪১, ৪৬

সায়ুজ্য ৩৮, ১১২

সিদ্ধভাব ১৫৭

সিদ্ধা ১৬৩

স্মৃতি ১১

স্বপাত্র বিচার ৭০

সেবাপরাধ ১৩৪

স্তোভ ৩১, ৩২

স্ত্রীসঙ্গী ৫০

স্থায়িভাব ১৪৭

স্মরণদশা ১৬০, ১৬১

স্বরূপ ভেদ ১৭

স্বাভাবিক উপাসক ১৫১

হরি একপরতত্ত্ব ৮০

হেলা ৩১, ৩২, ৩৪

শ্রীগোত্রমচন্দ্রায় নমঃ ।

শ্রীহরিনাম-চিন্তামণি ।



প্রথম পরিচ্ছেদ ।

শ্রীনামমাহাত্ম্য-সূচনা ।



গদাই গৌরান্ধ জয় জাহ্নবা জীবন ।

সীতাদ্বৈত জয় শ্রীবাসাদি ভক্তগণ ॥

লবণ জলধি তীরে, নীলাচলে শ্রীমন্দিরে,

দারুব্রহ্ম পুরুষপ্রধান ।

জীবে নিস্তারিতে হরি, অর্চ্যরূপে অবতরি,

ভোগ মোক্ষ করেন প্রদান ॥

সেই ধামে শ্রীচৈতন্য, মানবে করিতে ধন্য,

সন্ন্যাসী রূপেতে ভগবান্ ।

কলিতে যে যুগধর্ম্য, বুঝাইতে তার মর্ম্ম,

কাশী মিশ্র ঘরে অধিষ্ঠান ॥

নিজ ভক্তবৃন্দ লয়ে, নিজে কল্লতরু হয়ে,
কৃষ্ণপ্রেম দেন সর্ববজনে ।

নানামতে ভক্তমুখে (১) ভক্তিকথা শুনি সুখে,
জীব শিক্ষা দেন সুযতনে ॥

একদিন ভগবান্, সমুদ্রে করিয়া স্নান,
শ্রীসিদ্ধ বকুলে হরিদাসে ।

মিলি আনন্দিত মনে, জিজ্ঞাসিলা সযতনে,
কিসে জীব তরে অনায়াসে ॥

প্রভুর চরণ ধরি, অনেক বিনয় করি,
গলদশ্রু পুলক শরীর ।

হরিদাস মহাশয়, কাঁদিতে কাঁদিতে কয়,
প্রভু তব লীলা সুগভীর ॥

আমি অতি অকিঞ্চন, নাহি মোর বিজ্ঞান,
তব পদ আমার সম্বল ।

এহেন অযোগ্য জনে, প্রশ্ন করি অকারণে,
বল প্রভু হবে কিবা ফল ॥

তুমি কৃষ্ণ স্বয়ং প্রভো, জীব উদ্ধারিতে বিভো,
নবদ্বীপ ধামে অবতার ।

(১) শ্রীরামানন্দ রায় মুখে রসকথা ; শ্রীসার্কভৌম মুখে মুক্তিতত্ত্ব
কথা ; শ্রীকৃষ্ণের মুখে রস বিচার ও শ্রীহরিদাসের মুখে নাগমাহাত্ম্য ।

কৃপা করি রাজা পায়, রাখ মোরে গৌর রায়,
তবে চিত্ত প্রফুল্ল আমার ॥

তোমার অনন্ত নাম, তবানন্ত গুণগ্রাম,
তব রূপ স্নেহের সাগর ।

অনন্ত তোমার লীলা, কৃপা করি প্রকাশিলা,
তাই আশ্বাদয়ে এ পামর (২) ॥

চিন্ময় ভাস্কর তুমি, কিরণের কণ আমি,
তুমি প্রভু, আমি নিত্যদাস ।

চরণ পীযুষ তব, মম স্নেহ স্নেহভব,
তব নামামৃতে মোর আশ ॥

এমত অধম আমি, কি বলিতে জানি স্বামি,
তবু আজ্ঞা করিব পালন ।

যা বলাবে মোর মুখে, তোমাতে বলিব স্নেহে,
দোষ গুণ না করি গণন ॥

(২) তুমি কৃপা করিয়া তোমার চিন্ময় নাম-রূপ-গুণ-লীলা এই জড়বিশ্বে উদয় করাইয়াছ বলিয়া আমার গ্রাম্য জীব সকল তাহা আশ্বাদন করিতেছে । জীবের প্রাকৃত দেহ ও ইন্দ্রিয়ের দ্বারা শুদ্ধসত্ত্বময় নাম-রূপ-গুণ-লীলা অনুভূত হয় না । কৃষ্ণ কৃপা করিয়া সেই সেই তত্ত্ব জীবের মঙ্গলের জন্য প্রত্যগ্ভাবে এই জগতে উদয় করাইয়াছেন । প্রত্যগ্ভাবই চিত্তের স্বপ্রকাশ ভাব ।

কৃষ্ণতত্ত্ব,

এক মাত্র ইচ্ছাময় কৃষ্ণ সর্বেশ্বর (৩)।

নিত্য শক্তিয়োগে কৃষ্ণ বিভূ পরাৎপর ॥

কৃষ্ণ কৃষ্ণশক্তি,

কৃষ্ণশক্তি কৃষ্ণ হইতে না হয় স্বতন্ত্র।

যেই শক্তি সেই কৃষ্ণ কহে বেদমন্ত্র ॥

কৃষ্ণ বিভূ, শক্তি তাঁর বৈভব স্বরূপ।

অনন্ত বৈভবে কৃষ্ণ হয় একরূপ ॥

ত্রিবিধ বৈভব,

শক্তির প্রকাশ যেই সেইত বৈভব।

বিভুর বৈভব মাত্র হয় অনুভব ॥

(৩) স্বতন্ত্র স্বৈচ্ছাময় পুরুষ কৃষ্ণ। তিনি স্বভাবতঃ অচিন্ত্য শক্তিয়ুক্ত। ইচ্ছাময় চৈতন্যই বস্তু। শক্তি তাঁহার ধর্ম; সুতরাং স্বতন্ত্র বস্তু নয়। শক্তিই বিভূচৈতন্যের বৈভব। অনন্তবৈভবযুক্ত কৃষ্ণ এক অদ্বয়তত্ত্ব। জ্ঞানচর্চায় ইচ্ছা ও শক্তিকে কৃষ্ণ হইতে পৃথক করিলে সেই অদ্বয়তত্ত্বকে নির্বিশেষ ব্রহ্ম বলিয়া লক্ষ্য হয়। বস্তুতঃ তাহা পরব্রহ্ম তত্ত্বের প্রভা স্বরূপ। অষ্টাঙ্গ যোগে অণু সমস্ত সত্তার অন্তর্ধ্যামী সূক্ষ্ম সর্বব্যাপী চৈতন্যকে জগদনুসৃত পরমাত্মা বলিয়া লক্ষ্য হয়। বস্তুতঃ তাহাও কৃষ্ণের এক অংশ জ্ঞানমাত্র। সুতরাং ব্রহ্মও পরমাত্মা কৃষ্ণের স্বরূপগত খণ্ড ভাবদ্বয়। কৃষ্ণই ইচ্ছা ও শক্তিসম্পন্ন পূর্ণচৈতন্য ইচ্ছাময় পুরুষ সর্বদা সত্যসঙ্কল্প।

বৈভব ত্রিবিধ তব গৌরাজ সুন্দর ।

চিদচিৎ জীব তিন শাস্ত্রের গোচর (৪) ॥

চিদৈভব,

অনন্ত বৈকুণ্ঠ আদি যত কৃষ্ণধাম ।

গোবিন্দ শ্রীকৃষ্ণ হরি আদি যত নাম ॥

দ্বিভুজ মুরলীধর আদি যত রূপ ।

ভক্তানন্দপ্রদ আদি গুণ অপরূপ ॥

ব্রজে রাসলীলা নবদীপে সংকীৰ্ত্তন ।

এইরূপ কৃষ্ণলীলা বিচিত্র গণন (৫) ॥

এ সমস্ত চিদৈভব অপ্ৰাকৃত হয় ।

আসিয়াও এ প্রপঞ্চে প্রাপঞ্চিক নয় ॥

(৪) কৃষ্ণের বৈভব ত্রিবিধ, অর্থাৎ চিদৈভব, অচিৎ অর্থাৎ মায়া বৈভব এবং জীব বৈভব ।

(৫) চিদৈভব সমস্তই কৃষ্ণের চিচ্ছক্তি-পরিণতি । চিচ্ছক্তিই কৃষ্ণের পরাশক্তি । পূর্ণচিচ্ছক্তি পরিণামই চিদৈভব । চিৎস্বরূপ কৃষ্ণের চিদ্রাম সমূহ, চিদ্রামনিচয়, চিৎস্বরূপগণ এবং সর্বপ্রকার চিল্লীলা সামগ্রী সমুদয়ই চিদৈভব । চিচ্ছক্তির সন্ধিনিপ্রভাব হইতে সত্তা সমূহ, সন্ধিৎ প্রভাব হইতে জ্ঞান সমূহ এবং হ্লাদিনী প্রভাব হইতে আনন্দজনক ভাব সম্বন্ধ ও রস উদ্ভূত হইয়াছে । যোগমায়া চিচ্ছক্তির সমস্ত পরিণতিই জড়ীয় দেশ কাল ও গুণের অতীত, সর্বদা শুদ্ধ সুখময় ।

চিদ্ব্যাপার সমুদয় বিষ্ণুতত্ত্বসার ।

বিষ্ণুপদ বলি বেদে গায় বার বার ॥

কৃষ্ণের চিদ্বিভূতাই বিষ্ণুতত্ত্ব শুদ্ধসত্ত্ব,

নাহি তাহে জড়ধর্ম মায়ার বিকার ।

জড়াতীত বিষ্ণুতত্ত্ব শুদ্ধসত্ত্বসার ॥

শুদ্ধ সত্ত্ব রজস্তম গন্ধবিরহিত ।

রজস্তম মিশ্র মিশ্রসত্ত্ব স্তুবিদিত (৬) ॥

গোবিন্দ, বৈকুণ্ঠনাথ, কারণোদশায়ী ।

গর্ভোদকশায়ী আর ক্ষীরসিকুস্থায়ী ॥

আর যত স্বাংশ পরিচিত অবতার ।

সেই সব শুদ্ধসত্ত্ব বিষ্ণুতত্ত্বসার ॥

(৬) সত্ত্ব দুইপ্রকার অর্থাৎ শুদ্ধসত্ত্ব ও মিশ্রসত্ত্ব। চিদ্বৈভব স্থিত সমস্ত সত্ত্বই শুদ্ধসত্ত্ব। জড়জগতের সমস্ত সত্ত্বই মিশ্রসত্ত্ব। শুদ্ধসত্ত্বে রজঃ ও তমঃ নাই। জন্মই রজঃ। অনাদি চিন্ময় সত্ত্বায় জন্ম ধর্ম রূপ রজঃ নাই, বিনাশ ধর্মরূপ তমঃও নাই তাহা নিত্য বর্তমান। ঈশ্বরের বিভিন্নাংশ সকল স্বতঃ শুদ্ধসত্ত্ব হইলেও অবিচ্ছিন্ন সংযোগে মায়ার রজঃ ও তমোধর্ম মিশ্র হইয়াছে; গিরীশাদি দেবগণ জীবাপেক্ষা অনেক গুণে শ্রেষ্ঠ হইলেও বদ্ধজীবের মায়িক ধর্মাভিমানরূপ অভিমান সংযোগে রজস্তম মিশ্র হওয়াতে মিশ্রসত্ত্ব মধ্যে তাঁহারা গণ্য হইয়াছেন। শুদ্ধসত্ত্ব ঈশ্বর স্বীয় অচিন্ত্যশক্তি বলে প্রপঞ্চে বিষ্ণুরূপে অবতীর্ণ হইয়াও সর্বদা শুদ্ধসত্ত্ব মায়ার ঈশ্বর। মায়া তাঁহার পরিচারিকা।

গোলোকে বৈকুণ্ঠে আর কারণ সাগরে ।
 অথবা এ জড়ে থাকে বিষ্ণু নাম ধরে ॥
 প্রবেশি এ জড় বিশ্ব মায়ার অধীশ ।
 বিষ্ণু নাম প্রাপ্ত বিভূ সর্বদেব ঈশ (৭) ॥
 মায়ার ঈশ্বর মায়ী শুদ্ধসত্ত্বময় ।

মিশ্রসত্ত্ব,

মিশ্রসত্ত্ব ব্রহ্মা শিব আদি সব হয় ॥

চিদ্ভৈবের বিস্তৃতি,

এ সমগ্র বিষ্ণুতত্ত্ব আর বিষ্ণুধাম ।

তব চিদ্ভৈব নাথ তব লীলাগ্রাম ॥

অচিদ্ভৈব মায়াতত্ত্ব,

বিরজার এই পারে যত বস্তু হয় ।

অচিৎ বৈভব তব চৌদলোকময় ॥

মায়ার বৈভব বলি বলে দেবীধাম ।

পঞ্চভূত মনোবুদ্ধি অহঙ্কার নাম (৮) ॥

(৭) এই প্রাপঞ্চিক জগতে চিদ্ভৈব অবতীর্ণ হইয়াও প্রাপঞ্চিক হয় না, চিদ্ভৈবই থাকে । ইহা অচিন্ত্যশক্তির পরিচয়, চিদ্ভৈব শুদ্ধসত্ত্ব ।

(৮) পঞ্চভূতময়ী পৃথিবী ও পঞ্চভূতময় বদ্ধজীবের স্থূল দেহ এই সকল স্থূল । মন বুদ্ধি ও অহঙ্কারময় জীবের 'বাসনা-দেহই' লিঙ্গ-দেহ এই সমস্তই প্রাকৃত । চিৎকণ জীবের যে শুদ্ধসত্ত্ব তাহাতে যে শুদ্ধসত্ত্বময় মন-বুদ্ধি ও অহঙ্কার আছে, তাহা চৈতন্য এবং লিঙ্গ-দেহ হইতে বিলক্ষণ ।

এ ভূলোক ভুবলোক আর স্বর্গলোক ।
 মহল্লোক জন-তপ-সত্য-ব্রহ্মলোক ॥
 অতল, সূতল আদি নিম্ন লোক সাত ।
 মায়িক বৈভব তব শুন জগন্নাথ ॥
 চিদৈভব পূর্ণতত্ত্ব মায়া ছায়া তার ।

জীব বৈভব,

চিদনুস্বরূপ জীব বৈভব প্রকার ॥
 চিদকর্ম্যবশতঃ জীব স্বতন্ত্র গঠন ।
 সংখ্যায় অনন্ত সুখ তার প্রয়োজন ॥

মুক্তজীব,

সেই সুখহেতু যারা কৃষ্ণেরে বরিল ।
 কৃষ্ণপারিষদ মুক্তরূপেতে রহিল ॥

বদ্ধ বা বহির্শ্মুখ জীব,

যারা পুন নিজ সুখ করিয়া ভাবনা ।
 পার্শ্বস্থিতা মায়া প্রতি করিল কামনা ॥
 সেই সব নিত্যকৃষ্ণবহির্শ্মুখ হৈল ।
 দেবীধামে মায়াকৃত শরীর পাইল ॥
 পুণ্যপাপকর্ম্মচক্রে পড়িয়া এখন ।
 স্থূল লিঙ্গ দেহে সদা করেন ভ্রমণ ॥
 কভু স্বর্গে উঠে কভু নিরয়ে পড়িয়া ।
 চৌরাশি লক্ষ যোনি ভোগে ভ্রমিয়া ভ্রমিয়া ॥

তথাপি কৃষ্ণদয়া,

তুমি বিভু তোমার বৈভব জীব হয় (৯) ।

দাসের মঙ্গল চিন্তা তোমার নিশ্চয় ॥

দাস যাহা সুখ মানি করে অবেষণ ।

তুমি তাহা কৃপা করি কর বিতরণ ॥

প্রাকৃত শুভকর্ম, কর্মকাণ্ড,

মায়ার বৈভবে যে অনিত্য সুখ চায় ।

তোমার কৃপায় সে অনায়াসে পায় ॥

সেই সুখ প্রাপ্ত্যুপায় শুভকর্ম যত ।

নিরমিলে ধর্ম-যজ্ঞ-যোগ-হোম-ব্রত ॥

সেই সব শুভকর্ম সদা জড়ময় ।

চিন্ময়ী প্রবৃত্তি তাহে কভু না মিলয় (১০) ॥

(৯) জীব যে অবস্থায় যেখানে থাকেন, কৃষ্ণ তাহার সথাক্রমে তাহার বাঞ্ছিত ফল সেই অবস্থায় সেই খানে দিয়া থাকেন । জীব ও কৃষ্ণের সম্বন্ধ নিত্য, কৃষ্ণ ঈশ, জীব ঈশিতব্য । কৃষ্ণ নিয়ন্তা, জীব নিয়াম্য । কৃষ্ণ স্বতন্ত্র, জীব কৃষ্ণপরতন্ত্র । কৃষ্ণ প্রভু, জীব দাস । কৃষ্ণ ফলদাতা, জীব ফলভোক্তা ।

(১০) ধর্ম, বর্ণাশ্রমাদি । যজ্ঞ, অগ্নিষ্টোমাদি । যোগ, অষ্টাঙ্গাদি । হোম, হবনাদি । ব্রত, দর্শপৌর্ণমাসাদি । শুভকর্ম ইষ্টাপূর্ত প্রভৃতি জড় দ্রব্য কাল ও দেশের আশ্রয়ে শুভ কর্ম কৃত হয় । বিষ্ণুকে যজ্ঞেশ্বর বলিয়া সেই সব কর্ম কৃত হইলেও সেই সেই কর্মে সাক্ষাৎ চিৎপ্রবৃত্তি নাই, চিৎপ্রবৃত্তিরহিত ব্যক্তিদিগের এ বিষয়টী অমুভূত হয় না ।

তাহার সাধনে সাধা জড়ময় ফল ।

উচ্চলোক ভোগ সুখ তাহাতে প্রবল ॥

সেই সব কৰ্ম্মভোগে নাহি আত্মশান্তি ।

তাহাতে প্রয়াস করা অতিশয় ভ্রান্তি ॥

সেই সব শুভকৰ্ম্ম উপায় হইয়া ।

অনিত্য উপেয় সাধে লোকসুখ দিয়া (১১) ॥

সেই অবস্থা হইতে উদ্ধারের উপায়,

কভু যদি সাধুসঙ্গে জানিতে সে পারে ।

আমি জীব কৃষ্ণদাস, যায় মায়া পারে ॥

সে বিরল ফল মাত্র স্মৃতিজনিত ।

তুচ্ছ কৰ্ম্মকাণ্ডে নাহি করিলে বিহিত ॥

জ্ঞানকাণ্ড, ব্রহ্মলয় সুখ,

আর যিনি মায়ার যন্ত্রণামাত্র জানি ।

মুক্তিলাভে যত্নবান্ তিনি হন জ্ঞানী ॥

সে সব লোকের জন্ম তুমি দয়াময় ।

জ্ঞানকাণ্ড ব্রহ্মবিজ্ঞা দিয়াছ নিশ্চয় ॥

সেই বিজ্ঞা মায়াবাদ করিয়া আশ্রয় ।

জড় মুক্ত হয়ে ব্রহ্মে জীব হয় লয় ॥

(১১) লোকসুখ—স্বর্গাদিলোকে যে অনিত্য সুখ পাওয়া যায় তাহাই লোকসুখ । চিৎসুখ তাহা হইতে বিলক্ষণ ।

ব্রহ্মবস্তু কি ?

সেই ব্রহ্ম তব অঙ্গকান্তি জ্যোতির্ময় ।

বিরজার পারে স্থিত তাতে হয় লয় ॥

যে সব অশুরে বিষ্ণু করেন সংহার ।

তাহারাও সেই ব্রহ্মে যায় মায়াপার ॥

কৃষ্ণবহিন্মুখ,

কর্ম্মী জ্ঞানী উভয়েই কৃষ্ণবহিন্মুখ ।

কভু নাহি আস্বাদয় কৃষ্ণদাস্তমুখ ॥

ভক্ত্যনুখী স্মৃতি,

ভক্তির উনুখী সেই স্মৃতি প্রধান ।

তার ফলে জীব ভক্তসাধুসঙ্গ পান (১২) ॥

শ্রদ্ধাবান্ হয়ে কৃষ্ণভক্ত সঙ্গ করে ।

নামে রুচি, জীবে দয়া, ভক্তি পথ ধরে ॥

কর্ম্মী ও জ্ঞানীর প্রতি কৃপায় গৌণপথ বিধান,

দয়ার সাগর তুমি জীবের ঈশ্বর ।

কর্ম্মী জ্ঞানী বহিন্মুখ উদ্ধারে তৎপর ॥

কর্ম্মপথে জ্ঞানপথে পথিক যে জন ।

তাহার উদ্ধার লাগি তোমার যতন ॥

(১২) স্মৃতি তিন প্রকার—কর্ম্মোন্মুখী, জ্ঞানোন্মুখী ও ভক্ত্যনুখী । প্রথম দুই প্রকার স্মৃতিতে কর্ম্মফলভোগ ও মুক্তিলাভ হয় । শেষ প্রকার স্মৃতিতে অনন্ত ভক্তিতে শ্রদ্ধোদয় হয় । অজ্ঞানে শুদ্ধ ভক্ত্যঙ্গের ক্রিয়াই সেই স্মৃতি ।

সেই সেই পথিকের মঙ্গল চিন্তিয়া ।

গৌণভক্তিপথ এক রাখিল করিয়া (১৩) ॥

কৰ্ম্মীর পক্ষে কৰ্ম্মের গৌণভক্তিপথ,

কৰ্ম্মী বর্ণাশ্রমে থাকি সাধুসঙ্গ করি ।

কৰ্ম্ম মাঝে ভক্তি করে গৌণ পথ ধরি ॥

তার কৃত কৰ্ম্ম সব হৃদয় শোধিয়া ।

তিরোহিত হয় শ্রদ্ধা-বীজে স্থান দিয়া ॥

জ্ঞানীর গৌণপথ,

জ্ঞানী স্মৃতির বলে ভক্তের কৃপায় ।

অন্য ভক্তিতে শ্রদ্ধা অনায়াসে পায় (১৪) ॥

তুমি বল মোর দাস মায়ার বিপাকে ।

চাহে অন্য তুচ্ছ ফল ছাড়িয়া আমাকে ॥

আমি জানি তার যাতে হয় স্মঙ্গল ।

ভুক্তি মুক্তি ছাড়াইয়া দিই ভক্তি ফল ॥

গৌণপথের প্রক্রিয়া,

তার কাম অনুসারে চালাঞা তাহারে ।

গৌণপথে ভক্তিমার্গে শ্রদ্ধা দিই তারে ॥

(১৩) বর্ণাশ্রমাচার অনুষ্ঠানের দ্বারা হরিতোষণ ব্রতই কৰ্ম্মমার্গীয় গৌণভক্তিপথ ।

(১৪) ভক্তসাধুসঙ্গাদিই জ্ঞানমার্গের গৌণ ভক্তিপথ । শুদ্ধভক্তির প্রাপ্ত্যুপায় বর্ণনে রামানন্দ সংবাদে মহাপ্রভু এই দুই গৌণ পথকে ‘বাহ্য’ বলিয়া অনাদর করিয়াছেন ।

এ তোমার কৃপা প্রভু তুমি কৃপাময় ।
কৃপা না করিলে কিসে জীব শুদ্ধ হয় ॥

কলিতে গৌণপথের দুর্দশা,

সত্যযুগে ধ্যানযোগে কত ঋষিগণে ।
শুদ্ধ করি দিলে প্রভু নিজ ভক্তি ধনে ॥
ত্রেতাযুগে যজ্ঞ কৰ্ম্মে অনেক শোধিলে ।
দ্বাপরে অর্চনমার্গে ভক্তি বিলাইলে ॥
কলি আগমনে নাথ জীবের দুর্দশা ।
দেখি জ্ঞান, কৰ্ম্ম, যোগ ছাড়িল ভরসা ॥
অল্প আয়ু, বহু পীড়া, বল বুদ্ধি হ্রাস ।
এই সব উপদ্রব জীবে কৈল গ্রাস ॥
বর্ণাশ্রম ধৰ্ম্ম আর সাংখ্য যোগ জ্ঞান ।
কলিজীবে উদ্ধারিতে নহে বলবান,
জ্ঞানকৰ্ম্মগত যে ভক্তির গৌণপথ ।
কণ্টকে সঙ্কীর্ণ হঞা হইল বিপথ (১৫) ॥

(১৫) জ্ঞানচর্চা সময়ে প্রকৃত সাধুসঙ্গ এবং নিষ্কাম ও ঈশ্বরার্পিত যোগের দ্বারা ভক্তিদেবীর মন্দিরাভিমুখে গমনের যে দুইটী গৌণপথ ছিল তাহা কলিকালে দূষিত হইয়াছে । প্রকৃত সাধুর পরিবর্তে ধৰ্ম্মধ্বজীর প্রাবল্য । বিষয় ভোগের লালসায় কৰ্ম্ম দ্বারা, কেবল হৃদিশুদ্ধির অনাদর প্রবল । সুতরাং গৌণপথ দ্বারা আর মঙ্গল হয় না । দ্বাপরে যে মুখ্য পথ-রূপ অর্চন প্রদর্শিত হইয়াছিল তাহাও নানা দৌরাণ্যে দূষিতপ্রায় হইল ।

পৃথক উপায় ধরি উপেয় সাধনে ।

বিঘ্ন বহুতর হৈল জীবের জীবনে (১৬) ॥

নামালোচনার মুখ্যপথ,

প্রভু তুমি জীবের মঙ্গল চিন্তা করি ।

কলিযুগে নাম সঙ্গে স্বয়ং অবতরি ॥

যুগধর্ম প্রচারিলে নামসংকীর্তন ।

মুখ্যপথে জীব পায় কৃষ্ণ-প্রেমধন ॥

নামের স্মরণে আর নাম সংকীর্তন ।

এই মাত্র ধর্ম জীব করিবে পালন ॥

সাধ্য-সাধন ও উপায়-উপেয়ের অভেদতাক্রমে নামের মুখ্যতা,

যেহিত সাধন সেই সাধ্য যবে হৈল ।

উপায় উপেয় মধ্যে ভেদ না রহিল ॥

(১৬) যাহার অবলম্বনে উপেয় বস্তু পাওয়া যায় তাহাই উপায় ।

উপায় সাধন দ্বারা যাহা লাভ হয় তাহাই উপেয় । সাধনের নামান্তর

উপায় । সাধ্যের নামান্তর উপেয় । পরমেশ্বর প্রসাদই সর্বজীবের

চরম উপেয় বা সাধ্য । কর্ম ও জ্ঞান সেই উপেয় বা সাধ্যের মুখ্য সাধন

নয় । কেন না তাহারা উপেয়ের নিকটস্থ হইলেই স্বরূপতঃ লুপ্ত হয় ।

নাম সাধন সেরূপ নয় । নাম পরমেশ্বর হইতে অভিন্ন । সুতরাং সাধ্যও

উপেয়রূপে সাধন বা উপায় রূপ নাম স্বয়ং বর্তমান থাকেন । এই তত্ত্বটি

বিশেষ সৌভাগ্য বলেই জানা যায় ।

সাধোর সাধনে আর নাহি অন্তরায় ।
 অনায়াসে তরে জীব তোমার কৃপায় ॥
 আমিত অধম অতি মজিয়া বিষয়ে ।
 না ভজিনু নাম তব অতি মূঢ় হয়ে ॥
 দর দর ধারা চক্ষে ব্রহ্ম হরিদাস ।
 পড়িল প্রভুর পদে ছাড়িয়া নিশ্বাস ॥
 হরি ভক্ত ভক্তি মাত্রে বিনোদ যাহার ।
 হরিনাম চিন্তামণি জীবন তাহার ॥
 ইতি শ্রীহরিনাম চিন্তামণৌ নামমাহাত্ম্যচরণং
 নাম প্রথমঃ পরিচ্ছেদঃ ।

দ্বিতীয় পরিচ্ছেদ ।

নামগ্রহণ-বিচার ।

—:~:—

গদাই গৌরান্ধ জয় জাহ্নবা জীবন ।
 সীতাদ্বৈত জয় শ্রীবাসাদি ভক্তগণ ॥
 মহাপ্রেমে হরিদাস করেন রোদন ।
 প্রেমে তারে গৌরচন্দ্র দিলা আলিঙ্গন ॥

বলেন, তোমার সম ভক্ত কোথা আর ।
সর্বতত্ত্বজ্ঞাতা তুমি সদা মায়াপার ॥

অনন্ত ভজনের শ্রেষ্ঠতা,

নীচকূলে অবতরি দেখালে সকলে ।
ধনে মানে কূলে শীলে কৃষ্ণ নাহি মিলে ॥
অনন্ত ভজনে যার শ্রদ্ধা অতিশয় ।
দেবতা অপেক্ষা শ্রেষ্ঠ সেই মহাশয় ॥

শ্রীহরিদাসের নামাচার্য্যতা,

নামতত্ত্ব সর্ব সার তোমার বিদিত ।
আচারে আচার্য্য তুমি প্রচারে পণ্ডিত ॥
বল হরিদাস নামমহিমা অপার ।
শুনিয়া তোমার মুখে আনন্দ আমার ॥

বৈষ্ণবলক্ষণ,

এক নাম যার মুখে বৈষ্ণব সে হয় ।
তারে গৃহী যত্ন করি মানিবে নিশ্চয় (১) ॥

(১) কুলীনগ্রামীর প্রশ্নে মহাপ্রভু বলিয়াছিলেন,—

“প্রভু কহে—কৃষ্ণসেবা বৈষ্ণবসেবন ।

নিরন্তর কর কৃষ্ণনামসংকীৰ্ত্তন ॥

প্রভু কহে যার মুখে শুনি একবার ।

কৃষ্ণনাম সেই পূজ্য শ্রেষ্ঠ সবাকার ॥

কৃষ্ণনাম নিরন্তর যাহার বদনে ।

সেই সে বৈষ্ণব ভজ তাঁহার চরণে ॥

যাহার দর্শনে মুখে আইসে কৃষ্ণনাম ।

তাঁহারে জানিও তুমি বৈষ্ণব প্রধান ॥”—চৈঃ চঃ মধ্যলীলা ।

বৈষ্ণবতর লক্ষণ,

নিরন্তর যার মুখে শুনি কৃষ্ণনাম ।

সেই সে বৈষ্ণবতর সর্ববিশুণ্যধাম ॥

বৈষ্ণবতম লক্ষণ,

বৈষ্ণব উত্তম সেই যাহারে দেখিলে ।

কৃষ্ণনাম আসে মুখে কৃষ্ণভক্তি মিলে ॥

হেন কৃষ্ণনাম জীব কিরূপে করিবে ।

তাহার বিধান তুমি আমারে বলিবে ॥

কর যুড়ি হরিদাস বলেন বচন ।

প্রেমে গদ গদ স্বর সজল নয়ন ॥

নামের স্বরূপ,

কৃষ্ণনাম চিন্তামণি অনাদি চিন্ময় (২) ।

যেই কৃষ্ণ সেই নাম এক তত্ত্ব হয় ॥

চৈতন্য বিগ্রহ নাম নিত্যমুক্ততত্ত্ব ।

নাম নামী ভিন্ন নয়, নিত্য শুদ্ধ সত্ত্ব ॥

এ জড় জগতে তার অক্ষয় আকার ।

রসরূপে রসিকেতে সত্ত্ব অবতার ॥

(২) চিন্তামণি সকলই দিতে পারেন । কৃষ্ণনামচিন্তামণিও কামীজনকে ধর্ম, অর্থ, কাম ও মোক্ষ দান করেন এবং নিকামীজনকে বিশুদ্ধ কৃষ্ণপ্রেম প্রদান করেন ।

কৃষ্ণ বস্তু হয় চারি ধর্ম্মে পরিচিত (৩) ॥

নাম, রূপ, গুণ, কর্ম্ম, অনাদি বিহিত ॥

নাম নিত্যসিদ্ধ,

নিত্য বস্তু রস রূপ কৃষ্ণ সে অদ্বয় ।

সেই চারি পরিচয়ে বস্তু সিদ্ধ হয় ॥

সন্ধিনী শক্তিতে তাঁর চারি পরিচয় ।

নিত্যসিদ্ধরূপে খ্যাত সর্বদা চিন্ময় ॥

কৃষ্ণ আকর্ষয়ে সর্ব বিশ্বগত জন ।

সেই নিত্য ধর্ম্মগত কৃষ্ণনাম ধন ॥

কৃষ্ণরূপ নিত্য,

কৃষ্ণরূপ কৃষ্ণ হৈতে সর্বদা অভেদ ।

নাম রূপ এক বস্তু নাহিক প্রভেদ ॥

শ্রীনাম স্মরিলে রূপ আইসে সঙ্গে সঙ্গে ।

রূপ নাম ভিন্ন নয়, নাচে নানা রঙ্গে ॥

(৩) বস্তুমাত্রই নাম রূপ গুণ ও কর্ম্ম দ্বারা পরিচিত । কৃষ্ণই একমাত্র পরম বস্তু । সুতরাং তাঁহাতেও নাম রূপ গুণ ও লীলা এই চারিটা পরিচায়ক । বাহ্যতে এই চারি পরিচয় অভাব সেটি বস্তু বলিয়া স্বীকৃত হয় না । যথা ব্রহ্ম । নির্বিশেষ বলিয়া ব্রহ্ম বস্তু নন, কেবল ভগবত্ত্বের একটা ব্যতিরেক পরিচায়ক মাত্র ।

কৃষ্ণগুণ নিত্যত্ব,

কৃষ্ণ গুণ চতুষষ্টি অনন্ত অপার (৪) ।

যাঁর নিজ অংশ রূপে সব অবতার ॥

যাঁর গুণ অংশে ব্রহ্মা শিবাদি ঈশ্বর ।

যাঁর গুণে নারায়ণ ষষ্টি গুণেশ্বর ॥

সেই সব নিত্যগুণে নিত্য নাম তাঁর ।

অনন্ত সংখ্যায় ব্যাপ্ত বৈকুণ্ঠ ব্যাপার ॥

কৃষ্ণলীলার নিত্যত্ব,

সেই গুণ তরঙ্গিতে লীলার বিস্তার ।

গোলকে বৈকুণ্ঠ ব্রজ সব চিদাকার ॥

চিদ্রস্তুতে নাম, রূপ, গুণ, লীলা বস্তু হইতে পৃথক্ নয়,

নাম-রূপ-গুণ-লীলা অভিন্ন উদয় ।

অচিৎ সম্পর্কে বদ্ধ জীবে ভিন্ন হয় (৫) ॥

(৪) পঞ্চম পরিচ্ছেদ প্রমাণ মালা দেখুন । কৃষ্ণে চতুষষ্টি গুণ পূর্ণরূপে বিরাজমান । নারায়ণ হইতে রামাদি অবতার পর্য্যন্ত স্বাংশ বিলাসতত্ত্বে ষষ্টিগুণ প্রকাশিত । গিরীশাদি দেবতায় পঞ্চ পঞ্চাশদ্ গুণ আংশিকরূপে প্রকট । সাধারণ জীবে কেবল পঞ্চাশদ্ গুণ বিন্দু বিন্দুরূপে লক্ষিত । বিষ্ণুতত্ত্ব মধোও কৃষ্ণে চারিটি অসাধারণ গুণ তাঁহাকে সেই তত্ত্বের পরাকাষ্ঠারূপে পরিচয় দেয় ।

(৫) কৃষ্ণ বিভূ-চৈতন্য । অতএব তাঁহার নাম, রূপ, গুণ ও লীলা তাঁহার চিন্ময়স্বরূপ হইতে অভিন্ন । জীব চৈতন্যকণ সূতরাং শুদ্ধাবস্থায় তাঁহার নাম, রূপ, গুণ ও কৰ্ম্ম তাঁহার চৈতন্যকণ স্বরূপ হইতে স্বভাবতঃ অপৃথক্ । বদ্ধজীব অচিৎ জগতে স্থূললিঙ্গ দেহ পাইয়া স্ব স্বরূপ হইতে

শুদ্ধ জীবে নাম, রূপ, গুণ, ক্রিয়া এক ।

জড়াশ্রিত দেহে ভেদ এই সে বিবেক ॥

কৃষ্ণে নাই জড় গন্ধ অতএব তাঁয় ।

নাম-রূপ-গুণ লীলা একতর ভায় ॥

নামের সর্বমূলত্ব,

এই চারি পরিচয় মধ্যে নাম তাঁর ।

সকলের আদি সে প্রতীতি সবাকার ॥

অতএব নাম মাত্র বৈষ্ণবের ধর্ম্য ।

নামে প্রস্ফুটিত হয় রূপ, গুণ, কর্ম ॥

কৃষ্ণের সমগ্র লীলা নামে বিদ্যমান ।

নাম সে পরম তত্ত্ব তোমার বিধান ॥

বৈষ্ণব ও বৈষ্ণবপ্রায়ে ভেদ আছে,

সেই নাম বন্ধ জীব শ্রদ্ধা সহকারে ।

শুদ্ধ রূপে লইলে বৈষ্ণব বলি তারে ॥

নামাভাস যার হয় সে বৈষ্ণব-প্রায় ।

নামকূপা-বলে ক্রমে শুদ্ধ ভাব পায় ॥

**এই মায়িক জগতে কৃষ্ণনাম ও জীব এই দুইটিমাত্র
চিন্ত্যাপার,**

নাম সম বস্তু নাই এ ভব সংসারে ।

নাম সে পরম ধন কৃষ্ণের ভাণ্ডারে ॥

পৃথক্ নাম রূপ গুণ কর্ম পাইয়াছেন । ইহাই তাঁহার বিড়ম্বনা । কৃষ্ণ-
কূপায় মুক্ত হইলে আর সেইরূপ থাকিবে না ।

জীব নিজে চিহ্ন্যপার কৃষ্ণনাম আর ।

আর সব প্রাপঞ্চিক জগৎ সংসার (৬) ॥

মুখ্য, গোণ ভেদে নাম দুই প্রকার;

মুখ্য ও গোণ ভেদে কৃষ্ণ নাম দ্বিপ্রকার ।

মুখ্যনামাশ্রয়ে জীব পায় সর্বসার ॥

চিল্লীলা আশ্রয় করি যত কৃষ্ণ নাম ।

সেই সেই মুখ্য নাম সর্বগুণধাম ॥

মুখ্য নাম,

গোবিন্দ গোপাল রাম শ্রীনন্দনন্দন ।

রাধানাথ হরি যশোমতী-প্রাণধন ॥

মদনমোহন শ্যামসুন্দর মাধব ।

গোপীনাথ ব্রজগোপ রাখাল যাদব ॥

এইরূপ নিত্য লীলা প্রকাশক নাম ।

এসব কীর্তনে জীব পায় কৃষ্ণধাম ॥

(৬) এই জড়জগতে সকলই মায়িক, জড়ময় । জীব কৃষ্ণেচ্ছায় এখানে বদ্ধ হইয়া আছেন । তিনিই একমাত্র এই জড়জগতের চিহ্ন্যপার । কৃষ্ণ নামরূপে অবতীর্ণ হইয়া এ জগতে দ্বিতীয় চিহ্ন্যপার প্রকাশ করিয়াছেন । অতএব এই জগতে দুইটি মাত্র চিত্ত্ব অর্থাৎ জীব ও কৃষ্ণনাম । ব্রহ্মাদি দেবগণ এ স্থলে বিভিন্নাংশ বলিয়া জীব মধ্যে গণিত হইয়াছেন ।

গৌণ নাম ও তাহার লক্ষণ,

জড়া প্রকৃতির পরিচয়ে নাম যত ।
 প্রকৃতির গুণে গৌণ বেদের সম্মত ॥
 সৃষ্টিকর্ত্তা পরমাত্মা লক্ষ্য স্থিতিকর ।
 জগৎ সংহর্ত্তা পাতা যজ্ঞেশ্বর হর ॥

মুখ্য ও গৌণ নামের ফলভেদ,

এইরূপ নাম, কস্মিজ্ঞানকাণ্ডগত ।
 পুণ্য মোক্ষ দান করে শাস্ত্রের সম্মত ॥
 নামের যে মুখ্যফল কৃষ্ণপ্রেমধন ।
 তার মুখ্য নামে মাত্র লভে সাধুগণ (৭) ॥

নাম ও নামাভাসমাত্র ফলভেদ,

এক কৃষ্ণনাম যদি মুখে বাহিরায় ।
 অথবা শ্রবণ পথে অন্তরেতে যায় ॥
 শুদ্ধ বর্ণ হয় বা অশুদ্ধ বর্ণ হয় ।
 তাতে জীব তরে এই শাস্ত্রের নির্ণয় ॥
 কিন্তু এক কথা ইথে আছে স্মৃনিশ্চিত ।
 নামাভাস হইলে বিলম্বে হয় হিত ॥
 নামাভাস হইলেও অন্য শুভ হয় ।
 প্রেমধন কেবল বিলম্বে উপজয় ॥

(৭) কৃষ্ণের গৌণ নাম হইতে পুণ্য ও মোক্ষরূপ ফলোদয় হয় ।
 কৃষ্ণের মুখ্য নামই কেবল প্রেমদানে সমর্থ ।

নামাভাসে পাপক্ষয়ে শুদ্ধ নাম হয় ।

তখনই শ্রীকৃষ্ণ প্রেম লভয়ে নিশ্চয় (৮) ॥

ব্যবহিত বা ব্যবধানে দোষ জন্মে,

কিন্তু ব্যবহিত হলে হয় অপরাধ ।

সেই অপরাধে হয় প্রেমলাভে বাধ ॥

নাম নামী ভেদ বুদ্ধি ব্যবধান হয় ।

ব্যবহিত থাকিলে কদাপি প্রেম নয় ॥

ব্যবধান দুই প্রকার,

বর্ণ ব্যবধান আর তত্ত্ব ব্যবধান ।

ব্যবধান দ্বিপ্রকার বেদের বিধান ॥

মায়াবাদই নামে তত্ত্ব ব্যবধান করে,

তত্ত্ব ব্যবধান মায়াবাদ দুষ্ট মত ।

কলির জঞ্জাল এই শাস্ত্র অসম্মত (৯) ॥

(৮)- নামাভাস দ্বারা সর্ব পাপ ক্ষয় হয় । সর্ব পাপ ও অনর্থ দূর হইলে শুদ্ধনাম ভক্তের জিহ্বায় নৃত্য করেন । তখন শুদ্ধ নাম তাঁহাকে কৃষ্ণপ্রেম দান করেন ।

(৯) বর্ণ ব্যবধান এইরূপ ‘হঠিকরি’ এই স্থানে প্রথম ও শেষ অক্ষরে হরি শব্দ হইলেও ‘ঠিক’ এই ব্যবধান মধ্যে থাকায় নামফলের প্রতিবন্ধক হইল । হারাম শব্দে সেরূপ ব্যবধান নাই । অতএব হারাম এই সাঙ্কেতিক অর্থ যোগে মুক্তিফলপ্রদ হয় । তত্ত্বব্যবধান অতিশয় দুষ্ট । বস্তুতঃ কৃষ্ণ নাম ও কৃষ্ণ ভেদ নাই । যদি কেহ মায়াবাদ গ্রহণ পূর্বক কৃষ্ণনামকে ব্রহ্ম হইতে পৃথক্ কল্পিত বলিয়া জানেন তবে তাহার তত্ত্ব ব্যবধান হইল । তাহাতে সর্বনাশ হয় ।

ব্যবধানাবিক্ত নামই শুদ্ধ নাম,

অতএব শুদ্ধ কৃষ্ণনাম যার মুখে ।

তাঁহাকে বৈষ্ণব জানি সদা সেবি স্থখে ॥

অনর্থ যত নষ্ট হয় ততই নামাভাসহ দূর হয় ও চিন্ময়নাম
প্রকাশ পায়,

নামাভাস ভেদি শুদ্ধনাম লভিবারে ।

সদগুরু সেবিবে জীব যত্ন সহকারে ॥

ভজনে অনর্থ নাশ যেই ক্ষণে পায় ।

চিৎস্বরূপ নাম নাচে ভক্তের জিহ্বায় ॥

নাম সে অমৃত ধারা নাহি ছাড়ে আর ।

নামরসে মত্ত জীব নাচে অনিবার ॥

নাম নাচে, জীব নাচে, নাচে প্রেমধন ।

জগৎ নাচায়, মায়া করে পলায়ন ॥

যাহার নামে শ্রদ্ধা হয় তাহারই নামে অধিকার হইয়া
থাকে, নামে সর্বশক্তি আছে,

নামে অধিকার নরমাত্রে কৈলে দান ।

সর্বশক্তি মামে প্রভু করিলে বিধান ॥

যার শ্রদ্ধা হয় নামে সেই অধিকারী ।

যার মুখে কৃষ্ণনাম সেই সে আচারী ॥

দেশকাল অশৌচাদির বাধা নামে নাই,

দেশ কাল অশৌচাদি নিয়ম সকল ।

শ্রীনাম গ্রহণে নাই নাম সে প্রবল ॥

কলিজীরের নামে নিষ্কপট বিশ্বাস হইলেই নামে
অধিকার হইল,

দানে, যজ্ঞে, স্নানে, জপে আছে ত' বিচার ।

কৃষ্ণসঙ্কীৰ্ত্তনে মাত্র শ্রদ্ধা অধিকার (১০) ॥

যুগধর্ম্য হরিনাম অনন্য শ্রদ্ধায় ।

যে করে আশ্রয় তার সর্বলাভ হয় ॥

কলিজীব নিষ্কপটে কৃষ্ণের সংসারে ।

অবস্থিত হয়ে কৃষ্ণনাম সদা করে ॥

নামের অনুকূল বিষয় গ্রহণ ও প্রতিকূল বিষয় বর্জন,

ভজনের অনুকূল সর্বকার্য্য করি ।

ভজনের প্রতিকূল সব পরিহারি ॥

কৃষ্ণের সংসারে থাকি কাটায়ে জীবন ।

নিরন্তর হরিনাম করেন স্মরণ ॥

অনন্য বুদ্ধিতে নাম গ্রহণ করিবে,

আর কোন ধর্ম্য কর্ম্ম কভু না করিবে ।

স্বতন্ত্র ঈশ্বরজ্ঞানে অন্যে না পূজিবে ॥

কৃষ্ণনাম ভক্তসেবা সতত করিবে ।

কৃষ্ণ-প্রেম-লাভ তার অবশ্য হইবে ॥

(১০) দানাদি কর্ম্মে দেশকালপাত্র শুদ্ধাশুদ্ধি বিচারে অধিকার
জন্মে । কিন্তু কৃষ্ণসংকীৰ্ত্তনে শ্রদ্ধাই একমাত্র অধিকার, তাহাতে অন্য
কোন বিচার নাই ।

হরিদাস কাঁদি প্রভু চরণে পড়িয়া ।
 নামে অনুরাগ মাগে চরণ ধরিয়া ॥
 হরিদাসপদে ভক্তিবিনোদ যাহার ।
 হরিনাম চিন্তামণি জীবন তাহার ॥
 ইতি শ্রীহরিনামচিন্তামণৌ শ্রীনামগ্রহণবিচারো
 নাম দ্বিতীয়ঃ পরিচ্ছেদঃ ।

তৃতীয় পরিচ্ছেদ ।

নামাভাস বিচার ।

গদাই গৌরাঙ্গ জয় জাহ্নবা জীবন ।
 সীতাদ্বৈত জয় শ্রীবাসাদি ভক্তজন ॥
 হরিদাসে মহাপ্রভু সদয় হইয়া ।
 উঠায় তখন পদহস্ত প্রসারিয়া ॥
 বলে শুন হরিদাস আমার বচন ।
 নামাভাস স্পর্শ রূপে বুঝাও এখন ॥
 নামাভাস বুঝাইলে নাম শুদ্ধ হবে ।
 অনায়াসে জীব নামগুণে তরে যাবে ॥

নামাভাস । মেঘ কুজ্জটিকারূপ অজ্ঞান ও অনর্থ,

নাম সূর্যাসম নাশে মাত্রা অন্ধকার ।

মেঘ কুজ্জটিকা নামে ঢাকে বার বার ॥

জীবের অজ্ঞান আর অনর্থ সকল ।

কুজ্জটিকা মেঘরূপে হয় ত প্রবল (১) ॥

কৃষ্ণনাম সূর্য চিত্ত গগনে উঠিল ।

কুজ্জটিকা মেঘ পুনঃ তাঁহাকে ঢাকিল ।

অজ্ঞান কুজ্জটিকা, স্বরূপ ভ্রম,

নামের যে চিৎস্বরূপ তাহা নাহি জানে ।

সে অজ্ঞান কুজ্জটিকা অন্ধকার আনে ॥

কৃষ্ণ সর্বেশ্বর বলি নাহি জানে যেই ।

নানা দেবে পূজি কৰ্ম্মমার্গে ভ্রমে সেই ॥

জীবে চিৎস্বরূপ বলি নাহি যার জ্ঞান ।

মায়া জড়াশ্রয়ে তার সতত অজ্ঞান ॥

তবে হরিদাস বলে আজ আমি ধন্য ।

মম মুখে নাম কথা শুনিবে চৈতন্য ॥

(১) কৃষ্ণ ও কৃষ্ণনাম অভিন্নরূপে চিৎস্বরূপ । তমোমগ্ন মায়াকে নাশ করেন । বদ্ধজীবে রূপা করিয়া নামস্বরূপ জগতে উদ্ভিত হইয়াছেন । বদ্ধজীবের অজ্ঞান কুজ্জটিকার ন্যায় । বদ্ধজীবের অনর্থগুলি মেঘের ন্যায় । নামস্বরূপকে ঢাকিয়া অন্ধকার করে । বদ্ধজীবের চক্ষুকে ঢাকে । সূর্য্য বৃহৎ, অতএব তাঁহাকে ঢাকিতে পারে না । জীবচক্ষে ছায়া পড়িলেই সূর্য্যকে ঢাকা বলে ।

কৃষ্ণ জীব প্রভুদাস জড়াত্মিকা মায়া ।

যে না জানে তার শিরে অজ্ঞানের ছায়া (২) ॥

মেঘ অনর্থ, অসতৃষ্ণা হৃদয়-দৌর্বল্য অপরাধ,

অসতৃষ্ণা হৃদয়-দৌর্বল্য অপরাধ ।

অনর্থ এসব মেঘরূপে করে বাধ (৩) ॥

নাম সূর্য্য রশ্মি ঢাকে, নামাভাস হয় ।

স্বতঃ সিদ্ধ কৃষ্ণ নামে সদা আচ্ছাদয় ॥

নামাভাসের অবধি,

সম্বন্ধতত্ত্বের জ্ঞান যাবৎ না হয় ।

তাবৎ সে নামাভাস জীবের আশ্রয় ॥

সাধক যত্বপি পায় সদগুরু আশ্রয় ।

ভজন নৈপুণ্যে মেঘ আদি দূর হয় ॥

সম্বন্ধ, অভিধেয়, প্রয়োজন,

মেঘ কুঞ্জটিকা গেলে নাম দিবাকর ।

প্রকাশ হইয়া ভক্তে দেন প্রেমবর ॥

(২) নামের চিৎস্বরূপ কৃষ্ণের সর্বেশ্বরতা অত্যান্ত দেবগণের কৃষ্ণ দাসত্ব, জীবের চিৎস্বরূপ ; এবং মায়া জড়তা না জানাই জীবের অজ্ঞান । কৃষ্ণ প্রভু, জীব দাস এবং মায়া জড়াত্মিকা তত্ত্ব ; ইহা জানিলে আর অজ্ঞান থাকে না ।

(৩) অসতৃষ্ণা, কৃষ্ণ ব্যতীত অন্য বিষয়ে তৃষ্ণা অর্থাৎ বিষয়লোভ অসতৃষ্ণা, হৃদয়-দৌর্বল্য এবং অপরাধ ইহারাই জীবের অনর্থরূপ মেঘ ।

সদগুরু সম্বন্ধ জ্ঞান করিয়া অর্পণ ।
 অভিধেয়রূপে করান নামানুশীলন ॥
 নাম সূর্য্য স্নানকালে প্রবল হইয়া ।
 অনর্থ কুজ্জটিকা দেন তাড়াইয়া ॥
 প্রয়োজনতত্ত্ব তবে দেন প্রেমধন ।
 প্রাপ্তপ্রেম জীব করে নামসংকীৰ্ত্তন ॥

সম্বন্ধ জ্ঞান,

সদগুরু চরণে জীব শ্রদ্ধা সহকারে ।
 প্রথমে সম্বন্ধজ্ঞান পায় সুবিচারে ॥
 কৃষ্ণ নিত্য প্রভু আর জীব নিত্যদাস ।
 কৃষ্ণপ্রেম নিত্য, জীব স্বভাব প্রকাশ ॥
 কৃষ্ণ নিত্যদাস জীব তাহা বিস্মরিত্য ।
 মায়ািক জগতে ফিরে সুখ অন্বেষিয়া ॥
 মায়ািক জগত হয় জীব-কারাগার ।
 জীবের বৈমূখ্য দোষে দণ্ড প্রতিকার (৪) ॥

(৪) এই চতুর্দশ ভুবনরূপ দেবীধামই কৃষ্ণ বহিঃসুখ জীবের কারাগার। আনন্দভোগের স্থান নয়। এখানে যে বিষয়সুখ তাহা অনিত্য সূতরাং দুঃখবিশেষ। দণ্ড প্রতিকার, দণ্ডদ্বারা জীবের প্রবৃত্তি শোধন।

তবে যদি জীব সাধু বৈষ্ণব কৃপায় ।

সম্বন্ধ জ্ঞানেতে পুনঃ কৃষ্ণনাম পায় (৫) ॥

তবে পায় প্রেমধন সর্বধর্মসার ।

বাহ্য নিকটে সাযুজ্যাদির ধিকার ॥

যাবৎ সম্বন্ধ জ্ঞান স্থির নাহি হয় ।

তাবৎ অনর্থে নামাভাসের আশ্রয় (৬) ॥

নামাভাসের ফল,

নামাভাস দশাতেও অনেক মঙ্গল ।

জীবের অবশ্য হয় স্মৃতি প্রবল (৭) ॥

নামাভাসে নষ্ট হয় আছে পাপ যত ।

নামাভাসে মুক্তি হয় কলি হয় হত ॥

নামাভাসে নর হয় সুপংক্তি-পাবন ।

নামাভাসে সর্বরোগ হয় নিবারণ ॥

(৫) আমি অণুচৈতন্য নিতাকৃষ্ণদাস, কৃষ্ণ বিভূচৈতন্য আমার এক মাত্র প্রভু । এই জড়জগৎ আমার প্রবৃত্তি শোধক কারাগৃহ । এই জ্ঞানকে সম্বন্ধ জ্ঞান বলা যায় ।

(৬) যে পর্য্যন্ত গুরুকৃপায় সম্বন্ধজ্ঞানোদয় না হয়, সে পর্য্যন্ত জীবের অজ্ঞান অনর্থ থাকে স্তুরাং সে পর্য্যন্ত যে নাম উচ্চারণ করা যায় তাহা নামাভাসই হয় । শুদ্ধ নাম হয় না ।

(৭) নামাভাস জীবের প্রধান স্মৃতির মধ্যে গণ্য হয় । ধর্ম, ব্রত, যোগ, হতাদি সর্বপ্রকার শুভকর্ম তপেক্ষা নামাভাস শ্রেষ্ঠ ফলপ্রদ ।

সকল আশঙ্কা নামাভাসে দূর হয় ।
 নামাভাসী সর্ববিরক্ত হৈতে শান্তি পায় ॥
 যক্ষ, রক্ষ, ভূত, প্রেত, গ্রহসমূদয় ।
 নামাভাসে সকল অনর্থ দূরে যায় ॥
 নরকে পতিত লোক সুখে মুক্তি পায় ।
 সমস্ত প্রারন্ধ কৰ্ম্ম নামাভাসে যায় ॥
 সর্ববেদাধিক সর্ব তীর্থ হইতে বর ।
 নামাভাস সর্ব শুভ কৰ্ম্মশ্রেষ্ঠতর ॥

নামাভাসের বৈকুণ্ঠাদি প্রাপকত্ব,

ধন্য, অর্থ, কাম, মোক্ষ চতুর্বর্গদাতা ।
 সর্বশক্তি ধরে নামাভাস জীবিতাতা ॥
 জগৎ আনন্দকর শ্রেষ্ঠপদপ্রদ ।
 অগতির এক গতি সর্বশ্রেষ্ঠ পদ ॥
 বৈকুণ্ঠাদি লোকপ্রাপ্তি নামাভাসে হয় ।
 বিশেষতঃ কলিযুগে সর্ববশাস্ত্র কয় ॥

সঙ্কেত, পরিহাস, স্তোভ ও হেলা, এই চারিপ্রকার নামাভাস,
 চতুর্বিধ নামাভাস এইমাত্র জানি ।

সঙ্কেত ও পরিহাস স্তোভ হেলা মানি (৮) ॥

(৮) সঙ্কেত, পরিহাস, স্তোভ ও হেলা এই চারিপ্রকার কার্যের
 সহিত নাম উচ্চারিত হইলে নামাভাস হয় । অতএব সেই সেই কার্য
 সহযোগে নামাভাস চারিপ্রকার । হেলা অপেক্ষা স্তোভ, স্তোভ অপেক্ষা
 পরিহাস এবং পরিহাস অপেক্ষা সঙ্কেত অল্প দোষাবহ ।

সাক্ষেত্যরূপ নামাভাসের প্রকারদ্বয়,

বিষ্ণুলক্ষ্য করি জড়বুদ্ধো নাম লয় ।
 অন্য লক্ষ্য করি বিষ্ণু নাম উচ্চারয় ॥
 সন্ধেতে দ্বিবিধ এই হয় নামাভাস ।
 অজামিল সাংক্ষী তার শাস্ত্রেতে প্রকাশ ॥
 যবন সকল মুক্ত হবে অনায়াসে ।
 হারাম হারাম বলি কহে নামাভাসে ॥
 অশ্রুত সন্ধেতে যদি হয় নামাভাস ।
 তথাপি নামের তেজ না হয় বিনাশ ॥

পরিহাস নামাভাস,

পরিহাসে কৃষ্ণনাম যেই জন করে ।
 জরাসন্ধ সম সেই এ সংসার তরে ॥

স্তোভ নামাভাস,

অঙ্গভঙ্গী চৈত্বে সম করে নামাভাস ।
 স্তোভ মাত্র হয় তবু নাশে ভবপাশ ॥

হেলা নামাভাস,

মন নাহি দেয় আর অবজ্ঞা ভাবেতে ।
 কৃষ্ণ রাম বলে হেলা নামাভাস তাতে ॥
 এই সব নামাভাসে শ্লেচ্ছগণ তরে ।
 বিষয়ী অলস জন এই পথ ধরে ॥

শ্রদ্ধা ও হেলা নামাভাসের ভেদ,

শ্রদ্ধা করি করে নাম অনর্থ সহিত ।

শ্রদ্ধা নাম হয় সেই তোমার বিহিত ॥

সঙ্কেতাদি অবজ্ঞা পর্য্যন্ত ভাব ধরি ।

নাম করে হেলায় যে শ্রদ্ধা পরিহরি ॥

নামাভাস অবধি সে হেলা নাম হয় ।

তাহাতেও মুক্তি লভে পাপ হয় ক্ষয় (৯) ॥

অনর্থনাশে নামাভাস নাম হইয়া প্রেম দেয়,

কৃষ্ণ-প্রেম ছাড়ি সব নামাভাসে পায় ।

নামাভাসে পুনঃ শুদ্ধ নাম হয়ে যায় ॥

অনর্থ বিগমে যবে শুদ্ধ নাম হয় ।

কৃষ্ণ-প্রেম তবে তার হইবে নিশ্চয় ॥

নামাভাস সাক্ষাৎ সে প্রেম দিতে নারে ।

নাম হয়ে প্রেম দেয় বিধি অনুসারে ॥

নামাভাস ও নাম অপরাধের ভেদ,

অতএব নাম অপরাধ পরিহরি ।

নামাভাস করে যেই তারে নতি করি ॥

(৯) হেলাতে নাম উচ্চারিত হইলেও মুক্তি পর্য্যন্ত ফল লাভ হয় ।

শ্রদ্ধাপূর্বক নাম করিলে যে কি ফল হয় তাহা বলা যাইতে পারে না ।

শ্রদ্ধোদয়ে নাম করিতে করিতে সম্বন্ধজ্ঞান ও তৎফল রতি উদয় হয় ।

শ্রদ্ধা নামাভাসে অনর্থ অতি শীঘ্র দূরীভূত হয় ।

কস্মি জ্ঞান হইতে অনন্ত শ্রেষ্ঠতর ।
 বলি নামাভাসে জানি ওহে সর্বেশ্বর ॥
 রতিমূলা শ্রদ্ধা যদি শুদ্ধভাবে হয় ।
 তবেত বিশুদ্ধ নাম হইবে উদয় ॥

ছায়া ও প্রতিবিম্ব ভেদে আভাস দুই প্রকার, ছায়া নামাভাস,
 আভাস দ্বিবিধ হয় প্রতিবিম্ব, ছায়া ।
 শ্রদ্ধাভাস দ্বিপ্রকার সব তব মায়া ॥
 ছায়া-শ্রদ্ধাভাসে ছায়া-নামাভাস হয় ;
 সেই নামাভাসে জীবের শুভ প্রসবয় (১০) ॥

(১০) শাস্ত্রে অনেক স্থানে এইরূপ শব্দ সকল পাওয়া যায়; নামাভাস, বৈষ্ণবাভাস, শ্রদ্ধাভাস, ভাবাভাস, দত্তাভাস, প্রেমাভাস, মুক্ত্যাভাস ইত্যাদি। সৰ্বত্র আভাস শব্দের একটি সুন্দর অর্থ আছে। তাহাই এই প্রকরণে বিচারিত হইয়াছে। প্রকৃত প্রস্তাবে আভাস দুই প্রকার অর্থাৎ স্বরূপ আভাস ও প্রতিবিম্বাভাস। স্বরূপ আভাসে বস্তুর পূর্ণকান্তি সঙ্কোচিত ভাবে প্রকাশিত হয়; যথা,—মেঘাচ্ছন্ন দিবাকরের স্বল্পকান্তি দ্বারা স্বল্প আলোক। প্রতিবিম্বাভাসে স্বরূপের বিকৃতি মাত্র অগ্রাধারে উদিত হয়। যথা,—আভাসস্ত মৃষা বুদ্ধিরবিদ্যা কার্য্যমুচ্যতে। জল হইতে প্রতিবিম্বিত আলোক উজ্জলিত হইয়া যেমন প্রকাশিত হয়, তদ্বৎ। নাম সূর্য্য জীবের অজ্ঞান ও অনর্থরূপ কুজ্জাটিকা ও মেঘ কর্তৃক যতক্ষণ আচ্ছাদিত, ততক্ষণ সেই সূর্য্যের সঙ্কোচিত অতি ক্ষুদ্র আলোক পরিদৃশ্য হয়। এই অবস্থায় জগতে নামাভাস অনেক শুভফল প্রদান করেন। সেই নাম-

প্রতিবিশ্ব নামাভাস,

অন্য জীবে শুদ্ধা শ্রদ্ধা করিয়া দর্শন ।

নিজ মনে শ্রদ্ধাভাস আনে যেই জন ॥

ভোগ মোক্ষ বাঞ্ছা তাহে থাকে নিত্য মিশি ।

অশ্রমে অতীষ্ট লাভে যতে দিবানিশি ॥

জ্যোতি মায়াবাদ হ্রদ হইতে প্রতিবিম্বিত হইলে প্রতিবিশ্ব-নামাভাস হয় । তাহাতে সাযুজ্যাদি ফল হইলেও নামের চরম ফলরূপ প্রেম উৎপন্ন হয় না । এ নামাভাসটী একটী প্রধান নামাপরাধ, এই জগৎ ইহাকে নামাভাস বলা যায় না । কেবল ছায়া-নামাভাসকেই নামাভাস বলিয়া চারিপ্রকারে বিভক্ত করা হইয়াছে । হেয় প্রতিবিশ্ব নামাভাসকে দূর করিয়া, নামাভাসেরও পূজা সর্বশাস্ত্রে দেখা যায় । অজ্ঞানজনিত অনর্থ হইতে ছায়া-নামাভাস, দৃষ্ট জ্ঞানজনিত অনর্থ হইতে প্রতিবিশ্ব-নামাভাসরূপ ভক্তি-বান্ধক অপরাধ বিচারিত হইয়াছে । বৈষ্ণবপ্রায় অর্থাৎ বৈষ্ণবাত্ম্য ব্যক্তিকে বৈষ্ণব না বলিলেও তাহার মায়াবাদ অপরাধ না থাকা প্রযুক্ত তাহাকে কনিষ্ঠ বা প্রাকৃত ভক্ত বলিয়া সম্মান করা যায় ; কেননা সংসঙ্গে তাঁহার শীঘ্রই মঙ্গল হইতে পারে । সুতরাং শুদ্ধভক্তগণ তাঁহাকে মিত্রবর্গগত বালিশ বলিয়া রূপা করিবেন । বিদ্যেয়ী মায়াবাদীর ত্যায় তাহাকে উপেক্ষা করিবেন না । তাঁহার লৌকিকী শ্রদ্ধায় অর্চ্যামাত্র পূজা-প্রবৃত্তিকে সম্বন্ধিত করিয়া ভগবৎ-ভাগবতসেবোপযোগী সম্বন্ধ-জ্ঞানসম্বলিত ভক্তিদান করিবেন । তবে যদি তাহার অচ্ছেদ্য মায়াবাদ বিশ্বাস দেখা যায়, তবে তাহাকে অবশ্য উপেক্ষা করিবেন ।

শ্রদ্ধার লক্ষণ মাত্র শ্রদ্ধা তাহা নয় ।

তাকে প্রতিবিশ্ব-শ্রদ্ধাভাস শাস্ত্রে কয় ॥

প্রতিবিশ্ব-শ্রদ্ধাভাসে নামাভাস যত ।

প্রতিবিশ্ব-নামাভাস হয় অবিরত ॥

প্রতিবিশ্ব-নামাভাসে মায়াবাদ কপটতা উৎপন্ন করে,

এই নামাভাসে মায়াবাদ দুষ্কৃত ।

প্রবেশিয়া শঠতায় হয় পরিণত ॥

কপট প্রতিবিশ্ব-নামাভাসই নামাপরাধ,

নিত্য সাধ্য নামে সাধন বুদ্ধি করি ।

নামের মহিমা নাশি অপরাধে মরি ॥

ছায়া-নামাভাস ও প্রতিবিশ্ব-নামাভাসের ভেদ,

ছায়া-নামাভাসে মাত্র হয়ত অজ্ঞান ।

হৃদয় দৌর্বল্য হৈতে অনর্থ বিধান ॥

সেই সব দোষ নাম করেন মার্জ্জন ।

প্রতিবিশ্ব-নামাভাসে দোষের বর্জন ॥

মায়াবাদ ও ভক্তি ইহারা পরস্পর বিপরীত ধর্ম, মায়া-
বাদই অপরাধ,

কৃষ্ণ নাম রূপ গুণ লীলাদি সকল ।

মায়াবাদিমতে মিথ্যা নশ্বর সমল ॥

সেই মতে প্রেমতত্ত্ব নিত্য নাহি হয় ।

ভক্তি-বিপরীত মায়াবাদ স্তুনিশ্চয় ॥

ভক্তিবৈরী মধ্যে মায়াবাদের গণন ।
 অতএব মায়াবাদী অপরাধী হন ॥
 মায়াবাদিমুখে নাম নাহি বাহিরায় ।
 নাম বাহিরায় তবু নামত্ব না পায় ॥
 মায়াবাদী যদি করে নাম উচ্চারণ ।
 নামকে অনিত্য বলি লভয়ে পতন ॥
 নামের নিকটে ভোগ মোক্ষের প্রার্থনা ।
 নামের নিকটে শাঠ্য ফলেতে যাতনা ॥

মায়াবাদীর অপরাধ কখন ছাড়ে,

তবে যদি মায়াবাদী ভুক্তি মুক্তি আশ ।
 ছাড়িয়া করয়ে নাম হয়ে কৃষ্ণদাস ॥
 তবে তার ছাড়ে মায়াবাদ দুষ্কৃত ।
 অনুতাপ সহ হয় নামে অনুগত ॥
 সাধুসঙ্গে করে পুনঃ শ্রবণ কীর্তন ।
 সুসম্বন্ধ জ্ঞান তার উদে ততক্ষণ ॥
 অবিশ্রান্ত নাম করে পড়ে চক্ষুজল ।
 নামকৃপা পায় চিত্ত হয়ত সবল ॥

ভক্তিকে অনিত্য বলিয়া মায়াবাদ অপরাধ হইয়াছে,

কৃষ্ণরূপ কৃষ্ণদাস্ত্র জীবের স্বভাব ।
 মায়াবাদ অনিত্য কল্পিত বলে সব ॥

হেন মায়াবাদ নাম অপরাধে গণি ।

মায়াবাদ হয় সর্ব্ব বিপদের খনি ॥

মায়াবাদী নামাভাসে মুক্ত্যাভাসরূপ সাযুজ্য লাভ করে,

নামাভাস কল্পতরু মায়াবাদিজনে ।

অভীষ্ট অর্পণ করে সাযুজ্য নির্ব্বাণে ॥

সর্ব্বশক্তি নামে আছে তাই নামাভাস ।

প্রতিবিশ্ব হইলেও দেন মুক্ত্যাভাস ॥

পঞ্চবিধ মুক্তি মধ্যে সাযুজ্য আভাস ।

ভব-ক্লেশ নাশে মাত্র ফলে সর্ব্বনাশ ॥

মায়াবাদী নিত্যসুখ পায় না,

মায়ায় মোহিত জন তাহে সুখ মানে ।

সুখাভাস মাত্র পায় সাযুজ্য নির্ব্বাণে ॥

সচ্চিৎ আনন্দ সেবা পরম নিব্বৃতি ।

সাযুজ্যে না পায় কভু হতকৃষ্ণস্মৃতি ॥

ঝাঁহা নাহি ভক্তি প্রেম নিত্যতা বিশ্বাস ।

নিত্যসুখ কৈছে তাহে হইবে প্রকাশ ॥

ছায়া-নামাভাসী দুষ্টিমতে না প্রবেশ করিলে ক্রমে শুদ্ধ
নাম পাইয়া থাকেন,

ছায়া-নামাভাসী নাহি জানে দুষ্টিমত ।

মতবাদে চিত্তবল নহে তার হত ॥

সে কেবল নাহি জানে যথার্থ প্রভাব ।
 সে প্রভাব জ্ঞানদান নামের স্বভাব ॥
 মেঘাচ্ছন্ন সূর্য্যপ্রভা প্রতীত না হয় ।
 কিন্তু মেঘে নাশি সূর্য্য করেন উদয় ॥
 ছায়া-নামাভাসী ধন্য সদগুরু-প্রভাবে ।
 অল্পদিনে নাম-প্রেম অনায়াসে পাবে ॥

ভক্তের মায়াবাদী সঙ্গ অবশ্য পরিত্যাজ্য,
 মায়াবাদী সঙ্গ তেঁহ সতর্কে ছাড়িয়া ।
 শুদ্ধনামপরায়ণে তুষিবে সেবিয়া ॥
 এইত তোমার আজ্ঞা শ্রীকৃষ্ণচৈতন্য ।
 সেই আজ্ঞা যেই পালে সেই জীব ধন্য ॥
 যে না পালে তব আজ্ঞা সেই জীব ছার ।
 কোটী জন্মে কিছূতেই না হবে উদ্ধার ॥
 কুসঙ্গ ছাড়িয়ে প্রভু রাখ তব পায় ।
 তব পাদপদ্ম বিনা না দেখি উপায় ॥
 হরিদাস পদদ্বন্দ্বে বিনোদ যাহার ।
 হরিনাম চিন্তামণি সদা গান তার ॥
 ইতি শ্রীহরিনামচিন্তামণৌ নামাভাসবর্ণনং
 নাম তৃতীয়ঃ পরিচ্ছেদঃ ।

চতুর্থ পরিচ্ছেদ ।

—•—

নাম অপরাধ—সাধুনিন্দা ।

—•—

সতাং নিন্দা নাম্নঃ পরনপরাধং বিতরুতে ।

যতঃ খ্যাতিং যাতং কথমু সহতে তদ্বিগর্হাম্ ॥

গদাধরপ্রাণ জয় জাহ্নবা জীবন ।

জয় সীতানাথ শ্রীবাসাদি ভক্তগণ ॥

প্রভু বলে হরিদাস এবে সবিস্তর ।

নাম অপরাধ ব্যাখ্যা কর অতঃপর ॥

হরিদাস বলে প্রভু মোরে যা বলাবে ।

তাহাই বলিব আমি তোমার প্রভাবে ॥

দশবিধ নামাপরাধ,

নাম, অপরাধ দশবিধ শাস্ত্রে কর ।

সেই অপরাধে মোর বড় হয় ভয় (১) ॥

দশাপরাধ :—(১) সাধুনিন্দা, (২) অল্প দেবে স্বতন্ত্র বুদ্ধি এবং কৃষ্ণ নাম, রূপ, গুণ ও লীলাকে কৃষ্ণস্বরূপ হইতে পৃথক্ বুদ্ধি, (৩) নামতত্ত্ব প্রতি অবজ্ঞা, (৪) নাম-মহিমাবাচক শাস্ত্রনিন্দা, (৫) শাস্ত্রে নামের যে গুরুর মাহাত্ম্য ও ফল লিখিয়াছেন তাহাতে অর্থনাদ করিয়া কল্পনা মনে করা, (৬) নামবলে পাপবুদ্ধি, (৭) শ্রদ্ধাহীন ব্যক্তিকে নাম উপদেশ করা, (৮) অল্প শুভকর্মের সহিত হরিনামকে সমান মনে করা, (৯) নামগ্রহণ বিষয়ে অনবধান, (১০) আমি ও আমার আসক্তি ক্রমে নামের মাহাত্ম্য জানিয়াও তাহাতে প্রীতি না করা ।

এক এক করি আমি বলিব সকল ।
 অপরাধে বাঁচি যাতে দেহ মোরে বল ॥
 সাধুনিন্দা, অত্যাচারে স্বাতন্ত্র্য মনন ।
 নামতত্ত্ব গুরু আর শাস্ত্র বিনিন্দন ॥
 হরিনামে অর্থবাদ কল্পিত মনন ।
 নামবলে পাপ, শ্রদ্ধাহীনে নামার্পণ ॥
 অণু শুভকর্মের সমান কৃষ্ণনাম ।
 একথা মানিলে অপরাধ অবিশ্রাম ॥

দশবিধ অপরাধ,

নামেতে অনবধান হয় অপরাধ ।
 তাহাকে পুরাণ-কর্তা বলেন প্রমাদ ॥
 নামের মাহাত্ম্য জানে তবু নাহি ভজে ।
 অহং মম আসক্তিতে সংসারেতে মজে ॥

সাধুনিন্দাই প্রথম অপরাধ,

সাধুনিন্দা প্রথমাপরাধ বলি জানি ।
 এই অপরাধে জীবের হয় সর্বব জানি ॥

স্বরূপ ও তটস্থ লক্ষণ-ভেদে সাধু লক্ষণদ্বয় বিচার,

সাধুর লক্ষণ তুমি বলিয়াছ প্রভো ।
 একাদশে উক্তবরে কৃষ্ণরূপে বিভো ॥
 দয়ালু, সহিষ্ণু, সম, দ্রোহশূন্যব্রত ।
 সত্যসার, বিশুদ্ধাত্মা, পরহিতে রত ॥

কামে অক্ষুভিত বুদ্ধি, দান্ত, অকিঞ্চন ।
 মৃদু, শুচি, পরিমিতভোজী, শান্তমন ॥
 অনীহ, ধৃতিমান, স্থির, কৃষ্ণৈকশরণ ।
 অপ্রমত্ত, সুগম্ভীর, বিজিত-ষড়্গুণ ॥
 অমানী, মানদ, দক্ষ, অবধক, জ্ঞানী ।
 এই সব লক্ষণেতে সাধু বলি জানি ॥
 এই সা লক্ষণ প্রভু হয় দ্বিপ্রকার ।
 স্বরূপ তটস্থ-ভেদে করিব বিচার (২) ॥

স্বরূপ লক্ষণই প্রধান লক্ষণ, তদাশ্রয়ে তটস্থ লক্ষণ সকল
 উদয় হয়,

কৃষ্ণৈকশরণ হয় স্বরূপলক্ষণ ।
 তটস্থ লক্ষণে অগ্ন্য গুণের গণন ॥
 কোন ভাগে সাধুসঙ্গে নামে রুচি হয় ।
 কৃষ্ণনাম গায় করে কৃষ্ণ পদাশ্রয় ॥
 স্বরূপ লক্ষণ সেই হইতে হইল ।
 গাইতে গাইতে নাম অগ্ন্যগুণ আইল ॥
 অগ্ন্য গুণ গণ তাই তটস্থে গণন ।
 অবশ্য বৈষ্ণব-দেহে হবে সংঘটন ॥

(২) যে বস্তুর যাহা সাক্ষাৎ নিজ লক্ষণ তাহাই তাহার স্বরূপ লক্ষণ ।
 অগ্ন্য বস্তু সম্বন্ধে যে আগন্তুক লক্ষণ যে বস্তুতে উদয় হয়, তাহাই তাহার
 তটস্থ লক্ষণ ।

বর্ণাশ্রম লিঙ্গ, নানাপ্রকার বেশ দ্বারা সাধুত্ব হয় না,
কৃষ্ণৈকশরণই সাধুলক্ষণ,

বর্ণাশ্রম চিহ্ন নানাবেষের রচনা ।

সাধুর লক্ষণে কভু না হয় গণনা ॥

শ্রীকৃষ্ণ শরণাগতি সাধুর লক্ষণ ।

তার মুখে হয় কৃষ্ণনাম-সংকীৰ্ত্তন ॥

গৃহী, ব্রহ্মচারী, বানপ্রস্থ, ন্যাসিভেদে (৩) ।

শূদ্র, বৈশ্য, ক্ষত্র, বিপ্রগণের প্রভেদে ॥

সাধুত্ব কখন নাহি হইবে নির্ণীত ।

কৃষ্ণৈকশরণ সাধু শাস্ত্রের বিহিত ॥

গৃহিসাধুলক্ষণ,

রঘুনাথ দাসে লক্ষ্য করিয়া সেবার (৪) ।

গৃহিসাধুজনে শিখায়েছ এই সার ॥

স্থির হয়ে ঘরে যাও, না হও বাতুল ।

(৩) যাহারা স্ববর্ণ বিবাহের দ্বারা গৃহস্থ হন তাহাঁরাই গৃহী । বিবাহের পূর্বে যিনি ব্রহ্মচর্য্যের সহিত বিদ্যাভাস করেন, তিনি ব্রহ্মচারী । পরিণত বয়সে যিনি বনে প্রস্থান করেন তিনি বানপ্রস্থ । বৈরাগ্যক্রমে যিনি গৃহত্যাগ করেন, তিনি ঞ্চাসী বা দম্যাসী ।

(৪) রঘুনাথ দাস কায়স্থকুলতিলক সপ্তগ্রামবাসী । দাস গোস্বামী বলিয়া যিনি ছয় গোস্বামীর মধ্যে পরিগণিত ।

ক্রমে ক্রমে পায় লোক ভবসিন্ধুকূল ॥

মর্কট-বৈরাগ্য ছাড় লোক দেখাইয়া (৫) ।

যথাযোগ্য বিষয় ভুঞ্জ অনাসক্ত হঞ ॥

অন্তর নিষ্ঠা কর বাহ্যে লোকব্যবহার ।

অচিরে শ্রীকৃষ্ণ তোমায় করিবে উদ্ধার ॥

গৃহত্যাগী সাধুলক্ষণ,

পুন তুমি তার দেখি বৈরাগ্য গ্রহণ ।

এই মত শিক্ষা দিলে অপূর্ব শ্রবণ ॥

গ্রাম্যকথা না শুনিবে গ্রাম্যবার্তা না কহিবে ।

ভাল না থাইবে আর ভাল না পরিবে ॥

অমানী মানদ কৃষ্ণনাম সদা লবে ।

ব্রজে রাধাকৃষ্ণসেবা মানসে করিবে ॥

গৃহী ও গৃহত্যাগীর উভয়েরই স্বরূপ লক্ষণ এক,

স্বরূপ লক্ষণ এক সর্বত্র সমান ।

আশ্রমাদি ভেদে পৃথক্ তটস্থ বিধান ॥

(৫) অন্তরে বৈরাগ্যবিষয়ে নিষ্ঠা জন্মে নাই অথচ কোপীন বহির্কাসাদি বাহ্যে ধারণ করা হয়, ইহাই মর্কট-বৈরাগীর চিহ্ন ।

অনন্তশরণে যদি দেখি দুরাচার ।

তথাপি সে সাধু বলি সেব্য সবাচার (৬) ॥

এইত শ্রীকৃষ্ণবাক্য গীতা ভাগবতে ।

ইহাকে পূজিব যত্রে সদা সর্বব্রতে ॥

ইহাতে আছেত এক নিগূঢ় সিদ্ধান্ত ।

কৃপা করি জানায়েছ তাই পাই অন্ত ॥

পূর্বপাপের গন্ধাবশেষ ও পূর্বপাপ লক্ষ্য করিয়া যিনি
কৃষ্ণেকশরণ সাধুর নিন্দা করেন, তিনি নাগাপরাধী,

কৃষ্ণনামে রুচি যবে হইবে উদয় ।

একনামে পূর্বপাপ হইবেক ক্ষয় ॥

পূর্বপাপ গন্ধ তবু থাকে কিছুদিন ।

নামের প্রভাবে ক্রমে হঞা পড়ে ক্ষীণ (৭) ॥

শীঘ্র সেই পাপগন্ধ বিদূরিত হয় ।

পরম ধর্ম্মাত্মা বলি হয় পরিচয় ॥

(৬) অনন্ত কৃষ্ণেকশরণই ভক্তির স্বরূপ লক্ষণ । সে লক্ষণ যাহার
হয় তাহার তটস্থলক্ষণ গুলি অবশ্য হইবে । কিন্তু কোন অনন্ত কৃষ্ণ-
শরণ ব্যক্তির যদি কোন অংশে তটস্থ লক্ষণ পূর্ণোদিত না হওয়ায় দুরাচার
লক্ষিত হয়, তথাপি তিনি সাধু ।

(৭) নামে রুচি হইলে পূর্ব পাপতো থাকে না ; কাহার কাহার পূর্ব
পাপগন্ধ থাকিতে পারে, তাহাও স্বল্পদিনে ক্ষয় হয় ।

যে কয়েক দিন সেই গন্ধ নাহি যায় ।

সাধারণ-জনচক্ষে পাপ বলি ভায় ॥

সে পাপ দেখিয়া যেই সাধুনিন্দা করে ।

পূর্বপাপ লক্ষি পুন অবজ্ঞা আচরে (৮) ॥

সেইত পাষণ্ডী বৈষ্ণবের নিন্দা দোষে ।

নাম-অপরাধে মজি পড়ে কৃষ্ণরোষে ॥

কৃষ্ণৈকশরণতাই সাধু লক্ষণ, আপনাকে সাধু বলিয়া
পরিচয় দেওয়া দাস্তিকতা,

কৃষ্ণৈকশরণ মাত্র কৃষ্ণনাম গায় ।

সাধু নামে পরিচিত কৃষ্ণের রূপায় ॥

কৃষ্ণভক্ত ব্যতীত নাহিক সাধু আর ।

আমি সাধু বলি হয় দম্ব অবতার (৯) ॥

স্বল্লাক্ষরে সাধু নির্ণয়,

যে বলিবে আমি দীন কৃষ্ণৈকশরণ ।

কৃষ্ণনাম যার মুখে সাধু সেই জন ॥

তৃণ হৈতে হীন বলি আপনাকে জানে ।

সহিষ্ণু তরুর ন্যায় আপনাকে মানে ॥

(৮) নষ্টপ্রায় পাপগন্ধ এবং শরণাপত্তি গ্রহণের পূর্বে যে পাপ কৃত
হইয়াছিল তাহা ধরিয়া বৈষ্ণবনিন্দা করিলে মহাপরাধ হয় ।

(৯) দম্ব অবতার, ধর্ম্মধ্বজী দাস্তিক, কেবল বেষোপজীবী ।

নিজেত অমানী আর সকলে মানদ ।

তার মুখে কৃষ্ণনাম কৃষ্ণরতিপ্রদ ॥

নামপরায়ণ বৈষ্ণবই সাধু, তল্লিন্দাই অপরাধ,

হেন সাধু মুখে যবে শুনি এক নাম ।

বৈষ্ণব বলিয়া তারে করিব প্রণাম ॥

বৈষ্ণব সে জগদ্গুরু জগতের বন্ধু ।

বৈষ্ণব সকল জীবের সদা কৃপাসিন্ধু ॥

এ হেন বৈষ্ণব নিন্দা যেই জন করে ।

নরকে পড়িবে সেই জন্ম জন্মান্তরে ॥

ভক্তি লভিবারে আর নাহিক উপায় ।

ভক্তিলভে সর্বব জীব বৈষ্ণব-কৃপায় ॥

বৈষ্ণব দেহেতে থাকে শ্রীকৃষ্ণের শক্তি (১০) ।

সেই দেহস্পর্শে অগ্নে হয় কৃষ্ণভক্তি ॥

বৈষ্ণব-অধরাশ্রিত আর পদ-জল ।

বৈষ্ণবের পদরজ তিন মহাবল ॥

(১০) ছায়াদিনী সঙ্ঘিৎ সমবেত সাররূপা ভক্তি শক্তি । জীবের ভক্তিলভের ক্রম এই যে, এক সিদ্ধভক্ত অগ্রসাধকভক্তকে ভক্তিশক্তির সঞ্চার করেন । তিনি সিদ্ধ হইয়া অগ্রাগ্র সাধক জীবকে ভক্তি সঞ্চার করেন । ভক্তি চিন্ময়ী প্রবৃত্তি বিশেষ আত্মাকে অবলম্বন করিয়া তাঁহার স্থিতিগতি সিদ্ধ হয় । কোন আত্মা যখন বিরোধিভাবশূন্য হইয়া ভক্তি-প্রবণ হন, তখন সিদ্ধ কৃপাময় ভক্তের আত্মা হইতে সেই আত্মায় ভক্তি সঞ্চারিত হন, ইহাই এক রহস্য ।

বৈষ্ণবের শক্তি সঞ্চার,

বৈষ্ণব নিকটে যদি বৈসে কতক্ষণ ।

দেহ হৈতে হয় কৃষ্ণশক্তি নিঃসরণ ॥

সেই শক্তি শ্রদ্ধাবান্ হৃদয়ে পশিয়া ।

ভক্তির উদয় করে দেহ কাঁপাইয়া ॥

যে বসিল বৈষ্ণবের নিকটে শ্রদ্ধায় ।

তাহার হৃদয়ে ভক্তি হইবে উদয় ॥

প্রথমে আসিবে তার মুখে কৃষ্ণনাম ।

নামের প্রভাবে পাবে সর্বগুণগ্রাম ॥

বৈষ্ণবের কি কি দোষ ধরিলে বৈষ্ণব-নিন্দা হয়, জাত-
দোষ, পূর্বদোষ, নষ্টপ্রায় অবশিষ্ট দোষ, কাদাচিৎক দোষ,

বৈষ্ণবের জাতি আর পূর্বদোষ ধরে ।

কাদাচিৎক দোষ দেখি যেই নিন্দা করে ॥

নষ্টপ্রায় দোষ লয়ে করে অপমান ।

যমদণ্ডে কষ্ট পায় সে সব অজ্ঞান (১১) ॥

(১১) যিনি বৈষ্ণবের জাতিদোষ, কাদাচিৎক অর্থাৎ প্রমাদাগত দোষ, নষ্টপ্রায় দোষ ও শরণাগতির পূর্বাচরিত দোষ ধরিয়া বৈষ্ণবকে নিন্দা করেন, তিনি বৈষ্ণব-নিন্দুক । কখনই তাহার নামে রুচি হইবে না । যিনি শ্রদ্ধা ভক্তির আশ্রয় করিয়াছেন, তিনি শুদ্ধবৈষ্ণব । পূর্বোক্ত চারিপ্রকার দোষ কথঞ্চিৎ তাহাতে লক্ষিত হইতে পারে । তাহার অণু কোন দোষের সম্ভাবনা নাই ।

বৈষ্ণবের মুখে নামমাহাত্ম্যপ্রচার ।
 সে বৈষ্ণবনিন্দা কৃষ্ণ নাহি সহ্য আর ॥
 ধর্ম-যোগ-বাগ-জ্ঞানকাণ্ড পরিহারি ।
 যে ভজিল কৃষ্ণনাম সেই সর্বোপরি ॥

অন্য দেব-শাস্ত্র-নিন্দাদিশূন্য নামাশ্রয়ী সাধু,

অন্যদেব অন্যশাস্ত্র না করি নিন্দন ।
 নামের আশ্রয় লয় শুদ্ধ সাধুজন ॥
 সে সাধু গৃহস্থ হউ অথবা সন্ন্যাসী ।
 তাহার চরণরেণু পাইতে প্রয়াসী ॥
 যার যত নামে রতি সে তত বৈষ্ণব ।
 বৈষ্ণবের ক্রম এই মতে অনুভব (১২) ॥
 ইথে বর্ণাশ্রম, ধন, পাণ্ডিত্য, যৌবন ।
 কোন কার্য্য নাহি করে রূপ-বল-জন ॥
 অতএব যিনি করিলেন নামাশ্রয় ।
 সাধুনিন্দা ছাড়িবেন এ ধর্ম নিশ্চয় ॥
 নামাশ্রয়ী শুদ্ধাভক্তি ভক্ত ভক্তিরূপা ।
 ভক্ত ভক্তিবিবর্জিতা হইলে বিরূপা ॥
 যাহা সাধুনিন্দা তাহা নাহি ভক্তিস্থিতি ।
 অতএব অপরাধে তথা পরিণতি ॥

(১২) যত পরিমাণে যাহার কৃষ্ণনামে রতি হইয়াছে তিনি ততদূর বৈষ্ণব ।

সাধুনিন্দা ছাড়ি ভক্ত সাধুভক্তি করে ।

সাধুসঙ্গ সাধুসেবা এই ধৰ্ম্মাচরে ॥

অসৎসঙ্গ দুই প্রকার, স্ত্রীসঙ্গী,

অসৎসঙ্গত্যাগে হয় বৈষ্ণব আচার ।

অসৎসঙ্গে হয় সাধু-অবজ্ঞা অপার ॥

অসৎ সে দ্বিপ্রকার সর্ববশাস্ত্রে কয় (১৩) ।

সেই দুয়ের মধ্যে যোষিৎসঙ্গী এক হয় ॥

যোষিৎসঙ্গসঙ্গী পুনঃ তার মধ্যে গণ্য (১৪) ॥

তার সঙ্গত্যাগে জীব হইবেক ধন্য ॥

যোষিৎসঙ্গী কাহাকে বলে,

কৃষ্ণের সংসারে যে দাম্পত্য ধর্ম্মে থাকে ॥

অসৎ বলিয়া শাস্ত্র না বলে তাহাকে ॥

অধর্ম্ম-সংযোগে আর স্ত্রৈণ-ভাবে রত ।

যোষিৎসঙ্গী জন দুফট, শাস্ত্রের সম্মত ॥

(১৩) অসৎসঙ্গত্যাগই বৈষ্ণবের প্রধান আচার । অসৎ দুই প্রকার অর্থাৎ যোষিৎসঙ্গী ও অভক্ত । স্ত্রীভক্তের পক্ষে পুরুষসঙ্গীকে অসৎ বলিতে হইবে । অবৈধ স্ত্রী সঙ্গী এবং বৈধ স্ত্রী সম্বন্ধে স্ত্রৈণ পুরুষ এই দুই প্রকার যোষিৎসঙ্গী ।

(১৪) যাহারা যোষিৎসঙ্গী তাঁহাদের সঙ্গও নিতান্ত ভক্তিবাদক ।

দ্বিতীয় প্রকার অসৎ কৃষ্ণেতে অভক্ত তিন প্রকার,
কৃষ্ণেতে অভক্ত অসৎ দ্বিতীয় প্রকার।

মায়াবাদী, ধর্মধ্বজী, নিরীশ্বর আর (১৫) ॥

যিনি বলেন এই সব লোকের নিন্দাকেও সাধুনিন্দা
বলে তিনিও বর্জ্য,

বর্জ্জিলে এ সব সঙ্গ সাধুনিন্দা নয়।

ইহাকে যে নিন্দা বলে সেই বর্জ্য হয় ॥

এই সব সঙ্গ ছাড়ি অনন্তশরণ।

কৃষ্ণনাম করি পায় কৃষ্ণপ্রেমধন ॥

বৈষ্ণবাত্মা, প্রাকৃতবৈষ্ণব, বৈষ্ণবপ্রায় ও কনিষ্ঠ-বৈষ্ণব
এই সকল একই কথা,

সাধুসেবাহীন অর্চে লৌকিক শ্রদ্ধায়।

প্রাকৃত বৈষ্ণব হয় বৈষ্ণবের প্রায় ॥

বৈষ্ণব আভাস সেই নহেত বৈষ্ণব।

কেমনে পাইবে সাধুসঙ্গের বৈভব ॥

অতএব কনিষ্ঠ মধ্যেতে তারে গণি।

তারে কৃপা করিবেন বৈষ্ণব আপনি ॥

(১৫) মায়াবাদী অর্থাৎ যাহারা ভগবানের নিত্যস্বরূপ মানে না এবং
কৃষ্ণাদি শ্রীমূর্তিকে মায়া নিশ্চিত মনে করে এবং জীবকে মায়া নিশ্চিত
তত্ত্ব বলিয়া জানে। ধর্মধ্বজী, অন্তরে ভক্তি বা বৈরাগ্য নাই, কেবল
কার্যোদ্ধারের জন্ত শঠতার সহিত বেশ রচনা করে। নিরীশ্বর, নাস্তিক।

মধ্যমবৈষ্ণব,

কৃষ্ণে প্রেম, কৃষ্ণভক্তে মৈত্রী আচরণ ।
বালিশেতে কৃপা আর ঘেষী উপেক্ষণ ॥
করিলে মধ্যমভক্ত শুদ্ধভক্ত হন ।
কৃষ্ণনামে অধিকার করেন অর্জন ॥

উত্তমবৈষ্ণব,

সর্বত্র যাঁহার হয় কৃষ্ণ দরশন ।
কৃষ্ণে সকলের স্থিতি কৃষ্ণ প্রাণধন ॥
বৈষ্ণবাবৈষ্ণব ভেদ নাহি থাকে তাঁর ।
বৈষ্ণব উত্তম তিনি কৃষ্ণনামসার ॥

মধ্যম বৈষ্ণবই সাধুসেবা করেন,

অতএব মধ্যম বৈষ্ণব মহাশয় ।
সাধু-সেবারত সদা থাকেন নিশ্চয় (১৬) ॥

(১৬) মধ্যম বৈষ্ণব হইতেই শুদ্ধ বৈষ্ণবের গণনা । তিনি বৈষ্ণবাবৈষ্ণব বিচারের অধিকারী কেননা শুদ্ধবৈষ্ণব-সেবাই তাঁহার প্রয়োজন । বৈষ্ণবাবৈষ্ণব বিচার পরিত্যাগ করিলে মধ্যম বৈষ্ণবের বৈষ্ণবাপরাধ হয় । তিনি যত্নের সহিত, অন্বেষণ করিয়া শুদ্ধ বৈষ্ণবের সেবা করিবেন । উত্তম বৈষ্ণবের যখন বৈষ্ণবাবৈষ্ণব ভেদ নাই তখন তিনি কিরূপে বৈষ্ণবের সেবা করিবেন ? উত্তম বৈষ্ণবের শত্রু মিত্র ভেদ নাই, স্তত্রাং বৈষ্ণবাবৈষ্ণব ভেদ কিরূপে থাকে ?

প্রাকৃত বৈষ্ণব নামাভাসের অধিকারী,

প্রাকৃত-বৈষ্ণব যেই বৈষ্ণবের প্রায় ।

নামাভাসে অধিকারী সর্বশাস্ত্র গায় ॥

মধ্যম বৈষ্ণব নামাধিকারী ও নামাপরাধ বিচার করিবেন,

মধ্যম বৈষ্ণব মাত্র নামে অধিকারী ।

শ্রীনামভজনে অপরাধের বিচারী ॥

উত্তম বৈষ্ণবে অপরাধ অসম্ভব ।

সর্বত্র দেখেন তিনি কৃষ্ণের বৈভব ॥

নিজ নিজ অধিকার করিয়া বিচার ।

সাধুনিন্দা অপরাধ করি পরিহার (১৭) ॥

সাধুসঙ্গ সাধু-সেবা নামসংকীৰ্ত্তন ।

সর্ব জীবে দয়া এই তত্ত্ব আচরণ ॥

সাধুনিন্দা ঘটিলে কি করা কর্তব্য,

প্রমাদে যত্নপি ঘটে সাধুবিগর্হণ ।

তবে অনুতাপে ধরি সে সাধুচরণ ॥

কাঁদিয়া বলিব প্রভো ক্ষমি' অপরাধ ।

এ দুষ্কনিন্দুকে কর বৈষ্ণবপ্রসাদ ॥

সাধু বড় দয়াময় তবে আর্দ্রমনে ।

(১৭) স্বীয় স্বীয় স্বভাববিচার পূর্বক স্ব স্ব অধিকার জানা আবশ্যিক ।
অধিকারনিষ্ঠার সহিত নামসংকীৰ্ত্তনই বৈষ্ণবধর্ম ॥

ক্ষমিবেন অপরাধ কৃপা আলিঙ্গনে (১৮) ॥

এইত প্রথম অপরাধের বিচার ।

শ্রীচরণে নিবেদিনু আত্মা অনুসার ॥

হরিদাস পাদপদ্মে ভ্রমর যে জন ।

হরিনাম চিন্তামণি তাহার জীবন ॥

ইতি শ্রীহরিনামচিন্তামণৌ সাধুনিন্দাপরাধবিচারো

নাম চতুর্থঃ পরিচ্ছেদঃ ।

পঞ্চম পরিচ্ছেদ ।

—*—

দেবাত্তরে স্বাতন্ত্র্য জ্ঞানাপরাধ ।

শিবস্ত শ্রীবিষ্ণোর্য ইহ গুণনামাদিসকলং

ধিয়া ভিন্নং পশ্যেৎ স খলু হরিনামাতিতকরঃ ।

জয় গদাধরপ্রাণ জাহ্নবা জীবন ।

জয় সীতানাথ জয় গৌরভক্তগণ ॥

হরিদাস বলে তবে করি ষোড়হাত ।

দ্বিতীয়াপরাধ এবে শুন জগন্নাথ ॥

(১৮) গোপাল চাপালের এই প্রণালীতে বৈষ্ণবাপরাধ ক্ষয় হইয়াছিল । প্রমাণ মালা দেখুন ।

বিষ্ণুতত্ত্ব,

পরম অদ্বয় জ্ঞান বিষ্ণু পরতত্ত্ব ।
 চিৎস্বরূপ জগদীশ সদা শুদ্ধসত্ত্ব ॥
 গোলকবিহারী কৃষ্ণ সে তত্ত্বের সার ।
 চতুষষ্টি গুণে অলঙ্কৃত রসাধার ॥
 ষষ্টিগুণ নারায়ণ স্বরূপে প্রকাশ ।
 সেই ষষ্টিগুণ বিষ্ণু সামান্যবিলাস ॥
 পুরুষাবতারে আর স্বাংশ অবতারে (১) ।
 সেই ষষ্টিগুণ স্পষ্ট কার্য অনুসারে ॥

বিষ্ণুর বিভিন্নাংশের প্রকার ভেদ, জীবের পঞ্চাংশগুণ,

বিষ্ণুর যে বিভিন্নাংশ দুইত প্রকার ।
 পঞ্চাংশং গুণ জীবে বিন্দু বিন্দু তার ॥

(১) শুদ্ধসত্ত্ব বিষ্ণু বা পরব্যোমপতি নারায়ণ, গোলোকপতি কৃষ্ণের বিলাস বিগ্রহ । পরব্যোমস্থ সংকর্ষণ বিষ্ণুই কারণবারিতে মহাবিষ্ণুরূপ প্রথম পুরুষাবতার । ব্রহ্মা ও প্রদীপ্ত মহাবিষ্ণুংশই গর্ভোদকশায়ী । তিনি সমষ্টি পুরুষ । প্রত্যেক জীবগত পুরুষই ক্ষীরোদশায়ী বিষ্ণু । এই তিনটি পুরুষাবতার । ক্ষীরোদশায়ীই মৎস্যকূর্মাাদি বিবিধ স্বাংশ অবতার হন । সকলেই ষষ্টিগুণশালী বিষ্ণুতত্ত্ব । শক্ত্যাবেশ অবতার-গণ বিভিন্নাংশ । যথা পরশুরাম, বুদ্ধ, পৃথু ।

গিরিশাদি দেবতা বিভিন্নাংশ হইয়াও সামান্য জীব নন ;
তাহারা ৫৫ গুণবিশিষ্ট,

গিরিশাদি দেবে সেই গুণ পঞ্চাশৎ ।

তদধিক পরিমাণে সর্বদা সংযুত (২) ॥

তদ্ব্যতীত আর পঞ্চগুণ অংশ মানে ।

প্রকাশিত আছে তব বিচিত্রবিধানে (৩) ॥

ষষ্টিগুণে বিমুগ্ধ,

সেই পঞ্চ পঞ্চাশৎ গুণপূর্ণ তায় ।

বিমুগ্ধে বিরাজমান সর্ববশাস্ত্রে গায় ॥

তদ্ব্যতীত আর পঞ্চগুণ নারায়ণে ।

আছে তার সঙ্গ কভু নাহি অন্য জনে ॥

ষষ্টিগুণে বিমুগ্ধত্ব পরম ঈশ্বর ।

গিরিশাদি অন্যদেব তাহার কিস্কর ॥

বিভিন্নাংশ গিরিশাদি জীব-শ্রেষ্ঠতর ।

বিমুগ্ধ সর্ববজীবেশ্বর সর্বদেবেশ্বর ॥

অজ্ঞানব্যক্তি অন্য দেবতার সহিত বিমুগ্ধকে সমান মনে করে,
অন্য দেব সহ সম বিমুগ্ধকে যে মানে ।

(২) তদধিক পরিমাণ, জীবের সত্তায় যে বিন্দু বিন্দু পরিমাণ আছে
তদপেক্ষা অধিক পরিমাণে ঐ সকল গুণ আছে ।

(৩) শিবাদি দেবতায় এই পঞ্চাশৎ গুণ ব্যতীত আর পাঁচটি গুণ
আংশিকরূপে আছে । অর্থাৎ সেই সকল গুণ বিমুগ্ধত্ব ব্যতীত আর
কাহাতেও পূর্ণরূপে নাই ।

সে বড় অজ্ঞান ঈশতত্ত্ব নাহি জানে ॥
 এজড় জগতে বিষ্ণু পরম ঈশ্বর ।
 গিরিশাদি যত দেব তাঁর বিধিকর (৪) ॥
 কেহ বলে মায়ার ত্রিগুণে ত্রিদিবেশ ।
 সর্বদা সমান ব্রহ্ম তত্ত্ব সর্বিশেষ (৫) ॥

নানাবিধ বাদানুবাদের সিদ্ধান্ত,

শাস্ত্রের সিদ্ধান্তে তবু পূজা নারায়ণ ।
 ব্রহ্মা শিব সৃষ্টিলয় কার্যের কারণ ॥
 বাসুদেবে ছাড়ি যেই অগ্নিদেবে ভজে ।
 ঈশ্বর ছাড়িয়া সেই সংসারেতে মজে ॥
 কেহ বলে বিষ্ণু পরতত্ত্ব বটে জানি ।
 সর্ববিষ্ণুময় বিশ্ব বেদবাক্য মানি ॥
 অতএব সর্বদেবে বিষ্ণু অধিষ্ঠান ।
 সর্ব-দেবার্চনে হয় বিষ্ণুর সম্মান ॥
 এইত নিষেধপর বাক্য, বিধি নয় ।
 অগ্নিদেবপূজার নিষেধ এই হয় (৬) ॥

(৪) বিধিকর, কিস্কর ।

(৫) এইটী মায়াবাদীর মত । তিনি বলেন, ব্রহ্ম নির্বিশেষ । প্রকৃতির তিন গুণে তিন দেবতা সর্বদা সর্বিশেষ ।

(৬) সকল দেবতা বিষ্ণুময় বলিয়া অগ্নিদেবের পূজার বিধান করা হয় নাই । বিষ্ণুপূজাতেই সর্বদেবতার পূজা । অতএব অগ্নিদেবের পৃথক পূজা করা অনাবশ্যক ।

সর্ববিষ্ণুময় বিশ্ব একথা বলিলে ।
 বিষ্ণুপূজা কৈলে সব দেবে পূজা মিলে ॥
 তরুমূলে জল দিলে শাখার উল্লাস ।
 পল্লবে ঢালিলে জল বৃক্ষের বিনাশ ॥
 অতএব পূজি বিষ্ণু অগ্নিদেব ত্যজি ।
 তাহাতেই অগ্নিদেব কাষে কাষে পূজি ॥
 এই বিধি বেদের সম্মত চিরদিন ।
 দুর্বিষপাকে এই বিধি ছাড়ে অববাচীন (৭) ॥
 মায়াবাদদোষে জীব কলি আগমনে ।
 বহুদেব পূজে বিষ্ণুসামান্যদর্শনে ॥
 এক এক দেব এক এক ফলদাতা ।
 সর্বফলদাতা বিষ্ণু সকলের পাতা ॥
 কামিজন যদি তত্ত্ব জানিবারে পারে ।
 বিষ্ণু পূজি ফল পায় ছাড়ে দেবান্তরে ॥
 গৃহস্থ বৈষ্ণবের কর্তব্য বিধান,
 গৃহস্থ হইয়া যেই বিষ্ণুভক্ত হয় ।
 সর্বকার্যো কৃষ্ণ পূজে ছাড়িয়া সংশয় ॥

(৭) দুর্বিষপাক, জীবের দুর্দৃষ্ট বশতঃ স্বীয় স্বীয় স্বভাব অনুরূপ দেবতা
 ভজনে প্রবৃত্তি হয় । শুদ্ধসত্ত্ব বিষ্ণুপূজা যে সনাতন বৈদিকমত তাহা
 মূঢ়তা-প্রযুক্ত অপরিজ্ঞাত থাকে ।

নিষেকাদি শ্মশানান্ত সংস্কার যত ।
 তাহাতে পূজয়ে কৃষ্ণ বেদমন্ত্রমত ॥
 বিষ্ণু-বৈষ্ণবের পূজা বেদেতে বিধান ।
 দেবপিতৃগণে কৃষ্ণনির্ম্মালাপ্রদান ॥
 মায়াবাদিমতে পিতৃশ্রাদ্ধ যেই করে ।
 যেবা অগ্নিদেব পূজে অপরাধে মরে ॥
 বিষ্ণুতত্ত্বে দ্বৈতবুদ্ধি নাম অপরাধ ।
 সেই অপরাধে তার হয় ভক্তিবাদ ॥
 শিবাদি দেবতাগণে পৃথক্ ঈশ্বর ।
 মানিলে নামাপরাধ হয় ভয়ঙ্কর (৮) ॥
 বিষ্ণুশক্তি পরাশক্তি হৈতে দেব যত ।
 ভিন্নশক্তি সিদ্ধ নয় বেদের সম্মত ॥
 শিব-ব্রহ্মা-গণপতি-সূর্য্য-দিক্‌পাল ।
 কৃষ্ণশক্তিবলেতে ঈশ্বর চিরকাল ॥
 অতএব পরেশ্বর একমাত্র জানি ।
 আর সবদেবে তাঁর শক্তিমধ্যে গণি ॥

(৮) বিষ্ণু একটা ঈশ্বর, শিবাদি দেবতা একটা একটা ঈশ্বর এরূপ মানিলে অনেক ঈশ্বর মানার অপরাধ হইয়া পড়ে। সুতরাং সেই সেই দেবতাকে বিষ্ণুর গুণাবতার বা অধিকৃত দাস বলিয়া জানিলে বা পূজিলে অপরাধ হয় না। অতঃ কোন দেবতা বিষ্ণুশক্তি হইতে কোন পৃথক্ শক্তি সিদ্ধ নন।

অতএব সর্বকার্যো কস্ম জড়ভাব ।

ছাড়িয়া গৃহস্থ পায় ভক্তির সদ্ভাব ॥

কিরূপ বৈষ্ণব গাহ'স্থ্য ধর্ম করিবেন,

ভক্তির সদ্ভাবে থাকি সংক্রিয়া করণে ।

দেবপিতৃগণে তুষে নিশ্চালা অর্পণে ॥

বহুদেবদেবী পূজা করিবে বর্জ্জন ।

কৃষ্ণভক্ত বলি সবে করিবে তর্পণ ॥

শ্রীকৃষ্ণ-বৈষ্ণবার্চনে সর্বফল পায় ।

নামে অপরাধ নহে সদা নাম গায় ।

বর্ণচতুষ্টয়ের জীবনযাত্রা বিধি,

জগতে মানবগণ বর্ণধর্ম্মাচারি ॥

করিবেক দেহযাত্রা ধর্ম্মপথ ধরি (৯) ॥

(৯) সংসারে বর্তমান জীবগণ বর্ণাশ্রম ব্যবস্থা পূর্বক দেহযাত্রা নির্বাহ করিবেন ইহাই সনাতন ধর্ম্ম। পুণ্যভূমি ভারতের এই বর্ণধর্ম্ম সম্পূর্ণ সমাজবিজ্ঞানে উদিত হইয়াছে এবং ঋষিগণ কর্তৃক প্রতিষ্ঠিত হইয়াছে। অন্যান্য দেশে যদি ও এই ব্যবস্থাটি শুদ্ধাকৃতি লাভ করে নাই, তথাপি কোন না কোন আকারে বর্তমান আছে। মানবস্বভাব বর্ণবিভাগ ব্যতীত সম্পূর্ণতা লাভ করে না। সঙ্কর ও অন্ত্যজগণ সৌভাগ্যক্রমে আপনা আপনাকে শুদ্ধাচারে নিষ্পাপে রাখিয়া কৃষ্ণসংসারে প্রবেশ করিবেন, ইহাই নিত্যবিধি।

অন্ত্যজের বিধি,

সঙ্কর অন্ত্যজ সবে তাজি নীচধর্ম্য ।
 শূদ্রাচারে করে সদা সংসারের কর্ম্ম ॥
 সঙ্কর অন্ত্যজ থাকিবেক শূদ্রাচারে ।
 চাতুর্বর্ণ্য বিনা ধর্ম্ম নাহিক সংসারে ॥

বর্ণধর্ম্মের দ্বারা জীবনযাত্রা করিয়া সংসারিব্যক্তি ভক্তি-
 পথে ভাবার্জন করিবেন,

চাতুর্বর্ণ্য বর্ণধর্ম্মে করিবে সংসার ।
 শুদ্ধকৃষ্ণভক্তি বলে হবে সদাচার ।
 চতুর্বর্ণ যতপি শ্রীকৃষ্ণ নাহি ভজে ।
 বর্ণ ধর্ম্মাচারে থাকি রৌরবেতে মজে ॥
 বর্ণ বিনা গৃহস্থের নাহি আর ধর্ম্ম ।
 বর্ণ ধর্ম্মাচারে গৃহস্থের সব কর্ম্ম ।
 বর্ণ ধর্ম্মে এ সংসার নির্বাহ করিবে ।
 যাবদর্থ-পরিগ্রাহে শ্রীকৃষ্ণ ভজিবে ॥
 নিসর্গতঃ বিধিবাধ্য যে পর্য্যন্ত নর ।
 বর্ণধর্ম্মে স্বনির্ব্বাহে করিবে আদর ॥
 ভক্তিয়োগ নামে এই তত্ত্বনিরূপণ ।
 ভক্তিয়োগে ভাবোদয় সিদ্ধান্তবচন ॥
 ভাবোদয়ে বিধির প্রবৃ্ত্তি নাহি রয় ।

ভাবোদিত কার্যো দেহযাত্রা সিদ্ধ হয় (১০) ॥

গৃহিবৈষ্ণবের এই অদয়সাধন ।

শ্রীবিষ্ণু অদয়তত্ত্বে দ্বৈতনিবর্তন ॥

নামনামী ও গুণগুণীর অভেদে বিষ্ণুজ্ঞান শুদ্ধ হয়,

আর এক কথা আছে দ্বৈতনিবর্তনে ।

বিষ্ণুনাম বিষ্ণুরূপ বিষ্ণুগুণগণে ॥

বিষ্ণু হৈতে পৃথকরূপে না মানিবে কভু ।

অদয় অথও বিষ্ণু চিন্ময়ত্বে বিভু ॥

অজ্ঞানেতে যদি হয় দ্বৈত উপদ্রব ।

নানাভাস হয় তার প্রেম অসম্ভব ॥

সদগুরুকৃপায় সেই অনর্থবিনাশ ।

ভজিতে ভজিতে শুদ্ধনামের প্রকাশ ॥

মায়াবাদীর কুতর্ক ও অপরাধ,

মতবাদজ্ঞানে দ্বৈত হৈলে প্রবর্তন ।

অপরাধ হয় আর নহে নিবর্তন ॥

মায়াবাদী বলে ব্রহ্ম হয় পরতত্ত্ব ।

নির্বিশেষ-নির্বিকারনিরাকারসত্ত্ব ॥

(১০) যাবৎ বৈধজীবনের প্রয়োজন ততদিন বর্ণাশ্রমস্থিতি । তাহাতে স্থিত হইয়া ভজন করিতে করিতে ভাবোদয় হয় । ভাবোদয় হইলে জীবের স্বভাব এত সুন্দর হয় যে বিধির প্রেরণা ছাড়িয়া বৈধজীবনের উচ্চতা লাভ করে । এই ব্যবস্থা সাধারণ জীবের জাতব্য নয় । শুদ্ধ ভাবোদয়ে স্বয়ং প্রবৃত্ত হয় ।

বিষ্ণুরূপ বিষ্ণু নাম মায়ায় কল্লিত ।
 মায়া অন্তর্দানে বিষ্ণু হন ব্রহ্মগত ॥
 এ সব কুতর্ক মাত্র সত্য শূন্যবাদ ।
 পরতত্ত্বে সর্বশক্তি অভাবপ্রমাদ ॥
 শক্তিমান্ ব্রহ্ম যেই সেই বিষ্ণু হয় ।
 নামের বিবাদমাত্র বেদের নির্ণয় ॥ (১১)

বিষ্ণু ও ব্রহ্মতত্ত্বের সম্বন্ধ,

বিষ্ণু পরতত্ত্ব তার নির্বিশেষ ধর্ম্ম ।
 সবিশেষ ধর্ম্ম সহ হয় এক মর্ম্ম ॥
 বিষ্ণুর অচিন্ত্যশক্তি বিরোধভঞ্জন ।
 অনায়াসে করি করে সৌন্দর্য্য স্থাপন ॥ (১২)

(১১) মায়াবাদিবুদ্ধি, সংকীর্ণ। অচিজ্জগতের বিশেষ বিচিত্রতা দেখিয়া মনে করেন যে চিন্ত্তে একরূপ বিশেষ বিচিত্রতা নাই। এই অসম্পূর্ণ বিশ্বাস হইতেই তিনি নীরস হইয়া শুদ্ধ কল্লিত ব্রহ্মকে চিন্ত্তা করেন। ব্রহ্মের স্বরূপগত নাম রূপ গুণ লীলা স্বীকার করিতে পারেন না। তাহা স্বীকার করিলেই ব্রহ্মই বিষ্ণু স্বরূপে পরিজ্ঞাত হন। মায়াবাদই জীবের দুর্ভাগ্য, শুদ্ধ ভক্তগণ সেই সংকীর্ণ মতবাদ দূর করিয়া ভগবৎ স্বরূপ হইতে অভিন্ননামরূপগুণলীলা অবশ্য বিশ্বাস করিবেন।

(১২) পরমেশ্বরের অচিন্ত্য শক্তিবিশেষ ধারণা করিলে কেবল নির্বিশেষময়তা স্থান পায় না। নমস্ত তর্কগত বিরোধ দূর হয়।

জীববুদ্ধি সহজেতে অতি অল্পতর ।
 অচিন্ত্যশক্তির ভাব না করে গোচর ॥
 নিজবুদ্ধো চাহে এক স্থাপিতে ঈশ্বর ।
 খণ্ডজ্ঞানে পায়, ব্রহ্মতত্ত্বেতে অবর ॥
 বিষ্ণুর পরম পদ ছাড়ি দেবার্চ্চিত । (১৩)
 ব্রহ্মে বদ্ধ হয় নাহি বুঝে হিতাহিত ॥
 চিন্ময়স্বরূপজ্ঞান যে বুঝিতে জানে
 বিষ্ণু বিষ্ণু নামগুণ এক করি মানে ॥
 এইত বিশুদ্ধ জ্ঞান শ্রীকৃষ্ণস্বরূপ ।
 সম্বন্ধ বুদ্ধিতে লভি ভজে নামরূপ ॥

শিব বিষ্ণুর কিরূপ অভেদ বুদ্ধি করিবে,
 জড়নান, জড়রূপগুণে যেই ভেদ ।
 সে ভেদ চিন্তে নাই এইত প্রভেদ ॥
 বিষ্ণুতত্ত্বে ভেদ জ্ঞান অনর্থ বিকার ।
 শিবেতে বিষ্ণুতে ভেদ অতি অবিচার ॥ (১৪)
 ভক্ত ও মায়াবাদীর আচার ও প্রবৃত্তি ভেদ,
 নানৈকশরণ যেই ভক্ত মহাজন ।
 একেশ্বর কৃষ্ণ ভজি ছাড়ে অন্য জন ॥

(১৩) বিষ্ণুর সর্বদেবার্চ্চিত বিষ্ণুপদ ছাড়িয়া খণ্ডবুদ্ধি এককল্পিত ব্রহ্মে, আবদ্ধ হইয়া নিজ হিতাহিত বুঝিতে পারে না ।

(১৪) বিষ্ণুতত্ত্বে ভেদজ্ঞানই দোষ । শিবাদি দেবতা বিষ্ণু হইতে স্বতন্ত্র জানিলে সেই ভেদজ্ঞান উদয় হয় ।

অন্যদেব অন্যশাস্ত্র নিন্দা নাহি করে ।
 কৃষ্ণদাস বলি অন্তে পূজে সমাদরে (১৫) ॥
 প্রতিদিন গৃহিভক্ত নিশ্চালা অর্পণে ।
 দেবপিতৃসর্বজীবে করেন তর্পণে ॥
 যথা যথা অন্য দেবে করেন দর্শন ।
 কৃষ্ণদাস বলি তাঁরে করেন বন্দন ॥
 মায়াবাদিগণ যদি বিষ্ণুপূজা করে ।
 প্রসাদ-নিশ্চালা ভক্ত নাহি লয় ডরে ॥
 মায়াবাদী হরি নামে অপরাধী হয় ।
 তাহার প্রদত্ত পূজা হরি নাহি লয় ॥
 অন্যদেবনিশ্চালা গ্রহণে অপরাধ ।
 শুদ্ধভক্তিসাধনে সর্বদা সাধে বাদ ॥
 তবে যদি শুদ্ধভক্ত শ্রীকৃষ্ণ পূজিয়া ।
 অন্যদেবে পূজা করে তৎপ্রসাদ দিয়া ॥

(১৫) কৃষ্ণভক্ত অন্যদেব ও অন্যশাস্ত্র নিন্দা করেন না। কেননা তিনি গুরুতর্ক হইতে দূরে থাকেন। অন্যান্ত্র শাস্ত্রে অন্যান্ত্র দেবের ঈশ্বরত্ব স্থাপন কেবল জীবের অধিকার-সম্মত এক একটা পথমাত্র। সকল শাস্ত্রই তত্তদধিকারীকে চরমে কৃষ্ণভক্ত করিবার চেষ্টা করেন, সুতরাং অন্যান্ত্র দেবতা ও শাস্ত্রের কখনই নিন্দা করিবে না। সেরূপ নিন্দাও অপরাধ। ভেদজ্ঞানে অন্যদেব ও শাস্ত্রনিন্দা পরিত্যাগ করিলে শুদ্ধকৃষ্ণ-ভক্তির রূপা হয়।

সে প্রসাদ গ্রহণেতে নাহি অপরাধ ।
 সেইরূপ দেবার্চনে নহে ভক্তিবাদ ॥
 শুদ্ধভক্ত নাম-অপরাধী নাহি হয় ।
 নাম করি প্রেম পায় নামে দেয় জয় ॥

এই অপরাধের প্রতিকার,

প্রমাদে যতপি হয় অন্তে বিষ্ণু জ্ঞান ।
 তবে অনুতাপে করি বিষ্ণুতত্ত্বধ্যান ॥
 শ্রীবিষ্ণু স্মরিয়া করি অপরাধ ক্ষয় ।
 যত্নে দেখি আর না সে অপরাধ হয় (১৬) ॥
 পূর্ব-দোষ-ক্ষমাশীল ভক্তের বান্ধব ।
 দয়ার সাগর কৃষ্ণ ক্ষমার অর্ণব ॥
 বহুদেবসেবিসঙ্গ করিব বর্জজন ;
 একেশ্বর বৈষ্ণবের করিব পূজন ॥
 হরিদাসপদে ভক্তিবিনোদ যে জন ।
 হরিনাম চিন্তামণি তাহার জীবন ॥

ইতি শ্রীহরিনামচিন্তামণৌ দেবান্তরে স্বাতন্ত্র্যজ্ঞানাপরাধ-

বিচারো নাম পঞ্চমঃ পরিচ্ছেদঃ ।

(১৬) শ্রীবিষ্ণুস্মরণের অপেক্ষা গুরুতর প্রায়শ্চিত্ত জগতে নাই ।
 বিপ্লবত্রাণগণকে বিষ্ণুপদদর্শনের উপদেশ বেদশাস্ত্রে সর্বত্র প্রদত্ত
 হইয়াছে । কৃষ্ণনামস্মরণ ও বিষ্ণুপদদর্শন একই কথা ।

ষষ্ঠ পরিচ্ছেদ ।

—*—

গুৰ্ববজ্ঞা ।

গুরোরবজ্ঞা ।

পঞ্চতত্ত্ব জয় জয় শ্রীরাধামাধব ।
জয় নবদ্বীপ ব্রজ যমুনা বৈষ্ণব ॥
হরিদাস বলে প্রভু করি নিবেদন ।
তৃতীয়াপরাধ নামে যেরূপে ঘটন ॥
বিস্তারি বলিব আমি তোমার আজ্ঞায় ।
যেই সব অপরাধ গুরু অবজ্ঞায় ॥
বহুযোনি ভ্রমি, মানব শরীর, (১)
দুর্লভ শুভদ অতি ।
তথাপি অনিত্য, পাইলেক যেই,
যাবৎ জীবনে স্থিতি ॥
পরম মঙ্গল, লভিবার তরে,

(১) চৌরাশীলক্ষ যোনি ভ্রমিতে ভ্রমিতে অজ্ঞাত স্মৃতিবলে জীবের মানবশরীর লাভ হয়। মানবশরীর দুর্লভ, যেহেতু মানবশরীরে যে পরমার্থ সাধন হয় তাহা অল্প শরীরে হইতে পারে না। দেবশরীরে কন্মফল মাত্র ভোগ হয়, কোন সাধুকন্ম কৃত হয় না। পশু পক্ষী ইত্যাদি শরীরে জ্ঞানের অভাবে কোন স্বাধীন সংকন্ম হয় না। মানবই কেবল ঈশ্বরের ভজনের উপযুক্ত ।

যদি না যতন করে ।

পুনরায় ভবে, অনিত্য শরীর,
লভিয়া আবার মরে ॥

স্ববোধ যে হয়, দুর্লভ নৃদেহ,
লভিয়া ভব সংসারে ।

সংসারী জীব অবশ্য সদগুরু আশ্রয় করিবে,

গুরু কর্ণধার, (২) সমাশ্রয় করি
কৃষ্ণ আনুকূল্যে তরে ॥

শান্ত কৃষ্ণভক্ত, লক্ষণ যে গুরু,
সদৈশ্ব্য বচনে তাঁরে ।

সন্তোষ করিয়া, কৃষ্ণদীক্ষা লয়,
যায় সংসারের পারে ॥

সহজে জীবের, আছে কৃষ্ণে মতি,
বুঝা তর্কে তাহা যায় ।

(২) এই ভবসমুদ্রে পতিত জীবের উদ্ধারের জন্ত গুরুই একমাত্র কর্ণধার; যে সকল ব্যক্তি গুরুচরণ আশ্রয় না করিয়া কেবল নিজবুদ্ধিবলে ভবসমুদ্র পার হইতে চেষ্টা করে তাহারা বড়ই নির্যোধ। জগতে কোন বিষয়ই গুরু উপদেশ ব্যতীত সিদ্ধ হয় না। তখন সকল বিষয়ের শ্রেষ্ঠ যে পরমার্থ লাভ তাহা কৃতকর্ম্ম গুরুর উপদেশ ব্যতীত কিরূপে সিদ্ধ হইবে? পরমার্থ বিষয়ে যিনি কৃতকর্ম্ম, তিনি গুরু হইবার উপযুক্ত।

বিতর্ক ছাড়িয়া, স্মৃতি আশ্রয়ে,
গুরু হইতে মন্ত্র পায় ॥
গৃহী জীবগণ, বর্ণাশ্রমে থাকি,
সদুগুরু আশ্রয় করে ।

ব্রাহ্মণাদি উচ্চবর্ণে সৎপাত্র থাকিলে তিনি গুরু
হইবার যোগ্য,

ব্রাহ্মণ আচার্য্য, সর্ববর্ণে হয়,
যদি কৃষ্ণভক্তি ধরে ॥
ব্রাহ্মণ-কুলেতে, স্পাত্র অভাবে,
অন্য কুলে দীক্ষা পায় ।
উচ্চ বর্ণ গুরু, গৃহীর উচিত,
গুরু শিষ্য পরীক্ষায় ॥

বর্ণবিচার অপেক্ষা স্পাত্রের বিচার অধিক শ্রেয়ঃ,

কৃষ্ণতত্ত্ববেত্তা, প্রকৃত যে হয়,
সে হইতে পারে গুরু ।
কিবা বিপ্র শূদ্র, কি গৃহী সন্ত্যাসী,
গুরু হন কল্পতরু ॥
বর্ণের মর্যাদা, পাত্রের বিচারে,
পরমার্থে লঘু অতি ।
স্পাত্র মিলন, প্রয়োজন সদা,
যদি চাই শুদ্ধা রতি ।

সুপাত্রে প্রাপ্তি, মূল প্রয়োজন,
পবিত্র সুবর্ণ হেন ॥

তাহে উচ্চবর্ণ, লভিলে সংযোগ,
সোহাগা সুবর্ণে যেন (৩) ॥

গৃহত্যাগী অগৃহি-গুরুশ্রয় করিতে পারেন,
যে কোন কারণে, সেই গৃহি-ধর্ম,
ছাড়ি অগ্ন্যাশ্রম লয় ।

তাহে পরমার্থ, না পাইয়া শেষে,
সাধু গুরু অবৈষয় ॥

তাহার পক্ষেতে, অগৃহী আচার্য্য,
প্রশস্ত সকল মতে ।

তার দীক্ষা শিক্ষা, পাইয়া সে জন,
ভাসে নামরসামৃতে (৪) ॥

গৃহিত্ত গৃহত্যাগ করিলেও পূর্বগুরু ত্যাগ করিতে হয় না,
গৃহী ভক্তজনে, বিরাগ লভিলে,

(৩) সুপাত্রকে গুরুরূপে বরণ করিতে হইবে । উচ্চবর্ণ গুরু সমাজে
সুখকর । সুতরাং উচ্চবর্ণে সুপাত্র পাইলে নীচবর্ণে গুরুর অবৈষণ করা
গৃহীর কর্তব্য নয় । কিন্তু ইহা স্মরণ রাখা উচিত যে, উচ্চবর্ণ বা কুলগুরু
সম্মানের জন্ত অপাত্রকে গুরু বলিয়া বরণ করা না হয় ।

(৪) গৃহত্যাগ করিয়া সৎগুরু অবৈষণ আবশ্যক হইলে গৃহত্যাগী
কৃতকর্ম পুরুষকেই গুরু বলিয়া বরণ করা উচিত ।

ছাড়িয়ে সংসার বিধি ।

তবু পূর্ববগুরু, চরণ আশ্রয়,
করিবে জীবনাবধি ॥

গৃহিজনমধ্যে, গৃহিগুরু শস্ত্র,
যদি শুদ্ধভক্ত হন ।

নতুবা অগৃহী, স্নযোগ্য হইলে,
গুরুযোগ্য সর্বক্ষণ (৫) ॥

সদগুরু পাইয়া, ভক্তিতে ভজিতে,
ভাবের উদয় যবে ।

সংসার বিরক্তি, সংসার ছাড়িয়া,
বৈরাগী হইবে তবে ॥

যিনি বৈরাগ্য আশ্রম লইবেন তিনি বৈরাগী গুরু করিবেন,

বৈরাগ্য আশ্রম, গ্রহণেতে ত্যাগী,
পুরুষ হইবে গুরু (৬) ।

তঁাহার চরণে, শিথিবে বিরাগ,
গুরু শিক্ষা কল্পতরু ॥

(৫) গৃহী যদি গৃহস্থ সদগুরু পান গ্রহণ করিতে পারেন, নতুবা অগৃহী-সদগুরু বরণ করিবেন ।

(৬) গৃহী যখন বৈরাগ্য আশ্রম গ্রহণ করিবেন, তখন কোন স্নযোগ্য বৈরাগী গুরুর নিকট ভিক্ষাশ্রমের বেষাদি গ্রহণ করিতে বাধ্য ।

দীক্ষা ও শিক্ষাগুরু উভয়কেই সমান সম্মান করা আবশ্যক,
 দীক্ষা শিক্ষা ভেদে, গুরু দু প্রকার,
 উভয়ে সমান মান ।

অর্পিবৈ সৃজন, পরমার্থ ধন,
 অনায়াসে যদি চান ॥

কৃষ্ণনাম-মন্ত্র, দেন দীক্ষাগুরু, (৭)
 শিক্ষা-গুরু তত্ত্বদাতা ।

বৈষ্ণব সকল, শিক্ষা গুরু হন,
 সর্বব শুভজনয়িতা ॥

সম্প্রদায়ের আদিগুরুর শিক্ষা অবলম্বন করিয়া
 আচরণ করিবে,

সাধু সম্প্রদায়ে, (৮) আচার্য্য সকল,
 শিক্ষাগুরু প্রতিষ্ঠিত ।

(৭) গুরু দুই শ্রেণী, যিনি মন্ত্রদীক্ষা মাত্র দেন, তিনি দীক্ষা-গুরু ।
 যিনি সম্বন্ধ তত্ত্বাদি শিক্ষা দেন, তিনি শিক্ষাগুরু । দীক্ষা-গুরু একজন
 মাত্র, শিক্ষা-গুরু অনেক হইতে পারেন । উভয়কেই সমান সম্মান
 করিতে হয় ।

(৮) বৈষ্ণবসম্প্রদায়ই সাধুসম্প্রদায় । সাধু পরম্পরা মন্ত্র, তত্ত্ব, সাধ্য-
 সাধন শিক্ষা দিয়া আসিতেছেন, মায়াবাদ আদি অসৎ সম্প্রদায় হইতে
 রক্ষা পাইতে হইলে সাধুসম্প্রদায় হইতে গুরু পরণ করা উচিত । সাধু-
 সম্প্রদায়ের আদি-আচার্য্যানির্দিষ্ট শিক্ষাকে বিশেষ সম্মান করিবে ।
 শ্রীরামানুজ, শ্রীমধ্বমুনি, শ্রীনিবাসদিত্য ও শ্রীবিষ্ণুপ্রসাদী, ইঁহারা নিজ নিজ
 সাধুসম্প্রদায়ের আদি আচার্য্য । মধ্বমুনি আমাদের আদি ।

আত্মাচার্য্য যিনি, গুরু শিরোমণি,
পূজি তাঁরে যথোচিত ॥

তাঁর সূক্ষ্মদান্ত, অনুগত হয়ে,
না মানিব অন্য শিক্ষা ।

তাঁহার আদেশ, পালিব যতনে,
না লইব অন্য দীক্ষা ॥

সম্প্রদায়গুরু বরণ করা কর্তব্য,

সম্প্রদায় গুরুগণে শিক্ষা-গুরু জানি ।

অন্যমত পণ্ডিতের শিক্ষা নাহি মানি ॥

সেই মতে সুশিক্ষিত সাধু সূচরিত ।

দীক্ষা-গুরু-যোগ্য সদা জানে সুপণ্ডিত ॥

মায়াবাদীর নিকট কৃষ্ণমন্ত্র লইলে পরমার্থ হয় না,

মায়াবাদিমতে থাকে কৃষ্ণমন্ত্র লয় ।

তার পরমার্থ লাভ কভু নাহি হয় ॥

শুদ্ধভক্ত ব্যতীত অন্যকে গুরু করিবে না,

যে অণ্ডায় শিখে, যেই শিক্ষা দেয় আর ।

উভয়ে নরকে যায়, না পায় উদ্ধার ॥

শুদ্ধভক্তি ছাড়ি যিনি শিখিলেন বাদ ।

তাঁহার জীবনমাত্র বাদ-বিসংবাদ ॥

সে কেমনে গুরু হবে, উদ্ধারিবে জীবে ।

আপনি অসিদ্ধ অণ্ডে কিবা শুভ দিবে ॥

অতএব শুদ্ধভক্ত যে সে কেনে নয় ।

উপযুক্ত গুরু হয়, সর্বশাস্ত্রে কয় ॥

গুরুতত্ত্ব,

দীক্ষাগুরু শিক্ষাগুরু দু'হে কৃষ্ণদাস ।

দু'হে ব্রজজন কৃষ্ণশক্তির প্রকাশ ॥

গুরুকে সামান্য জীব, না জানিবে কভু ।

গুরু কৃষ্ণশক্তি, কৃষ্ণপ্রেষ্ঠ, নিত্যপ্রভু (৯) ॥

এই বুদ্ধি সহ সদা গুরুভক্তি করে ।

সেই গুরুভক্তিবলে সংসারেতে তরে ॥

গুরুপূজা,

অগ্রে গুরুপূজা পরে শ্রীকৃষ্ণপূজন ।

গুরুদেবে শ্রীকৃষ্ণপ্রসাদ সমর্পণ (১০) ॥

গুরু আজ্ঞা লয়ে কৃষ্ণ পূজিবে যতনে ।

(৯) শ্রীগুরুতে সামান্য জীববুদ্ধি করিবে না। কৃষ্ণের স্বরূপশক্তি-পুষ্ট কৃষ্ণপরিকর বলিয়া গুরুকে ভক্তি করিবে। গুরুকে কৃষ্ণ বলিয়া মনে করা মায়াবাদীর মত। শুদ্ধ বৈষ্ণবের মত নয়। সাধু ভক্তগণ এবিষয়ে বিশেষ সতর্ক হইবেন। মায়াবাদ সূচাক্ষরে সাধনমধ্যে প্রবেশ করিলে সমস্ত সাধন দূষিত করিবে।

(১০) শ্রীগুরুকে আসন, পাছ, অর্ঘ্য, স্নানীয় বস্ত্র, আভরণ দিয়া পূজা করতঃ তদনুমতি লইয়া যুগল পূজা করিবে। পরে অগ্রে গুরুকে প্রসাদ, পানীয় ইত্যাদি দিয়া অতঃ বৈষ্ণব ও দেবাদিকে অর্পণ করিবে। পিতৃ-লোককেও প্রসাদ অর্পণ করিবে।

শ্রীগুরু স্মরিয়া কৃষ্ণ বলিবে বদনে ॥

গুরুতে কিরূপ শ্রদ্ধা করা উচিত,

গুরুতে অবজ্ঞা যার তার অপরাধ ।

সেই অপরাধে তার হয় ভক্তিবাধ ॥

গুরু-কৃষ্ণ-বৈষ্ণবেতে সমভক্তি করি ।

নামাশ্রয়ে শুদ্ধভক্ত শীঘ্র যায় তরি ॥

গুরুতে অচলা শ্রদ্ধা করে যেই জন ।

শুদ্ধনামবলে সেই পায় প্রেমধন ॥

কোন স্থানে গুরু ত্যাগ করিতে হইবে,—

তবে যদি এরূপ ঘটনা কভু হয় ।

অসৎসঙ্গে গুরুর যোগ্যতা হয় ক্ষয় ॥

প্রথমে ছিলেন তিনি সদৃগুরু প্রধান ।

পরে নাম-অপরাধে হৈএগ হতজ্ঞান ॥

বৈষ্ণবে বিদ্বেষ করি ছাড়ি নাম-রস ।

ক্রমে ক্রমে হন অর্থ কামিনীর বশ ॥

সেই গুরু ছাড়ি শিষ্য শ্রীকৃষ্ণকৃপায় ।

সদৃগুরু লভিয়া পুনঃ শুদ্ধনাম গায় ॥

গুরুশিষ্য সম্বন্ধের পূর্বেই পরস্পরের পরীক্ষা,

অযোগ্যশিষ্যে গুরু করিবেন দণ্ড ।

ভজিয়া অযোগ্যগুরু শিষ্য হয় পণ্ড ॥

তুঁহের যোগ্যতা যতদিন স্থির রয় ।
পরস্পর সম্বন্ধ কখন ত্যাজ্য নয় (১১) ॥

শুদ্ধ গুরু পরীক্ষা করিয়া বরণ করিবে,

সদ্গুরুর প্রতি যেই অবজ্ঞা আচরে ।
সে পাপিষ্ঠ অপরাধী সর্বত্র সংসারে ॥
অতএব প্রথমে বিশেষ যত্ন করি ।
শুদ্ধভক্তে লইবেন গুরুরূপে বরি (১২) ॥
গুরুত্যাগ-ক্লেশ যেন কভু নাহি ঘটে ।

॥ (১১) গুরুশিষ্যের নিত্য সম্বন্ধ । পরস্পর যোগ্যতা যতদিন থাকিবে ততদিন সে সম্বন্ধ ভঙ্গ হইবে না । গুরু ছষ্ট হইলে শিষ্য অগত্যা সম্বন্ধ ত্যাগ করিবে, শিষ্য ছষ্ট হইলে গুরুও সে সম্বন্ধ ত্যাগ করিবেন । না করিলে উভয়ের পতন সম্ভব । একপ সম্বন্ধত্যাগের প্রমাণাদি প্রমাণমালায় দেখুন ।

॥ (১২) গুরুবরণের পূর্বেই গুরুশিষ্যের পরীক্ষা শাস্ত্রে নির্দেশ করিয়াছেন । এই স্থলে কুলগুরুর অপেক্ষা নাই । কুলগুরু যোগ্যপাত্র হইলে ত কথাই নাই । অযোগ্য হইলে সাধুগুরু অন্বেষণ পূর্বক গুরু বরণ করিবে । যদি সকল বস্তু সংগ্রহ কালে পরীক্ষা ও অনুসন্ধানের আবশ্যক হয় তবে জীবনের পরমবন্ধু গুরুলাভকালে যিনি পরীক্ষা ও অনুসন্ধানের যত্ন না করেন তিনি নিতান্ত দুর্ভাগ্য । অযোগ্য কুলগুরুকে তাঁহার প্রার্থনীয় অর্থ ও সম্মান দিয়া তাঁহার নিকট হইতে বিদায় গ্রহণ করতঃ সদ্গুরু অন্বেষণ করা আবশ্যক ।

এরূপ চিন্তিলে কভু না পড়ে সঙ্কটে ॥
 গুরু যথা ভক্তিহীন শিষ্য তার প্রায় ।
 অতএব শুদ্ধ গুরু লবে পরীক্ষায় ॥
 সৎগুরু অবজ্জা অপরাধ ভয়ঙ্কর ।
 এই অপরাধে নষ্ট হয় দেবনর ॥

গুরুসেবার প্রক্রিয়া,

গুরু শয্যাসন আর পাছুকাদি ঘান ।
 পাদপীঠ স্নানোদক ছায়ার লজ্বন ॥
 গুরুর অগ্রেতে অন্য পূজাদ্বৈত জ্ঞান ॥
 দীক্ষা ব্যাখ্যা প্রভুত্বাদি করিবে বর্জন ॥
 যথা যথা গুরুর পাইবে দরশন ।
 দণ্ডবৎ পড়ি ভূমে করিবে বন্দন ॥
 গুরুনাম ভক্তিতে করিবে উচ্চারণ ।
 গুরু আজ্ঞা হেলা না করিবে কদাচন ॥
 গুরুর প্রসাদ সেবা অবশ্য করিবে ।
 গুরুর অপ্ৰিয় বাক্য কভু না কহিবে ॥
 গুরুর চরণে দৈন্ত্যে লইবে শরণ ।
 করিবে গুরুর সদা প্রিয় আচরণ ॥
 এরূপ আচারে কৃষ্ণনামসংকীৰ্ত্তনে ।
 সর্ববিসিদ্ধি হয় প্রাভো বলে শ্রুতিগণে ॥

নামগুরু প্রতি যদি অবজ্ঞা ঘটয়ে (১৩) ।
 দুষ্কসঙ্গে দুষ্কশাস্ত্র-মত সমাশ্রয়ে ॥
 তবে সেই সঙ্গ সেই শাস্ত্র দূর করি ।
 বিলাপ করিব সেই গুরুরূপদে ধরি ॥
 কৃপা করি গুরুদেব হইবে সদয় ।
 নামে প্রেম দিবে সে বৈষ্ণব দয়াময় ॥
 হরিদাসপদরেণু ভরসা যাহার ।
 নামচিন্তামণি গায় তৃণাধিক ছার ॥
 ইতি শ্রীহরিনামচিন্তামণৌ গুরুবজ্ঞা-বিচারো
 নাম ষষ্ঠঃ পরিচ্ছেদঃ ।

সপ্তম পরিচ্ছেদ ।

শ্রুতিশাস্ত্র নিন্দা ।

শ্রুতিশাস্ত্রনিন্দনম্ ।

জয় জয় গদাই গৌরাঙ্গ নিত্যানন্দ ।

জয় সীতাপতি জয় গৌরভক্তবৃন্দ ॥

(১৩) নামগুরু, যিনি নামতত্ত্ব শিক্ষা দেন এবং নামের সর্বোত্তমতা
 স্থাপন পূর্বক নাম বা নামাত্মক মন্ত্র প্রদান করেন তিনিই নাম-গুরু ।
 দীক্ষা-গুরুই নাম-গুরু । মন্ত্রই নাম । মন্ত্র হইতে নামকে পৃথক্ করিলে
 মন্ত্রত্ব থাকে না । পক্ষান্তরে কেবল নাম উচ্চারণে মন্ত্র উচ্চারণ হয় ।

হরিদাস বলে প্রভু চতুৰ্থাপরাধ ।

শ্রুতিশাস্ত্রবিনিন্দন ভক্তিরসবাধ ॥

আম্নায়ই একমাত্র প্রমাণ,

শ্রুতিশাস্ত্রবেদ উপনিষৎ পুরাণ ।

কৃষ্ণনিশ্চয়িত হয় সৰ্ব্বত্র প্রমাণ ॥

বিশেষতঃ অপ্ৰাকৃততত্ত্বে জ্ঞান যত ।

সকলি আম্নায়সিদ্ধ তাহে হই রত ॥

জড়াতীত বস্তু ইন্দ্রিয়ের অগোচর ।

কৃষ্ণকৃপা বিনা তাহা না হয় গোচর (১) ।

করণাপাটব, ভ্রম, বিপ্রলিপ্সা আর ।

প্রমাদ, সৰ্ব্বত্র নরজ্ঞানে এই চার ॥

সেই সব দোষশূন্য বেদচতুষ্টয় ।

বেদ বিনা পরমার্থে গতি নাহি হয় ॥

মায়াবদ্ধজীবে কৃষ্ণ বল কৃপা করি ।

বেদপুরাণাদি দিল আৰ্ষজ্ঞানে ধরি (২) ॥

(১) জড়ীয় বস্তুই কেবল ইন্দ্রিয় গোচর ; জড়াতীত বস্তুতে ইন্দ্রিয়গণের গতিশক্তি নাই । চিদ্রস্তু কৃষ্ণতত্ত্ব জড়াতীত । সুতরাং কৃষ্ণ কৃপা পূৰ্ব্বক যে আম্নায় জ্ঞান দিয়াছেন তাহাতেই জীবের মঙ্গল হয় । আম্নায় শব্দে সংসম্প্রদায় প্রাপ্ত বেদবাক্য ।

(২) আৰ্ষজ্ঞান, ঋষিগণ সমাধিক্রমে যে জ্ঞান প্রাপ্ত হন তাহাই আৰ্ষজ্ঞান ।

আম্নায় হইতে দশমূল শিক্ষা, প্রমেয় নয়টী,

সেই ঋতিশাস্ত্রে জানি কৰ্ম্মজ্ঞান চার ।

নির্মূলভক্তিতে মাত্র পাই সৰ্বসার ॥

মায়ামূঢ়জীবে কৰ্ম্মজ্ঞানে শুদ্ধ করি ।

শুদ্ধভক্তি অধিকার শিখাইলে হরি (৩) ॥

প্রমাণ সে বেদবাক্য নয়টী প্রমেয় ।

শিখায় সম্বন্ধ, প্রয়োজন, অভিধেয় ॥

এই দশমূল সার অবিছা বিনাশ (৪) ।

করিয়া জীবের করে সুবিছা প্রকাশ ॥

১। হরি একপরতত্ত্ব, ২। তিনি সৰ্ব্বশক্তিমান্

৩। তিনি রসমূর্ত্তি,

প্রথমে শিখায় পরতত্ত্ব এক হরি ।

শ্রাম সৰ্ব্বশক্তিমান্ রসমূর্ত্তিধারী ॥

(৩) সেই ঋতিসিদ্ধজ্ঞানে কৰ্ম্ম ও জ্ঞানকে তুচ্ছকল্পদাতা বলিয়া নির্মূলভক্তিতে সারতত্ত্বপ্রাপ্তির বিধান শিক্ষা দিয়াছেন ।

(৪) দশমূল এই । প্রমাণ এক অর্থাৎ আম্নায় বাক্য । প্রমেয় নয় । ১। হরিই পরতত্ত্ব ; ২। তিনি শ্রামসুন্দর, সৰ্ব্বশক্তিমান্ ; ৩। শ্রাম সুন্দর পরম রসময় । সংব্যোম, পরব্যোম তাঁহার ধাম ; ৪। জীব অনন্ত চিৎপরমাণু কৃষ্ণের বিভিন্নাংশ । নিতা বন্ধ ও নিত্য মুক্তভেদে জীব দুই প্রকার ; ৫। কৃষ্ণবহির্গুণ জীবগণ মায়াবদ্ধ ; ৬। শুদ্ধভক্তগণ মায়ামুক্ত ; ৭। জীব ও জড়ময় সমস্ত জগৎ অচিন্ত্যশক্তি প্রসূত নিত্য ভেদাভেদ প্রকাশ ; ৮। নববিধ কৃষ্ণভক্তিই অভিধেয় তত্ত্ব ; ৯। কৃষ্ণপ্রেমই প্রয়োজন তত্ত্ব ।

জীবের পরমানন্দ করেন বিধান ।
 সংব্যোমধামেতে তাঁর নিতা অধিষ্ঠান ॥
 এ তিন প্রমেয় হয় শ্রীকৃষ্ণবিষয়ে ।
 বেদশাস্ত্র শিক্ষা দেন জীবের হৃদয়ে ॥

৪। জীবতত্ত্ব,

দ্বিতীয়ে শিখায় বিভিন্নাংশ জীবতত্ত্ব ।
 অনন্ত সংখ্যক চিৎ পরমাণুসত্ত্ব ॥

৫। নিত্যবদ্ধ ও ৬। নিত্য মুক্তভেদে জীব দুই প্রকার,
 নিত্যবদ্ধ নিত্যভেদে জীব দ্বিপ্রকার ।
 সংব্যোম, ব্রহ্মাণ্ড ভরি সংস্থিতি তাহার ॥

বদ্ধজীব,

বদ্ধজীব মায়া ভজি কৃষ্ণবহিস্মুখ ।
 অনন্তব্রহ্মাণ্ডে ভোগ করে দুঃখসুখ ॥

মুক্তজীব,

নিত্যমুক্ত কৃষ্ণ ভজি কৃষ্ণপারিষদ ।
 পরব্যোমে ভোগ করে প্রেমের সম্পদ ॥
 তিনটী প্রমেয় এই জীবের বিষয়ে ।
 শ্রুতিশাস্ত্র শিক্ষা দেন কৃষ্ণদাসী হয়ে ॥

৭। অচিন্ত্য ভেদাভেদ সম্বন্ধ,

চিদ্ব্যাপার আর যত জড়ের ব্যাপার ।

সকলি অচিন্ত্য-ভেদাভেদের প্রকার ॥
 জীব জড় সর্বব বস্তু কৃষ্ণশক্তিময় ।
 অবিচিন্ত্য ভেদাভেদ শ্রুতিশাস্ত্রে কয় ॥
 এই জ্ঞানে জীব জানে আমি কৃষ্ণদাস ।
 কৃষ্ণ মোর নিত্য প্রভু চিৎসূর্য্য প্রকাশ ॥
 শক্তিপরিণামমাত্র বেদশাস্ত্রে বলে ।
 বিবর্তাদি-দুষ্কমতে বেদনিন্দে ছলে (৫) ॥

সাতটী প্রমের সম্বন্ধজ্ঞান,

এইত সম্বন্ধ জ্ঞান সাতটী প্রমের ।
 শ্রুতিশাস্ত্র শিক্ষা দেন অতি উপাদেয় ॥
 বেদ পুনঃ শিক্ষা দেন অভিধেয়সার ।
 নববিধ কৃষ্ণভক্তি বিধি, রাগ আর ॥

৮। অভিধেয় । নববিধভক্তি,

শ্রবণ, কীর্ত্তন, স্মৃতি, পূজন, বন্দন ।
 পরিচর্য্যা, দাস্য, সখ্য, আত্মনিবেদন ॥
 ভক্তির প্রকারমধ্যে নাম সর্ববসার ।
 প্রণবমাহাত্ম্য বেদ করেন প্রচার ॥

(৫) ব্রহ্মের অচিন্ত্য শক্তিপরিণামই বেদের শিক্ষা । ব্রহ্মের স্বরূপ পরিণাম বা বিবর্ত নিতান্ত বেদবিরুদ্ধ মত ।

৯। প্রয়োজন, কৃষ্ণপ্রেম,

শুদ্ধভক্তি-সমাশ্রয় করিয়া মানব ।

কৃষ্ণকৃপাবলে পায় প্রেমের বৈভব (৬) ॥

এই শ্রুতিশিক্ষা নিন্দা অপরাধ,

এ নব প্রমেয় শ্রুতি করেন প্রমাণ ।

শ্রুতিতত্ত্বাভিষ্ঠ গুরু করেন সন্ধান ॥

এ হেন শ্রুতিরে যেই করে বিনিন্দন ।

নাম অপরাধী সেই নরাধম জন ॥

বেদবিরুদ্ধ বাদসমূহ,

জৈমিনী, কপিল, নগ, নাস্তিক, সুগত ॥

গৌতম এ ছয়জন হেতুবাদে হত ।

বেদ মানে মুখে তবু ঈশ নাহি মানে ।

কর্মকাণ্ড শ্রেষ্ঠ বলি' জৈমিনী বাথানে ॥

ঈশ্বর অসিদ্ধ, কপিলের কল্পনায় ।

তবু যোগ মানে অর্থ বুঝা নাহি যায় ॥

(৬) শুদ্ধভক্তি, যে চিত্তবৃত্তি নিরন্তর আনুকূল্যের সহিত কৃষ্ণানুশীলন করে অথচ তাহাতে ভক্তির উন্নতি ব্যতীত অগ্র বাঞ্ছা না থাকে এবং যাহা জ্ঞানকর্মযোগাদি দ্বারা আবৃত না হয় সেই চিত্তবৃত্তিই শুদ্ধভক্তি । কর্মমিশ্র বা জ্ঞানমিশ্র ভক্তিকে শুদ্ধভক্তি বলা যায় না । শুদ্ধভক্তিতে নামাশ্রয় করাই সর্ববেদসম্মত শিক্ষা ।

নগ্ন সে তামসতন্ত্র করয় বিস্তার ।
বেদের বিরুদ্ধধর্ম্য করয়ে প্রচার ॥

এই সব মতবাদ দ্বারা শ্রুতিনিন্দা হয়,

নাস্তিক চার্বাক, কভু বেদ নাহি মানে ।
সুগত বৌদ্ধের এক প্রকার বাথানে ॥
গৌতম ণায়ের কর্ত্তা ঈশ্বর না ভজে ।
তার হেতুবাদমতে নরমাত্র মজে ॥
এই সব দুর্ঘটমতে শ্রুতির নিন্দন ।
কভু স্পর্ষ, কভু গুপ্ত, বুঝে বিজ্ঞজন ॥
এই সব মতে থাকি অপরাধী হয় ।
অতএব এই সবে ত্যজিবে নিশ্চয় ॥

মায়াবাদীর অতি দুষ্ট মত,—বেদ বিরুদ্ধ,

এ সব কুমত ছাড়ি আর মায়াবাদ ।
শুদ্ধভক্তি অনুভবি হয় নির্বিবাদ ॥
মায়াবাদ অসংশয় গুপ্ত-বৌদ্ধমত ।
বেদার্থবিকৃতি কলিকালেতে সম্মত ॥
উমাপতি ব্রাহ্মণরূপেতে প্রকাশিল ।
তোমার আজ্ঞায় তেঁহ আচার্য্য হইল ॥
জৈমিনী যেরূপ মুখে বেদমাত্র মানে ।
শ্রুতির বিকৃত অর্থ জগতে বাথানে ॥

মায়াবাদী গুরু সেইরূপ বৌদ্ধধর্ম।

বেদবাক্যে স্থাপি আচ্ছাদিল ভক্তিমর্শ (৭) ॥

এই সব মতবাদে ভক্তি দূরে যায়।

শ্রীকৃষ্ণনামেতে জীব অপরাধ পায় (৮) ॥

শ্রুতিবিচারে শুদ্ধ প্রক্রিয়া,

শ্রুতির অভিধা-বৃত্তি করি সংযোজন।

শুদ্ধভক্তি লাভি পায় জীব প্রেমধন (৯) ॥

শ্রুতিতে লক্ষণা করে অযথা প্রকারে।

নিত্য সত্য দূরে যায়, অপরাধে মরে ॥

সর্ববেদসম্মত প্রণব কৃষ্ণনাম।

(৭) অষ্টাবক্র, দত্তাত্রেয়, গোবিন্দ, গোড়পাদ, শঙ্কর এবং শঙ্করানুগত জরন্মীমাংসকগণই মায়াবাদগুরু। জীবের নির্বাণলয় বৌদ্ধধর্মের প্রধান মত। বৌদ্ধ যদিও ব্রহ্ম মানেন না তথাপি তাঁহার শূন্যবাদাদিতে যে চরমতত্ত্ব স্বীকৃত হইয়াছে তাহা মায়াবাদীর নির্বিশেষ চিন্মাত্র ব্রহ্মের সহিত সর্ববিষয়ে এক। এই মতটী নিত্য ভক্তিতত্ত্বের নিতাস্ত বিরুদ্ধ।

(৮) এই সব মত স্বীকার করেন অথচ কৃষ্ণনাম করেন তাহাতে কোন কোন মায়াবাদী নামাপরাধে হত হন।

(৯) যেখানে অভিধা-লক্ষণ চলিতে পারে সেখানে লক্ষণা করা অনুচিত। এই কথা স্থির রাখিয়া বেদবাক্যের অভিধাবৃত্তি অবলম্বন করিলে বিশুদ্ধ ভক্তিতত্ত্বের শিক্ষা পাওয়া যায়। অভিধা ও লক্ষণার অর্থ প্রমাণমালায় দৃষ্টি করুন।

সেই নামে জীব সব পায় নিত্য ধাম ॥
 প্রণব সে মহাবাক্য হয় কৃষ্ণনাম ।
 তাহাতেই শ্রীভক্তের সতত বিশ্রাম ॥
 বেদ বলে নাম-চিৎস্বরূপ জগতে ।
 নামের আভাসে সিদ্ধ হয় সর্ববসতে ॥

বেদ কেবল শুদ্ধনামভজন শিক্ষা দেন,

এই সব বেদশিক্ষা অভাগা না মানেন ।
 নামে অপরাধ করে, বেদের নিন্দনে ॥
 শুদ্ধনামপরায়ণ যেই মহাজন ।
 বেদাশ্রয়ে পায় নাম-রস প্রেমধন ॥
 সর্ববেদ বলে গাও হরিনামসার ।
 পাইবে পরমা প্রীতি আনন্দ অপার ॥
 বেদ পুনঃ বলে যত মুক্ত মহাজন ।
 পরব্যোমে সদা করে নামসংকীৰ্ত্তন ॥

তামসতন্ত্র শিক্ষা বেদবিরুদ্ধ,

কলিযুগে বহুজন মায়াশক্তি ভজে ।
 চিদাত্মা পুরুষ কৃষ্ণনামরস ত্য'জে ॥
 তামসিক তন্ত্র ধরি শ্রুতিনিন্দা করে ।
 মত্তমাংসে প্রীতি করি অধর্ম্মোতে মরে ॥
 সে সব নিন্দুক নাহি পায় কৃষ্ণনাম ।

কভু নাহি পায় কৃষ্ণের বৃন্দাবনধাম ॥

মায়াদেবীর নিষ্কপট কৃপাই প্রয়োজন,

মায়াদেবী সে সব পাষণ্ডে অধোগতি ।

দিয়া নামামৃতে আর নাহি দেন মতি ॥

তবে যদি সাধুসেবায় তুষ্ট হন মায়া ।

অকপটে দেন তবে কৃষ্ণপদছায়া ॥

মায়া কৃষ্ণদাসী বহিস্মুখ জীবে দণ্ডে ।

মায়া পূজিলেও শুভ নাহি পায় ভণ্ডে ॥

কৃষ্ণনাম করে যেই মায়াদেবী তারে ।

নিষ্কপটে কৃপা করি লয় ভবপারে (১০) ॥

অতএব শ্রুতিনিন্দা অপরাধ ত্যজি ।

অহরহঃ নামসংকীৰ্ত্তনরসে মজি ॥

(১০) জগতে মায়াদেবীকে দুর্গা কালী নামে পূজা করিয়া থাকেন । চিচ্ছক্তি শ্রীকৃষ্ণের স্বরূপগতশক্তি । মায়া তাঁহার ছায়া । কৃষ্ণবহিস্মুখ জীবগণকে শোধন করিয়া ক্রমশঃ কৃষ্ণানুখ করাই মায়ার উদ্দেশ্য । মায়ার দুইপ্রকার কৃপা অর্থাৎ নিষ্কপটকৃপা ও সাকপটকৃপা । যেই স্থলে নিষ্কপট কৃপা করেন সেখানে স্বীয় বিদ্যা-বৃত্তিতে কৃষ্ণভক্তি দান করেন । যেস্থলে সাকপট কৃপা, সেস্থলে জড়ীয় অনিত্য সুখ দিয়া জীবগণকে চালিত করেন । যে স্থলে নিতান্ত অননুগ্রহ, সেস্থলে ব্রহ্মনির্বাণে জীবকে নিষ্কপ করেন । তাহাই জীবের সৰ্বনাশ ।

তদপরাধের প্রতিকার

'প্রমাদে যতপি হয় সে শ্রুতিনিন্দন ।
 অনুতাপে করি পুনঃ সে শ্রুতিবন্দন ॥
 কুসুম তুলসী দিয়া সেই শ্রুতিগণে ।
 ভাগবতসহ সদা পূজিব যতনে ॥
 ভাগবত শ্রুতিসার কৃষ্ণ-অবতার ।
 অবশ্য করিবে মোরে করুণা অপার (১১) ॥
 হরিদাসপদরজঃ ভরসা যাহার ।
 নামচিন্তামণিহার গলায় তাহার ॥

ইতি শ্রীহরিনামচিন্তামণৌ শ্রুতিনিন্দা-অপরাধবিচারো
 নাম সপ্তমঃ পরিচ্ছেদঃ ।

অষ্টম পরিচ্ছেদ ।

নামে অর্থবাদ অপরাধ ।

তথার্থবাদো হরিনাম্নি কল্পনম্ ।
 জয় গৌর গদাধর শ্রীরাধামাধব ।
 জয় গৌরলীলাস্থলী জাহ্নবী বৈষ্ণব ॥

(১১) শ্রীমদ্ভাগবত সৰ্ববেদসার । যে ব্যক্তিদিগের শুভদিন
 উদয় হইতে বিলম্ব থাকে তাহারা শ্রীভাগবতের প্রতি নানা কটুবাक্য
 প্রয়োগ করে । ইহাই স্বাভাবিক ধর্ম ।

হরিনামে অর্থবাদকল্পনা চিন্তন ।

পঞ্চমাপরাধ প্রভো শ্রীশচীনন্দন (১) ॥

নামমহিমা,

স্মৃতি কহে হেলায় শ্রদ্ধায় নাম লয় ।

কৃষ্ণ তারে কৃপা করি হয়েন সদয় ॥

নামের সদৃশ জ্ঞান নাহিক নিশ্চল ।

নামের সদৃশ ব্রত নাহিক প্রবল ॥

নামের সদৃশ ধ্যান নাহি এ জগতে ।

নামের সদৃশ ফল নাহি কোনমতে ॥

নামের সদৃশ ত্যাগ কোনরূপে নয় ।

নামের সদৃশ সম কভু নাহি হয় ॥

নামের সদৃশ পুণ্য নাহি এ সংসারে ।

নামের সদৃশ গতি না দেখি বিচারে ॥

নামই পরম মুক্তি নাম উচ্চগতি ।

নামই পরম শান্তি নাম উচ্চস্থিতি ॥

(১) হরিনাম সম্বন্ধে অর্থবাদ করা সর্বশাস্ত্রবিরুদ্ধ । হরিনামের যে মহিমা লিখিত হইয়াছে তাহা বাস্তবিক নয়, কেবল নামে রুচি উৎপত্তি করিবার জন্ত অতিবাদ মাত্র একরূপ বলাকে অর্থবাদ বলে । কৰ্ম্মকাণ্ডে ও জ্ঞানকাণ্ডে যে সকল মহিমা উল্লিখিত আছে সে সকল বস্তুতঃ রুচি উৎপাদক ফল মাত্র কিন্তু নামসম্বন্ধে সেরূপ নয় । নাম-সম্বন্ধে অর্থবাদ করিলে অপরাধ হয় ।

নামই পরমভক্তি নাম শুদ্ধামতি ।

নামই পরমপ্রীতি নাম পরাস্মৃতি ॥

নামই কারণতত্ত্ব নাম সর্বপ্রভু ।

পরম আরাধ্য নাম গুরুরূপে বিভূ ॥

কৃষ্ণনামের সর্বোত্তমতা,

সহস্রনামের তুলা হয় নাম রাম ।

তিন রাম-নামতুল্য এক কৃষ্ণনাম ॥

নামের অর্থবাদে নরক গমন অবশ্য ঘটে,

শ্রুতিগণ নামের মাহাত্ম্য সদা গায় ।

নামকে চিন্তা বলি জগতে জানায় ॥

শ্রুতি স্মৃতি প্রদর্শিত নামের যে ফল ।

তাহে অর্থবাদ করে পাষণ্ডপ্রবল ॥

হরিনামে অর্থবাদ যে অধম করে ।

সে পাপিষ্ঠ নরকেতে পচি পচি মরে ॥

যে বলে নামের ফলশ্রুতি সত্য নয় ।

নামে রুচি দিতে মাত্র তত ফল কয় ॥

শাস্ত্রের তাৎপর্য আর জীবহিতাহিত ।

সে অধম নাহি জানে বুঝে বিপরীত (২) ॥

(২) যে ব্যক্তির ভক্তিস্মৃতি না থাকে তাহার কখনই ভক্তিতত্ত্বে শ্রদ্ধা হয় না। নামই ভক্তিপ্রকারের মধ্যে শ্রেষ্ঠ অতএব স্মৃতি অভাবে নামে রুচি জন্মে না। নামের যে অপার ফলশ্রুতি তাহাতেও বিশ্বাস হয় না। শাস্ত্রের একাদে বাহাদের প্রসক্তি তাহারা শাস্ত্রতাৎপর্য জানিতে পারে না।

নামের ফল সত্য । তাহাতে অর্থবাদের প্রয়োজন নাই,

কৰ্ম্মকাণ্ডে আছে ত' কৈতব (৩) স্বার্থজ্ঞান ।

ভক্তিতত্ত্বে নামে তাহা নহে বিদ্যমান ॥

কৰ্ম্মকাণ্ডে ফলশ্রুতি রোচনার্থ জানি ।

ভক্তিতত্ত্বে ফলশ্রুতি নিত্য সত্য মানি ॥

নামতত্ত্বে শাঠ্য নাহি পায় কভু স্থান ।

নিজের নাহিক স্বার্থ নাম করি দান ॥

কৰ্ম্মফলের অর্থবাদ অপরিত্যজ্য,

নাম-দান শ্রদ্ধাবানে যেই জন করে ।

কৃষ্ণদাস্ত্র করে সেই স্বার্থপরিহারে ॥

কৰ্ম্ম করাইলে যাজকের অর্থলাভ ।

অতএব তাহে কৈতবের ত' প্রভাব ।

বেদস্মৃতি নাম ফল অনন্ত বাথানে ॥

স্বার্থবুদ্ধি (৪) শূন্য সে যে তাহা নাহি মানে ॥

কৰ্ম্ম সব শুভাশুভ জড়ের আশ্রয়ে ।

জড়ময়ফল যাচে যজমানচয়ে ।

কৰ্ম্মফল দূরে ফেলি যেবা করে কৰ্ম্ম ।

হৃদয় বিশুদ্ধ তার হয় এই মৰ্ম্ম ॥

(৩) কৈতব, ধূর্ততা ।

(৪) স্বার্থবুদ্ধি, জীবের নিজ উন্নতি-চেষ্টাময়ী বুদ্ধি ।

বিশুদ্ধহৃদয়ে আত্মরতি (৫) সূক্ষ্মল ।

উদয় হইয়া হয় ক্রমশঃ প্রবল ॥

নাম চিন্ময় । তাহাতে অর্থবাদ হইতে পারে না,

নাম সেই আত্মরতি নিজে উপস্থিত ।

সাধনকালেতে সাধ্যবস্তুর বিহিত ॥

কর্ম্মের চরম ফল নামরস হয় ।

সাধুরূপে অনুষ্ঠিত কর্ম্মেতে নিশ্চয় ॥

অতএব চৌদ্রলোক ভ্রমিয়া ব্রাহ্মণ ।

যেই ফল নাহি পান নাম তাহা হন ॥

নামফল সর্বোপরি অবশ্য হইবে ।

কর্ম্মী জ্ঞানী হিংসা করি নামে কি করিবে ॥

নামাভাসে সর্বকর্ম্ম ও ব্রহ্মজ্ঞানের ফল হইয়া থাকে,

সর্বকর্ম্মফল নামাভাসে লব্ধ হয় ।

সর্বব্রহ্মানফল নামাভাসেতে মিলয় ॥

আভাসে মিলিল যদি এত উচ্চফল ।

নাম বস্তু ততোধিক প্রদানে প্রবল (৬) ॥

(৫) আত্মরতি, আত্মতত্ত্বে রতি সূক্ষ্মাং অনাত্ম্য তত্ত্বে বিরাগ ।

(৬) নামাভাসে কর্ম্ম ও জ্ঞানাপেক্ষা অধিক ফল । যখন নামাভাসে এত ফল হয় তখন সাফাং নাম উদয় হইলে তাহা অপেক্ষা অধিক ফল দিতে পারেন । তাহাতে সন্দেহ কি ?

অতএব শাস্ত্রে যত নামফল গায় ।

শুদ্ধনামাশ্রিত জন নিশ্চয়তা পায় ॥

নামফলে যাহার সন্দেহ, তাহার মঙ্গল নাই,

ইহাতে সন্দেহ যার সে অধম জন ।

নামঅপরাধে তার অবশ্য পতন ॥

বেদে রামায়ণে আর ভারতে পুরাণে ।

আদি অন্ত মধ্যে হরিনামের বাখানে ॥

নামফল শ্রুতিবাক্য অনাদি নিশ্চল ।

তাহে অর্থবাদকল্পনার কিবা ফল ॥

কৰ্মজ্ঞানের শক্তি অপেক্ষা অনন্তগুণ শক্তি নামে আছে,

নামনামী এক নামে দিয়া সর্বশক্তি ।

সর্বোপরি করিয়াছ তব নামভক্তি ॥

তুমিত স্বতন্ত্র তব সর্বশক্তিমান্ ।

তোমার ইচ্ছায় যত বিধির বিধান ॥

কৰ্মকে করেছ জড় আর ব্রহ্মজ্ঞানে ।

দিয়াছ নির্বাণশক্তি স্বতন্ত্র বিধানে ॥

ইচ্ছাময় তুমি প্রভু, স্বীয় নামাকরে ।

অর্পিয়াছ সব শক্তি আর কে কি করে (৭) ॥

(৭) তুমি স্বতন্ত্র স্বেচ্ছাময় পুরুষ, তুমি স্বীয় নামে সর্বশক্তি অর্পণ করিয়াছ, তাহাতে অস্ত্রের কি আপত্তি চলিতে পারে ?

অতএব তব নাম সর্ববশক্তিমান ।

নামে অর্থবাদ নাহি করিবে বিদ্বান্ ॥

তদপরাধের প্রতিকার,

নামে অর্থবাদ অপরাধ ঘটে যদি ।

দন্তে তৃণ ধরি যাই বৈষ্ণবসংসদি (৮) ॥

অপরাধ জানাইয়া বৈষ্ণবচরণে ।

ক্ষমা মাগি কাকুতি করিয়া ঋজুমনে ॥

নামের মহিমা জ্ঞাতা ভাগবতজন ।

ক্ষমা করি কৃপা করি দিবে আলিঙ্গন ॥

নামে অর্থবাদ আর কল্পন মনন ।

কভু নাহি হবে চিন্তে মায়া-বিড়ম্বন (৯) ॥

অর্থবাদকারী সহ হৈলে সন্তাষণ ।

সচেলে জাহ্নবী জলে করিব মজ্জন (১০) ॥

(৮) বৈষ্ণবসংসদি, বৈষ্ণবজন যেখানে স্তভা করিয়া ক্লেশকথা আলোচনা করেন তথায় ।

(৯) নামের প্রতি অবিশ্বাস করিয়া অর্থবাদ করিবার যে চেষ্টা সে কেবল মায়া-বিড়ম্বন মাত্র ।

(১০) নামে যে সকল লোক অর্থবাদ করেন, তাঁহাদের মুখ দর্শন করা উচিত নয় । যদি ঘটনাক্রমে সেরূপ লোকের সহিত সন্তাষণ ঘটে, তবে তৎক্ষণাৎ সবস্ত্রে জাহ্নবী স্নান করাই উচিত । যেখানে জাহ্নবী নাই সেখানে অত্র পবিত্রজলে সচেলে স্নান করিবে । তাহাও যদি না ঘটে তবে মানসস্নান করিয়া আত্মশুদ্ধির বিধান করিবে ।

কৃষ্ণপ্রিয়া বংশীকুপা ভরসা যাহার ।
 হরিনাম চিন্তামণি তার অলঙ্কার ॥
 ইতি শ্রীহরিনামচিন্তামণৌ নাম্নি অর্থবাদাপরাধবিচারো
 নাম অষ্টমঃ পরিচ্ছেদঃ ।

নবম পরিচ্ছেদ ।

নামবলে পাপবুদ্ধি ।

নাম্নো বলাদ্ যন্তু হি পাপ-
 ন বিদ্যতে তন্তু যমৈহি শুদ্ধিঃ ।

গৌরগদাধর জয় জাহ্নবা জীবন ।
 জয় জয় সীতাদ্বৈত জয় ভক্তগণ ॥

নামগ্রহণে সমস্ত অনর্থ দূর হয়,

হরিদাস বলে নাম শুদ্ধসঙ্গময় ।
 ভাগ্যবান্ জীব করে নামের আশ্রয় ॥
 অতি শীঘ্র তাহার অনর্থ দূরে যায় ।
 হৃদয়-দৌর্বল্য আর স্থান নাহি পায় ॥
 নামে দৃঢ় হৈলে নাহি হয় পাপে মতি ।
 পূর্বপাপ দন্ধ হয় চিত্ত শুদ্ধ অতি ॥
 পাপ আর পাপবীজ, পাপের বাসনা ।

অবিজ্ঞা তাহার মূল এ তিন যন্ত্রণা (১) ॥

সর্বজীবে দয়া আসি হইবে উদয় ।

জীবের মঙ্গল চেষ্টা সতত করয় ॥

জীবের সন্তাপ কভু সহিতে না পারে ।

যাহে পরতাপ (২) যায় তার চেষ্টা করে ॥

বিষয়পিপাসা অতি তুচ্ছ মনে হয় ।

ইন্দ্রিয়লালসা তার চিন্তে নাহি রয় ।

কনককামিনী-চেষ্টা প্রতি ঘৃণা করে ।

যথা ধর্ম্মলাভে তুষ্ট থাকি প্রাণ ধরে ॥

ভক্তি-অনুকূল সব করয়ে স্বীকার ।

ভক্তিপ্রতিকূল নাহি করে অঙ্গীকার ॥

কৃষ্ণ রক্ষাকর্ত্তা একমাত্র বলি জানে ।

জীবনে পালনকর্ত্তা কৃষ্ণ ইহা মানе ॥

অহং মম বুদ্ধ্যাসক্তি না রাখে হৃদয়ে (৩) ।

দীনভাবে নাম লয় সকল সময়ে ॥

স্বভাবতঃ যার এই রূপ নামাশ্রয় ।

(১) অবিজ্ঞা হইতে পাপবীজ বা পাপবাসনা এবং পাপবাসনা হইতে পাপ এই তিন প্রকার বদ্ধজীবের ক্লেশ ।

(২) পরতাপ, অত্র জীবের ক্লেশজনিত তাপ ।

(৩) এই জড়দেহে অহং ও মম এইরূপ বুদ্ধগত আসক্তি ।

পাপে মতি পাপাচার তাহার কি হয় ॥

পূর্বপাপ ও পাপগন্ধ শীঘ্র দূর হয়,

পূর্ব দুর্ঘটভাব তার ক্রমে হয় ক্ষীণ ।

পবিত্র স্বভাব শীঘ্র হইবে প্রবীণ ॥

এই সন্ধিকালে পূর্বপাপের সম্বন্ধ ।

থাকিতেও পারে কিছুদিন পাপগন্ধ (৪) ॥

নামের সংসর্গে যত স্মৃতি উদয় ।

হয়ে সেই পাপগন্ধ শীঘ্র করে ক্ষয় ॥

প্রতিজ্ঞা করেছ নাথ অর্জুন নিকটে ।

মোর ভক্ত কভু নাহি পড়িবে সঙ্কটে ॥

সঙ্কট সময়ে আমি হইব সহায় ।

অতএব পাপ যায় তোমার কৃপায় ॥

জ্ঞানমার্গী কষ্টে পাপ করিয়া দমন ।

তবাত্মায় ছাড়ি শীঘ্র হয়ত পতন ॥

তব পদাত্মায় যার সেই মহাজন ।

বিঘ্ন না পাইবে কভু সিদ্ধান্ত বচন ॥

(৪) নামে মতি হইতেছে। তৎপূর্বের অবস্থা ও তৎপর অবস্থা এই দুই অবস্থার মধ্যগত অবস্থাকে সন্ধিকাল বলে। এই সন্ধিকালে নূতন পাপে মতি হয় না। অভ্যাসক্রমে পূর্বপাপের কিছু কিছু ক্ষয়োন্মুখ গন্ধ থাকিতে পারে।

প্রমাদে পাপ উপস্থিত হইলে তাহার প্রায়শ্চিত্তের
প্রয়োজন নাই,

যদি কভু প্রমাদে ঘটয় কোন পাপ ।

ভক্ত তবু নাহি সহে প্রায়শ্চিত্ত তাপ (৫) ॥

সে পাপ ক্ষণিক, নাহি পায় অবস্থিতি ।

নামরসে ভেসে যায় না দেয় দুর্গতি ॥

নামাশ্রয়ী নূতন পাপ বিচার করিয়া করিলে নামবলে
পাপাচরণ,

কিন্তু যদি কোন জন নামে করি বল ।

আচরে নূতন পাপ সে জন চঞ্চল ॥

সে কেবল কপটতা করিয়া আশ্রয় ।

নাম অপরাধে পায় শোকমৃতিভয় ॥

প্রমাদ ও বিচারিত কর্মের ভেদ,

প্রমাদ ঘটনা আর বিচারিতকর্মের ।

সম্পূর্ণ প্রভেদ আছে ভক্তিশাস্ত্রমর্মে (৬) ॥

(৫) ভক্তের যদি প্রমাদে কোন পাপকার্য্য ঘটয়া পড়ে, তজ্জন্ত
প্রায়শ্চিত্তের প্রয়োজন হয় না ।

(৬) পাপঘটন দুই প্রকারে হয় অর্থাৎ অকস্মাৎ প্রমাদ হইতে পাপ
হইয়া পড়ে এবং বিচার হইতে পাপ হয় । অর্থাৎ আমি একটি পাপ
আচরণ করিব ইহার বিচার পূর্ব্ব হইতে স্থির হইয়া পাপ অনুষ্ঠিত হয় ।
এই দুয়ে অনেক প্রভেদ ।

নামাশ্রয়ীর পাপ করা দূরে থাকুক, পাপে মতি হইলেই
নামাপরাধ হয়,

সংসারী মানব যেবা আচরয়ে পাপ ।
প্রায়শ্চিত্ত আছে তার আর অনুতাপ ॥
কিন্তু নামবলে যদি পাপে করে মতি ।
প্রায়শ্চিত্ত নাহি তার বড়ই দুর্গতি ॥
বল্বমযাতনাদি পাইলেও তার ।
সেই অপরাধ হইতে না হয় উদ্ধার ॥
পাপে মতিমাত্রে হয় একরূপ যন্ত্রণা ।
পাপাচারে যত দোষ তার কি গণনা ॥

প্রবঞ্চক শঠের নামভরসায় পাপক্রিয়া মর্কটবৈরাগ্য
মাত্র,

শাস্ত্রে শুনিয়াছে নাম যত পাপ হরে ।
কোটা জন্মে মহাপাপী করিতে না পারে ॥
পঞ্চবিধ পাপ মহাপাতক অবধি ।
নামাভাসে যায়, শাস্ত্র গায় নিরবধি ॥
সেইত ভরসা করি প্রবঞ্চক জন ।
শঠতা করিয়া নাম করয়ে গ্রহণ ॥
কফের সংসার ছাড়ি বৈরাগীর বেশে ।
কনককামিনী আশে ফিরে দেশে দেশে ।
তুমিত বলেছ প্রভু মর্কট-বৈরাগী ।

কামিনী সন্তাষি ফিরে ধর্ম গৃহত্যাগী (৭) ॥

নিষ্কপটে নামাশ্রয় না করিলে এই অপরাধ অনিবার্য,
বৈরাগ্যের ছলে কেহ গৃহে কাটে কাল ।

সন্তাষা না হয় সব বিশ্বের জঞ্জাল ॥

গৃহে থাকু বনে যাউ তাহে নাহি দোষ ।

নিষ্পাপে করুক নাম পাইয়া সন্তোষ (৮) ॥

নামবলে পাপমতি মহা অপরাধ ।

তাহাতে মজিলে হয় ভক্তিতত্ত্বে বাধ ॥

নামাভাসী ব্যক্তিগণ এই কপট লোকের সঙ্গে অপরাধী হন,

নামাভাসী জনের কুসঙ্গ যদি হয় ।

তবে এই অপরাধ ঘটিবে নিশ্চয় ॥

শুদ্ধনামোদয় যার হৃদয়ে হইবে ।

এই নাম অপরাধ তার না ঘটিবে ॥

শুদ্ধনামাশ্রিত ব্যক্তির দশবিধ অপরাধ স্পর্শ করে না,

শুদ্ধনামাশ্রিতজনে অপরাধ দশ ।

(৭) ছোট হরিদাসের সম্বন্ধে প্রভু মর্কট-বৈরাগীর যে নিন্দা করিয়াছেন, তাহা চরিতামৃতে বর্ণিত আছে । বৈরাগী হইয়া যিনি স্ত্রী সন্তাষণ করেন, তিনি মর্কট-বৈরাগী ।

(৮) নামাশ্রিত ভক্ত গৃহে থাকুন বা বনে যান তাহাতে কোন বিচার নাই, কেননা গৃহ নামানুশীলনের অনুকূল হইলে ভিক্ষুশ্রম অপেক্ষা ভাল, আবার নামানুশীলনের প্রতিকূল হইলে গৃহত্যাগই দৈবব্যবস্থার কর্তব্য ।

কোনরূপে কোন কালে না করে পরশ ॥

নামাশ্রিতজনে নাম সদা রক্ষা করে ।

অপরাধ কভু তার না হইতে পারে ॥

যতদিন শুদ্ধনাম না হয় উদয় ।

ততদিন অপরাধ-আক্রমণে ভয় ॥

অতএব নামাভাসী যদি ভাল চায় ।

নাম বলে পাপবুদ্ধি হইতে পলায় ॥

কতদিন সাবধানে অপরাধ পরিত্যাগ করা চাই,

শুদ্ধনামাশ্রিতজন সঙ্গবল ধরি (৯) ।

অপরাধে সতর্কতা সর্বদা আচরি ।

শুদ্ধনাম যার মুখে তার দৃঢ় মন ।

কৃষ্ণ হৈতে বিচলিত নহে একক্ষণ ॥

অতএব নামে বল যতদিন নয় ।

ততদিন অপরাধে করিবেক ভয় ॥

বিশেষ যতনে পাপবুদ্ধি দূর করি ।

অহর্নিশি মুখে বলিবেক হরি হরি ॥

শ্রীগুরুকৃপায় হবে সুসম্বন্ধজ্ঞান ।

এই অপরাধ হইলে তাহার প্রতিকার,

কৃষ্ণভক্তি কৃষ্ণনাম তাহাতে বিধান ॥

যতপি প্রমাদে নামবলে পাপবুদ্ধি ।

শুদ্ধ বৈষ্ণবের সঙ্গে করি তার শুদ্ধি ॥

পাপস্পৃহা বাটপার পথে আসি ধরে (১০) ।

বিশুদ্ধ বৈষ্ণবগণ পথরক্ষা করে ॥

উচ্চৈঃস্বরে ডাকি রক্ষকের নাম ধরি ।

পলাইবে বাটপার আসিবে প্রহরী ॥

আদরে বলিবে ভাই নাহি কর ভয় ।

আমিত রক্ষক তব শুন মহাশয় ॥

কেবল বৈষ্ণবপদ দাস্ত্রত যার ।

হরিনাম চিন্তামণি গায় সেই ছার ॥

ইতি শ্রীহরিনামচিন্তামণৌ নামবলেন পাপবুদ্ধিবিচারে।

নাম নবমঃ পরিচ্ছেদঃ ।

দশম পরিচ্ছেদ ।

শ্রদ্ধাহীনজনে নামোপদেশ ।

অশ্রদ্ধধানে নিমুখেহ্যশৃংগতি

যশ্চোপদেশঃ শিবনামাপরাধঃ ।

গদাই গৌরান্ধ জয় জাহ্নবা জীবন ।

সীতাদৈত জয় শ্রীবাসাদি ভক্তগণ ॥

(১০) বাটপার, পথে যাহারা চুরি করে ।

কর যুড়ি হরিদাস বলেন বচন ।

আর নাম অপরাধ করহ শ্রবণ ॥

নামে দৃঢ় বিশ্বাসকে শ্রদ্ধা বলি, তাহা হইলেই নামে
অধিকার হয়,

যাহার হৃদয়ে শ্রদ্ধা না হইল উদয় ।

নাম নাহি শুনে বহিস্মুখ দুরাশয় ॥

নাহি জন্মে সে জনার নামে অধিকার ।

শ্রদ্ধামাত্র অধিকার এই তত্ত্বসার ॥

সজ্জাতি সৎকুল জ্ঞান বল বিজ্ঞান ।

নামে অধিকার দিতে না হয় কারণ ॥

নামের মাহাত্ম্যে যেই সুদৃঢ় বিশ্বাস ।

শাস্ত্রমতে শ্রদ্ধা সেই সর্বত্র প্রকাশ (১) ॥

শ্রদ্ধাহীনজনকে নাম দিলে নাম অপরাধী হয়,

শ্রদ্ধা নাহি জন্মে যার হরিনাম তারে ।

সাধুজন নাহি দেন বৈষ্ণব আচারে ॥

শ্রদ্ধাহীনজন যদি হরিনাম পায় ।

অবজ্ঞা করিবে মাত্র সর্ববশান্ত্রে গায় ॥

শূকরকে দিলে রত্ন সে চূর্ণ করিবে ।

বানরকে দিলে বস্ত্র ছিঁড়িয়া ফেলিবে ॥

(১) কৃষ্ণনামই জীবের সর্বস্ব ধন । কৃষ্ণনামাশ্রয় করিলেই সর্ব গুণ
কর্ম্য কৃত হয়, এইরূপ বিশ্বাসকে শ্রদ্ধা বলা যায় । যাহার এইরূপ
শ্রদ্ধা হয় নাই, সে হরিনামের অধিকারী নয় ।

শ্রদ্ধাহীন পেয়ে নাম অপরাধে মরে ।

সঙ্গে সঙ্গে গুরুকে অভক্ত শীঘ্র করে ॥

শ্রদ্ধাহীন নাম পাইতে প্রার্থনা করিলে তাহাকে
কিরূপ ব্যবহার করা উচিত,

শ্রদ্ধা-বিরহিত জন শঠতা করিয়া ।

হরিনাম মাগে বৈষ্ণবের কাছে গিয়া ॥

তাহার বঞ্চনা-বাক্য বুঝি সাধুজন ।

হরিনাম নাহি দেন তারে কদাচন ॥

সাধু বলে ওরে ভাই শাঠ্য পরিহর ।

প্রতিষ্ঠাশা দূরে রাখি নামে শ্রদ্ধা কর (২) ॥

নামে শ্রদ্ধা হৈলে নাম অনায়াসে পাবে ।

নামের প্রভাবে এ সংসারে তরে যাবে ॥

যতদিন নাহি তব নামে শ্রদ্ধা ভাই ।

নাম লৈতে তোমার ত অধিকার নাই ॥

শ্রীনামমাহাত্ম্য সাধুগোষ্ঠ মুখে শুন ।

(২) সৰ্বপাপহারী নাম পাইলে পাপ করিবার আর ভয় থাকিবে না। সৰ্বদা হরিনাম জপ করিলে আমাকে বৈষ্ণব বলিয়া সকলে দণ্ডবৎ প্রণাম করিবে এবং আমি লোকের নিকট হইতে অনেক কার্য্য উদ্ধার করিতে পারিব। পাপাচারে আমার যে প্রতিষ্ঠা নষ্ট হইয়াছে, তাহা হরিনাম গ্রহণ করিলে আবার হইবে। হরিনামের ফলে সংসারে অনেক সুখ হইবে। এই সব অভিপ্রায় নামগ্রহণে শাঠ্য।

প্রতিষ্ঠাশা ছাড়ি দৈন্য করহ গ্রহণ ॥
 নামে শ্রদ্ধা হ'লে তবে গুরুমহাজন ।
 নাম অর্পিবেন ভাই নাম মহাধন ॥
 শ্রদ্ধাহীনজনে অর্থ-লোভে নাম দিয়া ।
 নরকেতে যায় নামাপরাধে মজিয়া (৩) ॥

এই অপরাধের প্রতিকার,

প্রমাদে যত্বপি নাম উপদেশ হয় ।
 শ্রদ্ধাহীনে তবে গুরু পায় মহাভয় ॥
 বৈষ্ণবসমাজে তাহা করি বিজ্ঞাপন ।
 সেই দুষ্কশিষ্যত্যাগ করে মহাজন ॥
 তাহা না করিলে গুরু অপরাধক্রমে ।
 ভক্তিহীন দুরাচার হয় মায়াভ্রমে ॥
 অতএব প্রভু যারে আদেশ করিলে ।
 নাম প্রচারিতে তারে এই আজ্ঞা দিলে ॥

এ বিষয়ে প্রভুর আজ্ঞা,

শ্রদ্ধাবান্ জনে কর নাম উপদেশ ।

(৩) নামপ্রাপ্তির জন্ত যিনি আসিয়াছেন, তিনি শঠ অতএক শ্রদ্ধাহীন এইরূপ জানিয়া যিনি অর্থলোভে বা প্রতিষ্ঠালোভে অপাত্রে হরিনাম অর্পণ করেন, তিনি নামাপরাধ করিয়া থাকেন । কিন্তু প্রথমে শিষ্যকে শ্রদ্ধাবান মনে করিয়া নামার্পণ করিলেন, পরে জানিলেন শিষ্যটী শ্রদ্ধাহীন শঠ । তবে গুরু অবশ্য তাহার প্রতিকার করিবেন ।

নামমহিমায় পূর্ণ কর সর্ববদেশ ॥

উচ্চসংকীর্ণনে কর শ্রদ্ধার প্রচার ।

শ্রদ্ধা লভি জীব করে সদ্গুরু বিচার ॥

সদ্গুরু নিকটে করে শ্রীনাম গ্রহণ ।

অনায়াসে পায় তবে কৃষ্ণ-প্রেমধন ॥

চোর, বেশ্যা, শঠ আদি পাপাসক্তজনে ।

ছাড়াইয়া পাপমতি দিবে শ্রদ্ধাধনে ॥

সুশ্রদ্ধ হইলে দিবে নাম উপদেশ ।

এইরূপে নাম দিয়া তার সর্ববদেশ ॥

এরূপ অপরাধের ফল,

ইহা না করিয়া যিনি দেন নামধন ।

সেই অপরাধে তাঁর নরকে পতন ॥

নাম পেয়ে শিষ্য করে নাম-অপরাধ ।

তাহাতে গুরুর হয় ভক্তিরসবাধ ॥

এই নাম অপরাধে দুঁহে শিষ্য গুরু ।

নরকেতে যায় এই অপরাধ উরু ॥

অগ্রে শ্রদ্ধা দিয়া নাম উপদেশ দিবে,

জগা মাধা প্রতি তুমি মহা কৃপা করি (৪) ।

(৪) শ্রীরামপুরের ব্রাহ্মণ রায়বংশীয় মহোদয়গণের পূর্বপুরুষ ; দুই ভাই জগদানন্দ ও মাধবানন্দ । তাঁহারা সে সময়ে শ্রীনবদ্বীপমণ্ডলে বাস করিতেন । তাঁহাদিগকে মহাপাপী দেখিয়া জগা মাধা বলিত ।

নামে শ্রদ্ধা দিয়া নাম দিলে গৌরহরি ॥
 অদ্বুত চরিত্র তব সর্ব জগজন ।
 শ্রদ্ধায় করুক অনুকরণ চরণ ॥
 ভক্তপাদ ভক্তিতে বিনোদ যাহার ।
 হরিনামচিন্তামণি অলঙ্কার তার ॥
 ইতি শ্রীহরিনামচিন্তামণৌ শ্রদ্ধাহীনজনে নামাপরাধ-
 বিচারো নাম দশমঃ পরিচ্ছেদঃ ।

একাদশ পরিচ্ছেদ ।

অন্য শুভকর্মের সহিত নামকে তুল্যজ্ঞান ।

ধর্মব্রতত্যাগহতাদিসর্ব

শুভক্রিয়াসাম্যমপি প্রমাদঃ ॥

জয় জয় গৌরচন্দ্র নাম অবতার ।

জয় জয় হরিনাম সর্বব্রতদ্বসার ॥

হরিদাস বলে প্রভু কর অবধান ।

অন্য শুভকর্ম নহে নামের সমান ॥

নামের স্বরূপ,

তুমিত চিন্ময় সূর্য্য তোমার স্বরূপ ।
 সম্পূর্ণ চিন্ময় এই তব্ব অপরূপ ॥
 সর্ববত্র চিন্ময় তব শ্রীবিগ্রহ হয় ।
 নাম ধাম লীলা তব সম্পূর্ণ চিন্ময় ॥
 তব মুখ্য নাম সব তোমাতে অভিন্ন ।
 জড়ীয় বস্তুর নাম বস্তু হৈতে ভিন্ন ।
 ভক্তমুখে আইসে নাম গোলোক হইতে ।
 আত্মা হৈতে দেহে ব্যাপি নাচে জিহ্বাদিতে ॥
 এইজ্ঞানে নাম লৈলে হয় তব নাম ।
 নামে জড়বুদ্ধি যায় তার দুঃখগ্রাম (১) ॥

কৃষ্ণপাদ উপেয় । অধিকার-ভেদে উপায় বহুবিধ,
 তোমারে পাইতে শাস্ত্র উপায় কহিল ।
 অধিকার-ভেদে তাহা নানাবিধ হৈল (২) ॥

(১) যাহারা মনে করে, কৃষ্ণনাম মায়িক জড়জনিত, তাহারা বহুকাল নরকভোগ করে । তাহাদের মুখ দেখিলে সচলে স্নান করিয়া শ্রীবিষ্ণু-স্মরণ করা কর্তব্য ।

(২) কৃষ্ণাভের জন্ত অধিকার-ভেদে কৰ্ম্মজ্ঞান ও ভক্তি-ভেদাদি শাস্ত্রে অভিহিত হইয়াছে । নিতান্ত জড়াধিকারপক্ষে চিত্তশোধিনী কৰ্ম্মময়ী বুদ্ধি । নিতান্ত মায়াসক্তের পক্ষে অদ্বৈত জ্ঞান । দমজীবের পক্ষে গুহ্যভক্তি উপদিষ্ট হইয়াছে ।

কৰ্মের স্বরূপ । অন্য শুভকৰ্ম জড়ময় । উপেয় বস্তু চিন্ময়,

জড়বুদ্ধিজ্ঞান জড়দ্রব্যকালান্ধরে ।

তোমার সাধন করে শমনের ভয়ে ॥

তুমিত অভয়পদ অদ্বিতীয় হরি ।

তোমার চরণমাত্র ভবান্ধবে তরি ॥

সেই পদলাভে যত উপায় সৃজিল ।

জড়ভাবান্ধবে সব জড়ীয় হইল ॥

ইচ্ছাপূৰ্ত্ত আর যজ্ঞাদিক পুণ্যকৰ্ম ।

স্নান, হোম, দান, যোগ, বর্ণাশ্রমকৰ্ম ॥

তীর্থযাত্রা-ব্রতপিতৃকৰ্মধ্যানজ্ঞান ।

দৈবকৰ্ম তপঃ প্রায়শ্চিত্তাদি বিধান ॥

সকলই জড়ীয় দ্রব্য করিয়া আশ্রয় ।

উপায় স্বরূপে সদা শুভকৰ্ম হয় ॥

উপায় ধরিয়া পায় উপেয় চরমে ।

অনিত্য উপায় ছাড়ে সিদ্ধিসমাগমে (৩) ॥

পূর্ণানন্দ লাভ হয় সৰ্ব্বসিদ্ধিসার ।

জীবের উপেয় তাহা শুন সারাৎসার ॥

শুভকৰ্ম উপায়,

জড়দ্রব্য কাল হয় নিরানন্দময় ।

(৩) ভক্তিসিদ্ধিলাভকালে জড়ীয় কৰ্মাদি সহজে দূর হয় ।

কৌশলে জীবের তাহে ক্রম সিদ্ধি হয় (৪) ॥

অতএব শুভকর্মে সকলই উপায় ।

উপেয় চরমসিদ্ধি প্রেমরূপে ভায় ॥

তাহাতে উপেয়প্রাপ্তি বিলম্ব সিদ্ধ,

সর্ব শুভকর্মে সিদ্ধি বিলম্বে উদয় ।

উপেয় উপায়ে ব্যবধানহেতু হয় (৫) ॥

সাধনকালে হরিনাম উপায় কিরূপে হইয়াছেন,

হরিনাম এ জগতে দিলে কৃপা করি ।

সিদ্ধিলাভে শিষ্ট জীব লইলেক বরি ॥

উপায় হইল নাম শাস্ত্রের সম্মত ।

অন্য শুভকর্মমাধ্য হইল গণিত ॥

সর্বেশ্বর বিষ্ণু যেন ব্রহ্মা-শিবসনে ।

দেবতা লক্ষণে গণ্য হইল ত্রিভুবনে ॥

নাম শুদ্ধসত্ত্ব । মায়াবাদী অপরাধক্রমে অন্য শুভকর্মের
সহিত নামকে একই মনে করেন,

নামের স্বরূপ হয় শুদ্ধসত্ত্বময় ।

জড়গন্ধ শুদ্ধ নামে কভু নাহি রয় ॥

(৪) বদ্ধজীব জড়ীয় ব্যাপার ব্যতীত থাকিতে পারে না । তাহার
সকল কর্ম ও চিন্তাতে জড় মিশ্রিত আছে । সেই জড়ের মধ্যে জড়াতীত
শুদ্ধভক্তির অবেষণ করাই কর্মাদির কৌশল ।

(৫) উপেয় প্রেম, উপায় জড়ীয় ব্যাপার হইলে, তত্বতয়ের মধ্যে
বিশেষ ব্যবধান পড়িল ।

জড়ীভূতজীব নামে জড়ভাবদানে ।

অন্য শুভকৰ্ম্ম সহ এক করি মানে (৬) ॥

মায়াবাদ হৈতে এই নাম অপরাধ ।

যাহার দৌরাভ্যে সদা হয় ভক্তি বাধ ॥

নামের উপায়ত্ব সত্ত্বেও উপেয়ত্ব,

কৃষ্ণনাম হয় প্রভু পূর্ণানন্দতত্ত্ব ।

উপেয় বা সিদ্ধি বলি যাহার মহত্ব ॥

উপায় হইয়া আবিভূত ধরাতলে ।

উপেয় উপায়, ঐক্য সৰ্ব্বশাস্ত্রে বলে ॥

অধিকারভেদে যিনি উপায় স্বরূপ ।

তিনিই উপেয়, অন্ত্রে বড় অপরূপ (৭) ॥

শুভকৰ্ম্ম গোণোপায়, নাম মুখ্যোপায়,

অতএব উপায় দ্বিবিধ গুণধাম ।

গোণোপায় শুভকৰ্ম্ম মুখ্যোপায় নাম (৮) ॥

(৬) জড়ীভূত জীব, চিৎস্বরূপ জীব অবিচ্ছিন্নমে আপনাকে জড়ীভূত মনে করেন ।

(৭) অধিকারভেদে অর্থাৎ যাবৎ জীবের আত্মরতি না হয়, তাবৎ নামকে উপায় মনে করিয়া আত্মরতিরূপ উপায়কে সাধন করিতে থাকেন ।

(৮) নাম উপায় মধ্যে গণিত হইলেও মুখ্য উপায় । অন্য শুভকৰ্ম্ম সৰ্ব্বদাই গোণোপায় মধ্যে পরিগণিত । এই তত্ত্ব বুঝিতে পারিলে অন্য শুভকৰ্ম্ম হইতে নামকে বিলক্ষণ বলিয়া প্রতীত হয় ।

নামের অতীন্দ্রিয়ত্ব,

অতএব শাস্ত্রে যত অন্য শুভকর্ম্য ।
 নামসম নহে এই সর্বশাস্ত্রমর্ম্য ॥
 সরলহৃদয়ে যবে কৃষ্ণনাম গায় ।
 অতীন্দ্রিয়সুখ আসি চিন্তকে নাচায় ॥
 সেই সুখ কৃষ্ণনামসভাব-তৎপর ।
 আত্মরতি আত্মক্রীড়া নাহি যারপর ॥

সায়ুজ্য কৈবল্যসুখ আনন্দসুখের ছায়ামাত্র,

ব্রহ্মজ্ঞানে যোগে যে আনন্দ বৈভব ।
 জড়ের বিচ্ছেদ সুখ ছায়া অনুভব ॥
 অভেদ্য কৈবল্যসুখ স্বল্প বলি জানি ।
 কৃষ্ণনামানন্দসুখ ভূমা বলি মানি ॥

অন্য শুভকর্ম্য হইতে নামের বৈলক্ষণ্য,

সাধনকালেতে নাম উপায় স্বরূপ ।
 সিদ্ধিকালে উপেয় সে এই অপরূপ ॥
 উপায়স্বরূপ নামে উপেয়ত্ব সিদ্ধ ।
 অন্য শুভকর্ম্যে ঐছে নহেত প্রসিদ্ধ ॥
 অন্য শুভকর্ম্য যত সব জড়াশ্রিত ।
 নামত চিন্ময় সদা স্বতঃ সিদ্ধোদিত ॥
 সাধন কালেও নাম শুদ্ধ সুনির্মল ।
 সাধকের অনর্থোতে দেখায় সমল ॥

সাধু সঙ্গে নাম লৈতে জড়বুদ্ধি যায় ।
 অনর্থ নিঃশেষ হৈলে শুদ্ধনাম ভায় ॥
 অন্য শুভকর্ম্ম করে ত্যজিয়া উপায় ।
 উপের পরম ভাব চরমে আশ্রয় ॥
 কিন্তু নামাশ্রয়ী জন নাম নাহি ত্যজে ।
 নামের শুদ্ধতা মাত্র সিদ্ধিকালে ভজে ॥
 অন্য শুভকর্ম্ম হৈতে অতি বিলক্ষণ ।
 নামের স্বরূপ হয় অপূর্ব লক্ষণ ॥
 সাধনদশায় এই বিলক্ষণ জ্ঞান ।
 গুরুকৃপা হৈতে হয় বেদের প্রমাণ (৯) ॥
 সাধনদশায় যিনি এই জ্ঞানহীন ।
 নাম অপরাধী তিঁহ অতি অব্বাচীন ॥
 নাম সর্ব্বোপরি নামতুল্য কিছু নয় ।
 এ দৃঢ় বিশ্বাস করি যেই নাম লয় ॥
 অচিরে তাঁহাতে হয় শুদ্ধনামোদয় ।

(৯) শ্রদ্ধা হইলে সাধুসঙ্গ । সাধুসঙ্গে ভজন-ক্রিয়া । ভজন করিতে করিতে সর্ব্বানর্থ-নিবৃত্তি । অনর্থ-নিবৃত্তি যে পরিমাণে হইতে থাকে, সেই পরিমাণে নামের শুদ্ধতা উদয় হয় এবং নিষ্ঠাদি ক্রমে আত্মরতি উদয় হয় । গুরুকৃপায় এই তত্ত্ব সাধনকালেই জানা ও বিশ্বাস করা উচিত । নতুবা নাম অপরাধ অনর্থ বৃদ্ধি হইবে ।

পূর্ণানন্দ নামরস করেন আশ্রয় ॥

এই অপরাধের প্রতিকার,

কাহারো যতপি অত শুভকর্ম সনে ।

নামে সমবুদ্ধি হয় দুষ্কৃতি বন্ধনে (১০) ॥

সে দুষ্কৃতি ক্ষয় লাগি করিবে যতন ।

নামে শুদ্ধবুদ্ধি পাবে, পাবে প্রেমধন ॥

অন্ত্যজ গৃহস্থ শুদ্ধনামপরায়ণ ।

তাঁর পদধূলি দেহে করিবে মৃক্ষণ (১১) ॥

থাইবে অধরামৃত পিবে পদজল ।

তবে শুদ্ধনামে মতি হইবে নির্মূল ॥

কালিদাসে এইরূপে দুষ্কৃতি খণ্ডন ।

পুনঃ তব কৃপাপ্রাপ্তি গায় জগজ্জন ॥

আমি জড়বুদ্ধি নাথ নামমাত্র গাই ।

নাম চিন্তামণি তত্ত্ব কভু নাহি পাই ॥

হরিদাস ঠাকুরের নামবিষয়ে নিষ্ঠা,

কৃপা করি নামরূপে আমার জিহ্বায় ।

(১০) বৈষ্ণব-অপরাধই এই দুষ্কৃতি। ইহার ফলে জীবের নাম সম্বন্ধে মায়াবাদ-দোষে কচি জন্মে। সাধু সঙ্গে সেই দুষ্কৃতি ক্ষয় করিলে নামে শ্রদ্ধা হইবে।

(১১) বৈষ্ণবে জাতিবুদ্ধি ত্যাগ করিয়া শুদ্ধনামপরায়ণ সাধুর পদধূলি দেহে ভক্তিপূর্বক মৃক্ষণ করিবে।

নিরন্তর নাচ প্রভু ধরি তব পায় ॥
 রাখ ইহাঁ লও তাঁহা তব ইচ্ছামত ।
 বাঁহা রাখ দেহ মোরে কৃষ্ণনামামৃত (১২) ॥
 জগজ্জনে নাম দিতে তব অবতার ।
 জগজ্জন মাঝে মোরে কর অঙ্গীকার ॥
 আমিত অধম তুমি অধমতারণ ।
 উভয়ে সম্বন্ধ এই পতিতপাবন ॥
 অচ্ছেদ্য সম্বন্ধ এই তোমায় আমায় ।
 যার বলে নামামৃত এ অধম চায় ॥

কলিযুগে নাম কেন যুগধৰ্ম্ম হইলেন,

কলিযুগে স্মৃষ্টিসাধ্য অন্য শুভকৰ্ম্ম ।
 অতএব নাম আসি হইল যুগধৰ্ম্ম (১৩) ॥
 হরিদাস-দাস ভক্তিবিনোদ যে জন ।
 হরিনাম-চিন্তামণি গায় অকিঞ্চন ॥

ইতি শ্রীহরিনামচিন্তামণৌ অন্তশুভকৰ্ম্মণাং সহস্রাং তুল্যজ্ঞানরূপ
 অপরাধবিচারো নাম একাদশঃ পরিচ্ছেদঃ ।

(১২) ইহাঁ, জড়জগতে । তাঁহা, চিজ্জগতে ।

(১৩) নাম সৰ্ব্বকালেই সৰ্ব্বোত্তম ধৰ্ম্ম, কিন্তু কলিতে অন্য ধৰ্ম্মের
 ভরসা না থাকায় নাম যুগধৰ্ম্মরূপে অবতীর্ণ হইয়া জগজ্জীবের দুঃখ মোচন
 করিতেছেন ।

দ্বাদশ পরিচ্ছেদ ।

নামাপরাধ প্রমাদ ।

প্রমাদঃ ।

জয় জয় মহাপ্রভু জয় ভক্তগণ ।

যাঁদের প্রসাদে করি নামসংকীৰ্ত্তন ॥

প্রমাদ নামক অপরাধ,

হরিদাস বলে প্রভু হেথা সনাতনে (১) ।

আরত গোপাল ভট্টে দক্ষিণ ভ্রমণে ॥

শিখাইলে অপ্রমাদে শ্রীকৃষ্ণভজন ।

প্রমাদকে অপরাধে করিলে গণন ॥

অন্য অপরাধ ত্যজি সদা নাম লয় ।

তবু নামে প্রেম নাহি হয়ত উদয় ।

তবে জানি প্রমাদ নামেতে অপরাধ ।

প্রেমভক্তি সাধনেতে করিতেছে বাধ ॥

অনবধানকেই প্রমাদ বলে,

প্রমাদ অনবধান এই মূল অর্থ ।

(১) শ্রীসনাতনকে বলিয়াছিলেন, “এক অঙ্গ সাধে কেহ সাধে
বহু অঙ্গ । নিষ্ঠা হৈতে উপজয় প্রেমের তরঙ্গ ॥ প্রমাদ বা অনবধান
পরিত্যাগ পূর্বক সাধনে নিষ্ঠা জন্মে ।

ইহা হৈতে ঘটে প্রভু সকল অনর্থ ॥

তিন প্রকার অনবধান,

ঔদাসীন্ম, জাড্য আর বিক্ষেপ এ তিন (২) ।

প্রকার অনবধান বুঝিবে প্রবীণ ॥

অনুরাগ না হওয়া পর্য্যন্ত নামগ্রহণে যত্নের আবশ্যকতা,

কোন ভাগ্যে কোন জীবের শ্রদ্ধা যদি হয় ।

তবে তঁহ হরিনাম গ্রহণ করয় ।

যত্ন করি স্মরে নাম সংখ্যার সহিত ।

তবে নামে অনুরাগ হয়ত উদিত (৩) ॥

যে পর্য্যন্ত অনুরাগ না হয় উদয় ।

সে পর্য্যন্ত যত্ন করি নাম সদা লয় ॥

যত্নাভাবে সাধকের চিত্তস্থির হয় না,

নিসর্গতঃ লোক সব বিষয়ে আসক্ত ।

স্মৃতিকালে বিষয় অন্তরে অনুরক্ত (৪) ॥

রুচি যায় অত্র স্থানে নামে উদাসীন ।

নামে চিত্ত লগ্ন নহে জপে প্রতিদিন ॥

(২) মাংসকাণ্ডে ঔদাসীন্ম অর্থাৎ নিষ্ঠাভাব । জাড্য অর্থাৎ আলস্য
বিক্ষেপ অর্থাৎ অত্র বিষয়ে মনোনিবেশ ।

(৩) তুলসীমালায় সংখ্যা রাখিয়া নাম করিলে ক্রমশঃ সংখ্যা বৃদ্ধি
অনুভব হয় ।

(৪) বিষয় অন্তরে, অত্র বিষয়ে ।

চিত্ত একদিকে আর অন্যদিকে নাম ।

তাহার মঙ্গল কিসে হয় গুণধাম ॥

লক্ষ্যনাম হৈল পূর্ণ সংখ্যামালা গণি ।

হৃদয়ে নহিল রস বিন্দু গুণমণি ॥

এই ত অনবধান দোষের প্রকার ।

বিষয়ী হৃদয়ে প্রভু বড় দুর্গিবার ॥

যত্ন করিবার বিধি,

সাধু সঙ্গে স্বল্পকাল ছাড়িয়া বিষয় ।

নির্জ্ঞানে লইলে নাম এই দোষ ক্ষয় (৫) ॥

ক্রমে ক্রমে কৃষ্ণনামে চিত্ত হয় স্থির ।

নিরন্তর নামরসে হয়ত অধীর ॥

তুলসীর সন্নিকটে কৃষ্ণলীলা-স্থানে ।

সাধু-সন্নিধানে বসি সাত্ত্বত বিধানে (৬) ॥

(৫) প্রথমে একদণ্ড এইরূপ নিয়ম করিয়া কোন সাধুর সঙ্গে নির্জ্ঞানে নাম আরম্ভ করিবে। তাহাতে ক্রমশঃ সাধুর ভাব দেখিয়া তদনুকরণে প্রবৃত্ত হইয়া ঐদাসীন্দ্ৰ ত্যাগ করিতে স্পৃহা হইবে।

(৬) সাত্ত্বত-বিধানে, পূর্ব সাধুগণ যে বিধানে ভক্তনানন্দ ভোগ করিয়াছেন সেই বিধানে। একদণ্ড হইতে দুইদণ্ড ; ক্রমশঃ চারিদণ্ড ; ক্রমে লক্ষ এবং অবশেষে তিনলক্ষ নামস্মরণ বৃদ্ধি স্বভাবতঃ হইয়া পড়িবে।

ক্রমে কালবৃদ্ধি করি সেই নাম স্মরে ।

অতি শীঘ্র বিষয়ের ছন্দ হইতে তরে ॥

অন্য প্রক্রিয়া । এইরূপ করিলে ঔদাসীণ্যরূপ অনবধান হয় না,

অথবা নির্জ্জনে বসি স্মরি সাধুরীতি ।

ইন্দ্রিয় পিধান করি নামে করে মতি (৭) ॥

সত্তরে নামেতে নিষ্ঠা রুচিক্রমে হয় ।

ঔদাসীণ্য দোষ তার ক্রমে হয় ক্ষয় ॥

জাড্যজনিত অনবধান লক্ষণ,

জাড্যে যে অনবধান অলসের মনে ।

তাহে রুচি নাহি হয় শ্রীনাম গ্রহণে ॥

স্মৃতিকালে পুনঃ শীঘ্র বিরামে প্রয়াস ।

এই দোষে নামরস না হয় প্রকাশ ॥

অন্য কায়ে বৃথা কাল না হয় যাপন ।

সাধুগণ ইহা চিন্তি স্মরে অনুক্ষণ (৮) ॥

নাম স্মরে রসে মজে অন্য নাহি চায় ।

সেইরূপ সাধুসঙ্গে এই দোষ যায় ॥

(৭) ইন্দ্রিয় পিধান করি, নির্জ্জন ঘরে দ্বার বন্ধ করিয়া অথবা বস্ত্র দ্বারা চক্ষু-কর্ণ-নাসিকা আবৃত করিয়া সাধন করিবে ।

(৮) অব্যর্থ কালত্ব ধর্ম সাধুচরিত্রে লক্ষ্য করিয়া তাহা অনুকরণ করিবে ।

অন্বেষিয়া সেইরূপ সাধুসঙ্গ করে ।
 তদনুকরণে চিত্ত জাড্য পরিহরে (৯) ॥
 অব্যর্থ কালত্ব ধর্ম সাধুর চরিত ।
 দেখিলে তাহাতে রুচি হইবে নিশ্চিত ॥
 মনে হবে আহা কবে হাঁহার সমান ।
 স্মরিব গাইব নাম হয়ে ভাগ্যবান ॥
 সেইত উৎসাহ আসি অলসের মনে ।
 জাড্য দূর করে কৃষ্ণনামের স্মরণে ॥
 মনে হবে আজ লক্ষ নাম যে করিব ।
 ক্রমে ক্রমে তিন লক্ষ নাম যে স্মরিব ॥
 মহাগ্রহ হবে চিত্তে নামের সংখ্যায় ।
 অচিরে যাইবে জাড্য সাধুর কৃপায় ॥

বিক্ষেপজনিত অনবধান লক্ষণ,

বিক্ষেপ হইতে যেই প্রমাদ উদয় ।
 বহুযত্নে সেই অপরাধ হয় ক্ষয় ॥
 কনক কামিনী আর জয় পরাজয় ।
 প্রতিষ্ঠাশা শাঠ্যবৃত্তি তাহার নিলয় (১০) ॥

(৯) বিস্তৃত সাধুভক্ত ছল্লভ । দেশে দেশে অন্বেষণ করিয়া সেইরূপ সাধুসঙ্গ করিবে ।

(১০) তাহার নিলয়, সেই জাড্যের বাসস্থান ।

এসব আকৃষ্টি হৃদে হইলে উদয় (১১) ।

নামেতে অনবধান স্বভাবতঃ হয় ॥

বিক্ষেপত্যাগের উপায়,

ক্রমে ক্রমে সেই সব চিন্তা পরিহারে ।

যতিবে সৌভাগ্যবান্ বৈষ্ণব-আচারে (১২) ॥

প্রথমেতে হরিদিনে ভোগচিন্তা তাজি (১৩) ।

সাধুসঙ্গে রাত্রদিন হরিনাম ভজি ॥

হরিক্ষেত্রে হরিদাস হরিশাস্ত্র লয়ে (১৪) ।

উৎসবে মজিবে স্নুখে পরম নির্ভয়ে ॥

ক্রমে ভক্তিকাল মন করিবে বর্দ্ধন ।

হরিকথা মহোৎসবে মজাইয়া মন ॥

শ্রেষ্ঠরস ক্রমে চিত্তে হইবে উদয় ।

জড়ের নিকৃষ্ট রস ছাড়িবে নিশ্চয় ॥

মহাজন-মুখে হরিসংগীত শ্রবণে ।

মুগ্ধ হরে মনঃকর্ণ রস আস্বাদনে ॥

(১১) আকৃষ্টি, আকর্ষণ ।

(১২) যতিবে, যত্ন করিবে ।

(১৩) হরিদিন,—হরিবাসর, একাদশী, জয়ন্তী প্রভৃতি দিবস ।

(১৪) হরিক্ষেত্র,—শ্রীনবদ্বীপ, বৃন্দাবন, পুরুষোত্তম ইত্যাদি । হরিদাস,—রূপাচরণ শুদ্ধবৈষ্ণববৃন্দ । হরিশাস্ত্র,—শ্রুতি, গীতা, ভাগবত, বৈষ্ণব-সিদ্ধান্তসকল ।

নিকৃষ্ট বিষয়স্পৃহা হইবে বিগত ।
 নামগানে চিত্ত স্থির হবে অবিরত ॥
 অতএব বল যত্নে এ প্রমাদ ত্যজে ।
 স্থিরচিত্তে নামরসে চিরদিন মজে ॥

আগ্রহ,

সঙ্কলিত নামসংখ্যা পূর্ণ করিবারে ।
 না হয় অযত্ন নামে দেখি বারে বারে (১৫) ॥
 সতর্ক হইয়া করি নামসংকীৰ্ত্তন ।
 প্রমাদ ছাড়িয়া করি নামের ভজন ॥
 সাংখ্যধিকে স্পৃহা ছাড়ি একাগ্রমানসে (১৬) ।
 নিরন্তর করি নাম তব কৃপাবশে ॥
 এই কৃপা কর প্রভু নামেতে প্রমাদ ।
 না বাধে আমার চিত্তে নামরসাস্বাদ ॥
 একাগ্র মানসে নির্জডনেতে স্বলক্ষণ ।

প্রক্রিয়া,

নামস্মৃতি অভ্যাস করিবে ভক্তজন ॥

(১৫) বাহারা বিক্ষেপরূপ প্রমাদাসক্ত, তাঁহারা নিকৃপিত নামসংখ্যা
 যত শীঘ্র শেষ করিতে পারেন তাহার চেষ্টা করেন । নামসাধনে সেরূপ
 অযত্ন না হয় ইহা বারবার সতর্কতার সহিত দেখা আবশ্যক ।

(১৬) নাম অধিক সংখ্যা হইবে এ চেষ্টা অপেক্ষা নিরন্তর স্পষ্টাক্ষরে
 ভাবযুক্ত নাম হইবে ইহার যত্ন করা উচিত ।

অতএব স্পর্শ নাম ভাবলগ্ন মনে ॥

সদা হয় এ প্রার্থনা তোমার চরণে ॥

আপন যত্নেতে কেহ কিছু নাহি পারে ।

তোমার প্রসাদ বিনা এ ভবসংসারে (১৭) ॥

যত্নাগ্রহের আবশ্যকতা। নিষ্কপটনাম গ্রহণে তাহা
অবশ্য থাকে, নতুবা অপরাধ,

যত্ন করি কৃপা মাগি ব্যাকুল অন্তরে ।

তুমি কৃপাময় কৃপা কর অতঃপরে ॥

তব কৃপালাভে যদি না করি যতন ।

তবে আমি ভাগ্যহীন হে শচীনন্দন (১৮) ॥

(১৭) এইরূপ প্রমাদবর্জন কার্যে কেবল নিজচেষ্টায় কোন জীব
কিছু করিতে পারে না। তোমার কৃপা হইলে তাহা অনায়াসে হয়।
অতএব এই সব কার্যে কাকুতি করিয়া তোমার নিকট প্রসাদ প্রার্থনা
করা নিতান্ত আবশ্যক ।

(১৮) যে সকল ব্যক্তি কেবল নিজবুদ্ধি ও অর্থচেষ্টাবলে ভজনে
প্রবৃত্ত হন, তাহারা কখনই ফললাভ করিতে পারেন না। কৃষ্ণকৃপাই সকল
কার্যের মূল। সুতরাং যিনি কৃষ্ণকৃপা পাইবার চেষ্টা না করেন, তিনি
নিতান্ত ভাগ্যহীন ।

এই পরিচ্ছেদশেষে একাগ্রমানসে যে নামস্মৃতি অভ্যাস করিতে
বলা হয়, তৎসম্বন্ধে সর্বজীবের প্রতি শ্রীমহাপ্রভুর উপদেশ চৈঃ ভাঃ মধ্য
২৩ (৬১০) আপন সব্বারে প্রভু করে উপদেশে । কৃষ্ণনাম-মহামন্ত্র গুনহ

হরিনাম চিন্তামণি অলঙ্কার যার ।

হরিদাস পদযুগ ভরসা তাহার ॥

ইতি শ্রীহরিনামচিন্তামণৌ নামাপরাধ-প্রমাদবিচারো নাম

দ্বাদশঃ পরিচ্ছেদঃ ।

হরিষে । “হরে কৃষ্ণ হরে কৃষ্ণ কৃষ্ণ কৃষ্ণ হরে হরে । হরে রাম হরে রাম রাম রাম হরে হরে ॥” প্রভু বলে হরিনাম এই মহামন্ত্র । ইহা জপ গিয়া সবে করিয়া নির্বন্ধ । ইহা হইতে সর্বসিদ্ধি হইবে সবার । সর্ব-ক্ষণ বল ইথে বিধি নাহি আর ॥ এস্থলে নির্বন্ধ শব্দের অর্থ এই যে, সাধক ১০৮ সংখ্যক তুলসীমালার এই বোল নাম বত্রিশ অক্ষর জপ করিবেন । চারিবার মালা ফিরিলে এক গ্রন্থ হর । এক গ্রন্থ নিয়ম করিয়া ক্রমশঃ বৃদ্ধি করিতে করিতে ১৬ গ্রন্থে এক লক্ষ নাম নির্বন্ধ হইবে । ক্রমশঃ তিন লক্ষ করিলে অখিলকাল নামেতেই যাপিত হইবে । সমস্ত পূর্বমহাজনগণ প্রভুর এই আদেশ পালন করিয়া সর্বসিদ্ধিলাভ করিয়াছিলেন । এখনও এই নাম জপ-দ্বারা সকলেরই সর্বসিদ্ধি লাভের সম্ভাবনা । মুক্ত, মুমুকু, বিষয়ী সকলেই এই নামের অধিকারী । মুক্ত প্রভৃতির নামে কিছু কিছু ভাবনা ভেদ দেখা যায় । বিরহ ও সন্তোষ উভয় অবস্থাই এই নাম ভাবনাভেদে নিত্য আশ্বাস্ত ।

ত্রয়োদশ পরিচ্ছেদ ।

অহংমম ভাবাপরাধ ।

ঋতেপি নামমাহাভ্যো যঃ প্রীতিরহিতোধমঃ ।

অহং মমাদি পরমো নান্নি সোপ্যপরাধকৃৎ ॥

গদাই গৌরান্ধ জয় জাহ্নবা জীবন ।

সীতাদ্বৈত জয় জয় গৌর ভক্তগণ ॥

প্রেমে গদ গদ হরিদাস মহাশয় ।

শেষ নাম অপরাধ প্রভু পদে কয় ॥

শুন প্রভু এই অপরাধ সর্ববাধম ।

এই দোষে নামপ্রেম না হয় উদগম (১) ॥

নামে শরণাপত্তির প্রয়োজনীয়তা,

অন্য নয় অপরাধ করিয়া বর্জ্জন ।

(১) দীক্ষিত হইয়াও অধিকাংশ বিষয়ী লোক এই জড়দেহে অহংতা ও মমতা বুদ্ধি করিয়া ভক্তিপথ হইতে ভ্রষ্ট হয় । আমি ব্রাহ্মণ, আমি বৈষ্ণব, আমি রাজা, আমার দেহগেহ, পুত্রপৌত্র, ধনজন, এইরূপে অযথা অভিমানে নামের ভজনে প্রবৃত্তি হয় না । ইহাই একটী বিষম অপরাধ । নামের প্রতি শরণাপত্তি হইলেই এ অপরাধ থাকে না ।

নামেতে শরণাপন্ন হইবে সজ্জন ॥

ষড়্‌বিধ শরণাগতি সর্ববশান্ত্রে কয় ।

বিস্তারিত বলিতে আমার সাধ্য নয় ॥

শরণাপত্তির প্রকার,

সংক্ষেপে চরণে তব করি নিবেদন ।

আনুকূল্যে সংকল্প প্রাতিকূল্যে বিসর্জন (২) ॥

কৃষ্ণে রক্ষাকারী বুদ্ধি পালক ভাবন ।

নিজে দীনবুদ্ধি আর আত্মনিবেদন ॥

এ জীবন না রহিলে না হয় ভজন ।

জীবনরক্ষায় মাত্র বিষয় গ্রহণ ॥

ভক্তি অনুকূল যে বিষয় যতক্ষণ ।

তাহে রোচমান বৃত্তো জীবন যাপন (৩) ॥

ভক্তি প্রতিকূল যে বিষয় যবে হয় ।

তাহাতে অরুচি তাহা বর্জিবে নিশ্চয় ॥

কৃষ্ণ বিনা রক্ষাকর্তা নাহি কেহ আর ।

কৃষ্ণ সে পালকমাত্র জানিবে আমার ॥

(২) আনুকূল্যে সংকল্প, জীবন ব্যাপারে যে বিষয়টী ভক্তির অনুকূল, তাহাই মাত্র স্বীকার করিব, (এই প্রতিজ্ঞাই আনুকূল্যে বিষয়ে সংকল্প ।) যে বিষয় ভক্তি-প্রতিকূল হয়, তাহা দূর করিব, (এই প্রতিজ্ঞাই প্রাতিকূল্যে বিসর্জন ।)

(৩) রোচমানবৃত্তি কৃষ্ণসম্বন্ধ রুচির অনুকূল ভাব ।

আমি দীন অকিঞ্চন সকলের ছার ।
 অধম দুর্গত কিছু নাহিক আমার ॥
 কৃষ্ণের সংসারে আমি আছি চিরদাস ।
 কৃষ্ণ ইচ্ছামত ক্রিয়া আমার প্রয়াস ॥
 আমি কর্তা আমি দাতা আমি পালয়িতা ।
 আমার এ দেহ গেহ সন্তান বনিতা ॥
 আমি বিপ্র আমি শূদ্র আমি পিতাপতি ।
 আমি রাজা আমি প্রজা সন্তানের গতি ॥
 এই সব বুদ্ধি ছাড়ি কৃষ্ণে করি মতি ।
 কৃষ্ণ কর্তা কৃষ্ণ ইচ্ছামাত্র বলবতী ॥
 কৃষ্ণের যে হয় ইচ্ছা তাহাই করিব ।
 নিজ ইচ্ছা অনুসারে কিছু না চিন্তিব ॥
 কৃষ্ণ ইচ্ছামতে হয় আমার সংসার ॥
 কৃষ্ণ ইচ্ছামতে আমি হই ভবপার ।
 দুঃখে থাকি সুখে থাকি আমি কৃষ্ণদাস ।
 কৃষ্ণেছার সর্বদা জীব দয়ার প্রকাশ ॥
 মম ভোগ কৰ্ম্মভাগ কৃষ্ণ ইচ্ছামত ।
 আমার বৈরাগ্য কৃষ্ণ ইচ্ছা অনুগত (৪) ॥

(৪) আমার জগতে কৰ্ম্মভোগ বা বৈরাগ্য উভয়েই কৃষ্ণ ইচ্ছামত হইতেছে ।

শরণাপত্তি হইলে আত্মনিবেদন হয়,

সরল ভাবেতে যবে এই ভাব হয় ।

আত্মনিবেদন তারে বলি মহাশয় ॥

শরণাপত্তি ব্যতীত নামাশ্রয়ে যাহা হয়,

ষড়্‌বিধ শরণাগতি নাহিক যাহার ।

সে অধম অহংমম বুদ্ধিদোষে ছার ॥

সে বলে আমিত কর্তা সংসার আমার ।

নিজকর্ম্ম ফলভোগ সুখ দুঃখ আর ॥

আমার রক্ষক আমি আমিত পালক ।

আমার বনিতা ভ্রাতা বালিকা বালক ॥

আমিত অর্জন করি আমার চেষ্ঠায় ॥

সর্ব্বকার্য্য সিদ্ধ হয় সর্ব্ব শোভা পায় ॥

অহংমম বুদ্ধিক্রমে বহিস্মুখ জন ।

নিজজ্ঞান বলে বহু করয়ে মানন ॥

সেই জ্ঞানবলে শিল্প বিজ্ঞান বিস্তারে ।

ঈশ্বরের ঈশিতা না মানে দুর্জটাচারে (৫) ॥

শ্রীনাম মাহাত্ম্য শুনি বিশ্বাস না করে ।

(৫) বহিস্মুখ লোক মনে করে যে, আমরা বুদ্ধিবলে শিল্পবিজ্ঞানাদি

উন্নতি করিয়া আমাদের সুখবৃদ্ধি করিতেছি । বস্তুতঃ সকলই কৃষ্ণ

ইচ্ছায় হইয়া থাকে, একথা একবারও স্মরণ করে না ।

লোকব্যবহারে কভু কৃষ্ণনামোচ্চারে ॥
 কৃষ্ণনাম করে তবু নাহি পায় প্রীতি ।
 ধর্ম্মধ্বজী শঠজন জীবনে এ রীতি ॥
 হেলায় উচ্চারে নাম কিছু পুণ্য হয় ।
 প্রীতিফল নাহি কলে সর্বশাস্ত্র কয় ॥

ইহার মূল কি ?

মায়াবদ্ধ হৈতে এই অপরাধ হয় ।
 ইহাতে নিকৃতিলাভ কঠিন নিশ্চয় ॥
 শুদ্ধভক্তিকলে ঝাঁর বিরক্তি হইল ।
 সংসার ছাড়িয়া সেই নামাশ্রয় নিল ॥

এই দোষত্যাগের উপায়,

নিষ্কণ্ঠনভাবে ভজে শ্রীকৃষ্ণচরণ ।
 বিষয় ছাড়িয়া করে নামসংকীৰ্ত্তন ॥
 সেই সাধুজনে অশ্বেষিয়া তাঁর সঙ্গ ।
 করিবে সেবিবে ছাড়ি বিষয়তরঙ্গ ॥
 ক্রমে ক্রমে নামে মতি হইবে সঞ্চার ।
 অহংতা-মমতা যাবে মায়া হবে পার ॥
 নামের মাহাত্ম্য শুনি অহংমমভাব ।
 ছাড়িয়া শরণাগতি ভক্তের স্বভাব ॥
 নামের শরণাগত যেই মহাজন ।

কৃষ্ণনাম করে পায় প্রেমমহাধন ॥

দশাপরাধশূন্য ব্যক্তির লক্ষণ,

অতএব সাধুনিন্দা যতনে ছাড়িয়া (৬) ।

পরতত্ত্ব বিষ্ণু শুদ্ধমনেতে জানিয়া ॥

নামগুরু নামশাস্ত্র সর্বোত্তম জানি ।

বিশুদ্ধ চিন্ময় নাম হৃদয়েতে মানি ॥

পাপম্পৃহা পাপবীজ ত্যজিয়া যতনে ।

প্রচারিয়া শুদ্ধনাম শ্রদ্ধাযিত জনে ॥

অন্য শুভকর্ম হৈতে লইয়া বিরাম ।

স্মরে যে শরণাগত অপ্রমাদে নাম ॥

নিরপরাধে নাম লইলে অল্পদিনে ভাবোদয় হয়,

সেই ধন্য ত্রিজগতে সেই ভাগ্যবান্ ।

কৃষ্ণকৃপা-যোগ্য সেই গুণের নিধান ॥

অতি অল্পদিনে তাঁর শ্রীনামগ্রহণে ।

ভাবোদয় হয় আর পায় প্রেমধনে ॥

উল্লিখিতক্রম,

এবমুত জনের সাধনদশা-প্রায় ।

অতি অল্পদিনে যায় কৃষ্ণের ইচ্ছায় ॥

(৬) দশটী অপরাধ পরিত্যাগমাত্রই যে সকল লাভ হয়, তাহা নয়, সেই দশ অপরাধের ব্যতিরেকে দশটী ক্রিয়া আছে তাহার অনুষ্ঠান । উপদেশস্থলে অপরাধ পরিত্যাগের বিধান ।

ভাবদশা হৈতে হৈতে প্রেমদশা হয় ।
 প্রেমদশা সর্ববসিদ্ধি, সর্ববশান্ত্রে কয় (৭) ॥
 তুমি বলিয়াছ নাম যেই মহাজন ।
 লইবে নিরপরাধে পাবে প্রেমধন ॥

ব্যতিরেকভাবে ইহার চিন্তা,

অপরাধ নাহি ছাড়ি নাম যদি লয় ।
 সহস্রসাধনে তার ভক্তি নাহি হয় ॥
 জ্ঞানে মুক্তি, কর্মে ভুক্তি, জ্ঞানী কর্মী জনে ।
 স্বদুর্লভা কৃষ্ণভক্তি নিশ্চল সাধনে ॥
 ভুক্তিমুক্তি শুক্তিসম^১ ভক্তিমুক্তাফল^২ ।
 জীবের মহিমা ভক্তিপ্রাপ্তি স্বনিশ্চল ॥
 সাধনে নৈপুণ্য-যোগে অতুলসাধনে ।
 ভক্তিলতা প্রেমফল দেন ভক্তজনে (৮) ॥

ভজননৈপুণ্য,

দশ অপরাধ ছাড়ি নামের গ্রহণ ।
 ইহাই নৈপুণ্য হয় সাধনে ভজন ॥

(৭) শ্রীহরিদাস ঠাকুরের উপদেশ মত নামাশ্রয় করিলে সাধনদশা অতি অল্পদিনে অতিবাহিত হয় ।

(৮) এইরূপে সাধনে নৈপুণ্য যোগ করিলে অল্পসাধনেই ভক্তিলতার ফল যে প্রেম তাহা ভক্তজন লাভ করেন ।

নামাপরাধের গুরুতা,

অতএব ভক্তিলাভে যদি লোভ হয় ।
 দশ অপরাধ ছাড়ি করি নামাশ্রয় ॥
 এক এক অপরাধ সতর্ক হইয়া ।
 যতনেতে ছাড়ি চিন্তে বিলাপ করিয়া ॥
 নামের চরণে করি দৃঢ় নিবেদন ।
 নামকৃপা হলে অপরাধ বিধ্বংসন ॥
 অন্য শুভকর্ম্মে নাম-অপরাধক্ষয় ।
 কোন প্রায়শ্চিত্ত-যোগে কভু নাহি হয় ॥

[নামাপরাধ পরিত্যাগের উপায়,]

অবিশ্রান্ত নামে নাম-অপরাধ যায় (৯) ।
 তাহে অপরাধ কভু স্থান নাহি পায় ॥
 দিবারাত্র নাম লয় অনুতাপ করে ।
 তবে অপরাধ যায় নামফল ধরে ॥
 অপরাধগতে শুদ্ধনামের উদয় ।
 শুদ্ধনাম ভাবময় আর প্রেমময় ॥
 দশ অপরাধ যেন হৃদয়ে না পশে ।

(৯) [অবিশ্রান্ত নাম কেবল দৈহিক কার্য্য সম্পন্ন করিতে যে বিশ্রামাদির আবশ্যক, তদ্ব্যতীত অন্য সকল সময়ে কাকূতির সহিত) নাম করিলে নামাপরাধ ক্ষয় হয়।] অতঃকোন শুভকর্ম্ম বা প্রায়শ্চিত্তে নামাপরাধ ক্ষয় হয় না।]

কৃপা কর মহাপ্রভু মজি নামরসে ॥

এ ভক্তিবিনোদ হরিদাসকৃপাবলে ।

হরি নাম চিন্তামণি গায় কুতূহলে ॥

ইতি শ্রীহরি নাম চিন্তামণৌ অহংমমভাবাপরাধ-বিচারো

নাম ত্রয়োদশঃ পরিচ্ছেদঃ ।

চতুর্দশ পরিচ্ছেদ ।

সেবাপরাধ ।

জয় গৌর গদাধর জাহ্নবাজীবন ।

জয় সীতাপতি শ্রীবাসাদি ভক্তগণ ॥

নামতত্ত্বে শ্রীহরিদাস ঠাকুরকে আচার্য্য বলিয়া উক্তি
করিয়াছেন,

মহাপ্রভু বলে শুন ভক্ত-হরিদাস ।

নাম-অপরাধ তত্ত্ব করিলে প্রকাশ ॥

ইহাতে কলির জীব লভিবে মঙ্গল ।

নামতত্ত্বে তুমি হও আচার্য্য প্রবল (১) ॥

(১) শ্রীচৈতন্য অবতारे শ্রীহরিদাস ঠাকুর শ্রীনামতত্ত্বের আচার্য্য ।
ঠাকুর জীবকে যেরূপ নাম, নামাভাস, মাহাত্ম্য ও নামাপরাধ বর্জনের
উপদেশ করিয়াছেন, তদ্রূপ নিজে আচরণ করিয়া জীবকে শিক্ষা
দিয়াছেন ।

তব মুখে নামতত্ত্ব করিতে শ্রবণ ।
 আমার উল্লাস বড় শুন মহাজন ॥
 আচারে আচার্য্য তুমি, প্রচারে পণ্ডিত ।
 তোমার চরিত নামরত্নে বিভূষিত ॥
 রামানন্দ শিখাইল মোরে রসতত্ত্ব ।
 তুমি শিখাইলে মোরে নামের মহত্ত্ব ॥
 এবে বল সেবা-অপরাধ কি প্রকার ।
 শুনিয়া ঘুচিবে জীবের চিত্ত অন্ধকার ॥
 হরিদাস বলে সে সেবক-জন জানে ।
 আমি নামাশ্রয়ে থাকি জানিব কেমনে ॥
 তবু তব আজ্ঞা আমি লজ্জিবারে নারি ।
 যাহা বলাইবে তাহা বলিব বিস্তারি ॥

সেবাপরাধ সংখ্যা,

সেবা-অপরাধ হয় অনন্ত প্রকার ।
 শ্রীমূর্ত্তি সম্বন্ধে সব শাস্ত্রের বিচার ॥
 কোন শাস্ত্রে দ্বাত্রিংশৎ অপরাধ গণি ।
 কোন শাস্ত্রে পঞ্চাশৎ গণি গুণমণি ॥

চতুর্বিধ,

সেই অপরাধ চতুর্বিধাদি প্রকারে ।
 বিভাগ করেন বুধগণ শাস্ত্রদ্বারে ॥

শ্রীমূর্ত্তিসেবক-নিষ্ঠ কতগুলি তার ।

শ্রীমূর্ত্তি-স্থাপক-নিষ্ঠ অপরাধ আর ॥

শ্রীমূর্ত্তি দর্শকনিষ্ঠ আর কতিপয় ।

সর্বনিষ্ঠ অপরাধ কতিবিধ হয় (২) ॥

সেবাপরাধ-প্রকার,

পাছুকা সহিত যায় ঈশ্বরমন্দিরে ।

যানে চড়ি যায় তথা স্বচ্ছন্দ শরীরে ॥

উৎসবে না সেবে আর প্রণতি না করে ।

উচ্ছিষ্ট অশৌচ-দেহে বন্দন আচরে ॥

একহস্তে প্রণাম, সম্মুখে প্রদক্ষিণ ।

দেবাগ্রে প্রসরে পদ, হয় বীরাসীন ॥

দেবাগ্রে শয়ন আর ভক্ষণ করয় ।

মিথ্যকথা উচ্চভাষা জল্পনাদিচয় ॥

নিগ্রহানুগ্রহ, যুদ্ধ, অভক্তি, রোদন ।

ক্রুরভাষা, পরনিন্দা, কন্মলাবরণ ॥

(২) সেবাপরাধগুলি শ্রীবিগ্রহ-সেবা সম্বন্ধে ঘটিয়া থাকে ! যাহারা শ্রীমূর্ত্তি-সেবা করেন, তাঁহাদের সম্বন্ধে কতকগুলি অপরাধ । যাহারা শ্রীমূর্ত্তি স্থাপন করেন, তাঁহাদের সম্বন্ধে কতকগুলি অপরাধ । যাহারা শ্রীমূর্ত্তি দর্শন করিতে যান, তাঁহাদের সম্বন্ধে কতকগুলি অপরাধ এবং সকলের পক্ষে কতকগুলি অপরাধ নির্দিষ্ট আছে । তাহা সহজেই বুঝিতে পারা যায় ।

পরস্তুতি, অশ্লীলতা-বায়ুবিমোক্ষণ ।
 শক্তিসম্বন্ধে গোঁণ উপচারের যোজন ॥
 দেবানিবেদিত দ্রব্য ভক্ষণে স্বীকার (৩) ।
 কালোদিত ফলাদির অনর্পণ আর ॥
 অগ্ন্যভুক্ত অবশিষ্ট খাওয়া-নিবেদন (৪) ॥
 দেবপ্রতি পৃষ্ঠ করি সম্মুখে আসন ॥

দ্বাত্রিংশ প্রকার,

দেবাগ্রে অন্তের অভিবাদন পূজন ।
 গুরু প্রতি মৌন নিজ স্তোত্র আলোচন (৫) ॥
 দেবতা নিন্দন এই দ্বাত্রিংশ প্রকার ।
 সেবা-অপরাধ মহাপুরাণে প্রচার ॥

অন্যশাস্ত্রমতে প্রকার বর্ণন,

অগ্নত্ন আছেয়ে অপরাধ অগ্নমত ।
 সংক্ষেপে বলিব প্রভু তব ইচ্ছামত ॥
 রাজান্ন ভোজন আর অন্ধকার ঘরে ।

(৩) দেবতাকে যে খাওয়া বা পেয় নিবেদন করা হয় নাই, তাহা ভক্ষণ বা পান করা সকলের পক্ষেই সেবা-অপরাধ ।

(৪) যে খাওয়াদ্রব্যের অগ্রভাগ অগ্নে খাইয়াছে, তাহা দেবতাকে দেওয়া অপরাধ ।

(৫) দেবমন্দিরে দেবতার অগ্রে অগ্নি কাহাকেও অভিবাদন করিবে না, কেবল স্বীয় গুরুদেবকে অবশ্য করিবে ।

প্রবেশিয়া দেবমূর্তি সংস্পর্শন করে ॥
 অবিধি পূর্বক হরি মূর্ত্যুপসর্গণ ।
 বিনা বাছে মান্দরের দ্বার উদঘাটন ॥
 সারমেয়দৃষ্ট খাঙ দেবে সমর্পণ ।
 অর্চনসময়ে মৌনভঙ্গ অকারণ ॥
 বহির্দেশগমনাদি পূজার সময়ে ।
 গন্ধমাল্য নাহি দিয়া ধূপন করয়ে ॥
 অনর্হপুষ্পেতে কৃষ্ণপূজাদিকরণ ।
 অধোত বদনে কৃষ্ণপূজা আরম্ভন ॥
 স্ত্রীসঙ্গ করিয়া কিম্বা রজঃস্বলা নারী ।
 দীপ, শব স্পর্শিয়া অযোগ্য বস্ত্র পরি' ॥
 শব হেরি অধোবায়ু করিয়া মোক্ষণ ।
 ক্রোধ করি শ্মশানেতে করিয়া গমন ॥
 অজীর্ণ উদরে আর কুসুম্ভ পৈনাক ।
 সেবন করিয়া আর তাম্বুল গুবাক ॥
 তৈল মাখি করে হরি শ্রীমূর্তিস্পর্শন ।
 এরণ্ডপত্রস্থ পুষ্প করয় অর্চন ।
 আত্মরিককালে পূজে পীঠে ভূমে বসি ।
 স্বপন সময়ে মূর্তি বামহস্তে স্পর্শি ॥
 বাসি বা যাচিত ফুলে দেবতা-অর্চন ।

পূজাকালে গর্ব উক্তি অযথা, স্তবন ॥
 তিৰ্য্যক্-পুণ্ড্রধরে আর অধোতচরণে ॥
 মন্দিরে প্রবেশ করে পূজার কারণে ॥
 অবৈষ্ণব পক্ষ করে দেবে নিবেদন ।
 অবৈষ্ণবে দেখাইয়া করয়ে পূজন (৬) ॥
 বিশ্বক্সেনে না পূজিয়া কাপালি দেখিয়া ।
 হরি পূজে নখজলে শ্রীমূর্তি স্মরিয়া ॥
 ঘন্মান্বসংস্পৃষ্টজলে করয়ে অর্চন ।
 কৃষ্ণের শপথ করে, নিশ্চাল্য লঙ্ঘন ॥
 এই সব কার্য্যে হয় সেবা অপরাধ ।
 সেবাকারী জনের যাহাতে ভক্তিবাদ ॥

সেবাপরাধ যাহার পক্ষে যাহা, তাহা তিনি বর্জন
করিবেন,

শ্রীমূর্তিসম্বন্ধে যার ভজন-পূজন ।
 সেবা-অপরাধ তেঁহ করুন বর্জন ॥
 বৈষ্ণব সর্বদা নাম-সেবা-অপরাধ ।
 বর্জিয়া শ্রীকৃষ্ণসেবা করুন আশ্রয় ॥
 এই সব অপরাধ মধ্যে যার যাহা ।

(৬) শুদ্ধবৈষ্ণব দ্বারা যে অন্নপাক হয়, তাহাই কৃষ্ণকে নিবেদন করা যায় । কৃষ্ণপূজাসময়ে কোন অবৈষ্ণব তথায় থাকিবে না ।

সম্বন্ধে পড়িবে তাঁর বর্জ্যনীয় তাহা ॥

নামাপরাধ সকল বৈষ্ণবমাত্রেরই বর্জ্যনীয়,

কিন্তু নাম-অপরাধ সকল বৈষ্ণব ।

সর্বকাল ত্যজি লভে ভক্তির বৈভব (৭) ॥

ভাবসেবায় সেবাপরাধ-বিচার স্বল্প,

শ্রীমূর্ত্তিবিরহে যিনি নির্জনেতে বসি ।

ভজন করেন ভাবমার্গে অহর্নিশি ॥

নাম-অপরাধ সদা বর্জ্যনীয় তাঁর ।

নাম-অপরাধ দশ সর্বব্রহ্মেশাধার ॥

নার্ণ-অপরাধগতে ভাব-সেবা হয় ।

অতএব অপরাধ তাহে নাহি রয় (৮) ॥

(৭) দশটি নাম-অপরাধ বৈষ্ণবমাত্রেরই বর্জ্যনীয় । সেবা-অপরাধ যখন বাহ্য ঘটনীয় হয়, তাহাই বর্জন করিতে হইবে । এই অপরাধ বর্জন একটা প্রধান বলিয়া বৈষ্ণবমাত্রের জ্ঞান আবশ্যক ।

(৮) ভাবমার্গে মানস-সেবাই প্রবল । তাহাতে সেবাপরাধ বিশেষ নাই । শ্রীগোবর্দ্ধনশিলার সেবা সম্বন্ধে শ্রীরাঘুনাথ দাস গোস্বামীকে মহাপ্রভু এই বলেন,—প্রভু কহে এই শিলা কৃষ্ণের বিগ্রহ । ইহার সেবা কর তুমি করিয়া আগ্রহ ॥ এট শিলায় কর তুমি সাত্ত্বিকপূজন । অচিরেতে পাবে তুমি কৃষ্ণ-প্রেমধন ॥ এক কুঁজা জল আর তুলসী মঞ্জরী । সাত্ত্বিক সেবা এই শুদ্ধভাবে করি ॥ দুই দিকে দুই পত্র মধ্যে কমলমঞ্জরী । এই মত অষ্ট মঞ্জরী দিবে শ্রদ্ধা করি ॥ শ্রীহস্তে শিলা

নামস্মরণকারীদের ভাব-সেবাই কর্তব্য,

শ্রীনামস্মরণে ভাব-সেবার উদয় ।

তোমার কৃপায় প্রভু জীবৈ ভাগ্যোদয় ॥

ভক্তির সাধন যত আছয় প্রকার ।

সে সব চরমে দেয় নামে প্রেমসার ॥

অতএব নাম লয় নামরসে মজে ।

অন্য যে প্রকার সব তাহা নাহি ভজে ॥

হরিদাস আজ্ঞাবলে অকিঞ্চনজন ।

হরিনামচিন্তামণি করিলা কীর্তন ॥

ইতি শ্রীহরিনামচিন্তামণৌ সেবাপরোধবিচারো

নাম চতুর্দশঃ পরিচ্ছেদঃ ।

দিয়া এই আজ্ঞা দিলা । আনন্দে রঘুনাথ সেবা করিতে লাগিলা ॥ এক
বিতস্তি ছই বস্ত্র পিড়া একখানি । স্বরূপ দিলেন কুঁজা আনিবারে
পানী ॥ এইমত রঘুনাথ করেন পূজন । পূজাকালে দেখে শিলায়
ব্রজেন্দ্রনন্দন ॥ (জলতুলসী সেবার যত সুখ হয় । ষোড়শ উপচারে
পূজার তত সুখ নয় ।) তবে স্বরূপ গোসাঞি তাঁরে কহিল বচন ।
অষ্ট কোড়ির খাজা সন্দেশ কর সমর্পণ ॥

পঞ্চদশ পরিচ্ছেদ ।

ভজন প্রণালী ।

গদাই গৌরঙ্গ জয় জয় নিত্যানন্দ ।
জয় সীতানাথ জয় গৌরভক্তবৃন্দ ॥
সব ছাড়ি হরি নাম যে করে ভজন ।
জয় জয় ভাগ্যবান্ সেই মহাজন ॥
প্রভু বলে হরিদাস তুমি ভক্তিবলে ।
পেয়েছ সকল জ্ঞান একগতীতলে ॥
সর্ববেদ নাচে দেখি তোমার জিহ্বায় ।
সকল সিদ্ধাস্ত দেখি তোমার কথায় (১) ॥

নামরস জিজ্ঞাসা,

এবে স্পষ্ট বল নামরস কি প্রকার ।

(১) ভগবত্ত্ব, জীবত্ব, মায়াত্ব, নামত্ব, নামাভাসত্ব, নামাপরাধত্ব প্রভৃতি সকল তত্ত্বের যথাযথ বৈদিক সিদ্ধাস্ত তোমার কথায় পাওয়া যাইতেছে, অতএব সর্ববেদই তোমার জিহ্বায় আনন্দে নৃত্য করিতেছে । মহাপ্রভু হরিদাসের দ্বারা নামরসত্ব প্রকাশ করিবার জন্ত এইসকল বিষয় উল্লেখ করিলেন ; নামতত্ত্বের চরমলাভই রস ।

কিরূপে লভিবে জীব তাহে অধিকার ॥
 হরিদাস মহাপ্রেমে করে নিবেদন ।
 তোমার প্রেরণাবলে করিব বর্ণন ॥

রসতত্ত্ব,

শুদ্ধতত্ত্ব পরতত্ত্ব যেই বস্তু সিদ্ধ ।
 রসনামে সর্বববেদে তাহাই প্রসিদ্ধ (২) ॥
 সেই সে অখণ্ড রস পরব্রহ্মতত্ত্ব ।
 অনন্ত আনন্দধাম চরণ মহত্ত্ব ॥
 শক্তি শক্তিমান্ রূপ বিশেষ তাহার ।
 ভেদ নাই ভেদ সম দর্শনেতে ভায় (৩) ॥

(২) সাধারণ আলঙ্কারিকদিগের যে রস তাহা জড়ধর্ম্মনিষ্ঠ ; বস্তুতঃ তাহা রস নয়, রসের বিকৃতি মাত্র। প্রকৃতির চতুর্বিংশতি তত্ত্বের অতীত যে চিন্ময় শুদ্ধসত্ত্বতত্ত্ব তাহাই রস। আত্মারানগণ প্রকৃতির সীমা পার হইয়াও শুদ্ধসত্ত্বতত্ত্বের অপূর্ণ বিচিত্রতা দেখিতে পান না, সুতরাং তাঁহারা নীরস। শুদ্ধসত্ত্বে যে চিহ্নিশেষ আছে তাহাই নিত্যরস।

(৩) সে রসের প্রক্রিয়া বলিতেছেন,—সেই শুদ্ধসত্ত্বে যে অখণ্ড পরব্রহ্ম বস্তু তাহা স্বভাবতঃ শক্তি ও শক্তিমানরূপে বিশিষ্ট। (শক্তিমান্ তত্ত্ব দুর্লভ্য)। শক্তি ও শক্তিমানে বস্তুগত ভেদ নাই। বিশেষকৃত এক একপ্রকার ভেদের প্রতীতি আছে। শক্তিমান্ সর্বদাই স্বেচ্ছাময় পুরুষ শক্তি তৎপ্রভাব-প্রকাশিনী। চিৎ, জীব ও মায়াভেদে ত্রিবিধ বস্তুপার প্রকাশ করিয়া থাকেন।

শক্তিমান্ সুদূরগ্গা শক্তিপ্রকাশিনী ।

ত্রিবিধ শক্তির ক্রিয়া বিশ্ববিকাশিনী ॥

চিহ্নশক্তিদ্বারা বস্তুপ্রকাশ,

চিহ্নশক্তিস্বরূপে প্রকাশয়ে বস্তুরূপ ।

বস্তুনাম বস্তুধাম তৎক্রিয়া-স্বরূপ ॥

কৃষ্ণ সে পরম বস্তু শ্যাম তাঁর রূপ ।

কৃষ্ণধাম গোলোকাদি লীলার স্বরূপ ॥

নাম, ধাম, রূপ, গুণ, লীলা আদি যত ।

সকলই অখণ্ডাশ্রয় জ্ঞান অন্তর্গত ॥

বিচিত্রতা যত সব পরাশক্তি কন্ম্ব ।

কৃষ্ণ ধর্ম্মী, পরাশক্তি কৃষ্ণ-নিভাধর্ম্ম ॥

ধর্ম্মধর্ম্মী ভেদ নাই অখণ্ড অদ্বয়ে ।

বিচিত্র বিশেষমাত্র সচ্চিন্মিলয়ে (৪) ॥

মায়াশক্তির স্বরূপ,

সেই শক্তি ছায়া এক মায়া সংজ্ঞা পায় ।

বহিরঙ্গ-বিশ্ব স্বজে কৃষ্ণের ইচ্ছায় (৫) ॥

(৪) কৃষ্ণই ধর্ম্মী এবং কৃষ্ণের পরাশক্তিই তাঁহার ধর্ম্ম । ধর্ম্মীধর্ম্মতে স্বগতাদি কোনপ্রকার ভেদ নাই । তথাপি বিচিত্র বিশেষ দ্বারা ভেদ-প্রায় লক্ষিত হয় । এই বাপারটী সচ্চিন্মিলয়ের অর্থাৎ চিজ্জগতে প্রতীত ।

(৫) সেই পরাশক্তির ছায়াই মায়াশক্তি । ছায়াত্বপ্রযুক্ত তাহাকে বহিরঙ্গা শক্তি বলা যায় । তিনিই কৃষ্ণেচ্ছাক্রমে এই বহিরঙ্গ দেবীধামরূপ বিশ্ব সৃজন করেন ।

জীবশক্তি,

ভেদাভেদময়ী জীবশক্তি জীবগণে ।

তাটস্থ্যে প্রকাশে, কৃষ্ণ-সেবার কারণে (৬) ॥

দুই প্রকার দশাবিংশিষ্ট জীব,

নিত্যবদ্ধ নিত্যমুক্ত জীব দ্বিপ্রকার (৭) ।

নিত্যমুক্তে নিত্যকৃষ্ণ-সেবা-অধিকার ॥

নিত্যবদ্ধ মায়াগুণে করয়ে সংসার ।

বহিস্মুখ অন্তস্মুখ ভেদে দ্বিপ্রকার (৭) ॥

অন্তস্মুখ সাধুসঙ্গে কৃষ্ণনাম পায় ।

কৃষ্ণনামপ্রভাবেতে কৃষ্ণধামে যায় (৮) ॥

রস নামস্বরূপ,

নামত অখণ্ড রস কলিকা তাহার ।

(৬) সেই পরাশক্তির তটস্থপ্রভাবময়ী জীবশক্তি নিত্য অচিন্ত্য ভেদাভেদময় জীবগণকে প্রকাশ করিয়াছেন । জীবও কৃষ্ণশক্তিবিশেষ স্মৃতিরূপে কৃষ্ণসেবার উপকরণ ।

(৭) নিত্যবদ্ধ জীবগণের মধ্যে কতকগুলি অন্তস্মুখ অর্থাৎ কৃষ্ণের প্রতি চেষ্টাময় ; আর সকলেই বহিস্মুখ অর্থাৎ কৃষ্ণের বস্তুতে অনুরক্ত ।

(৮) অন্তস্মুখদিগের মধ্যে যাহারা অতি ভাগ্যবান তাহারা সাধুসঙ্গে কৃষ্ণনাম লাভ করেন । যাহারা অতি ভাগ্যবান হইতে পারে নাই, তাহারা (কর্মজ্ঞানমার্গে) বহুদেবারাধন বা নির্বিশেষ অবস্থার আশা করে ।

কৃষ্ণ আদি সংজ্ঞারূপে বিশ্বেতে প্রচার (৯) ॥

রসরূপ স্বরূপ,

স্বল্পক্ষুট কলিকা সে রূপ মনোহর ।

শ্রীগোলোকে বৃন্দাবনে শ্রীশ্যামসুন্দর (১০) ॥

রসগুণ স্বরূপ,

সৌরভিত কলিকা সে চতুষষ্টি গুণ ।

প্রকাশে নামের তত্ত্ব জানেন নিপুণ (১১) ॥

রসলীলাস্বরূপ,

পূর্ণ প্রক্ষুটিত নাম-কুসুম সুন্দর ।

অষ্টকাল নিত্যলীলা প্রকৃতির পর (১২) ॥

তত্ত্বস্বরূপ,

জীবে নামরূপোদয়ে স্বরূপ হ্লাদিনী ।

(৯) সেই শুদ্ধসত্ত্বতত্ত্বগত অখণ্ডরস কৃষ্ণাদি নামরূপে পুষ্পকলিকার
আয় বিশ্বে কৃষ্ণরূপায় প্রচারিত হইয়াছেন ।

(১০) সেই নামরূপ কলিকা স্বল্পক্ষুট হইতে হইতেই কৃষ্ণাদি
মনোহর চিন্ময়রূপ বিকশিত হয় ।

(১১) পুষ্পের সৌরভের আয় ক্ষুটিত কলিকায় কৃষ্ণের চতুষষ্টিগুণ-
সৌরভ অনুভূত হয় ।

(১২) নামকুসুম পূর্ণ প্রক্ষুটিত হইলে কৃষ্ণের অষ্টকাল চিন্ময় নিত্য-
লীলা প্রকৃতি অতীত হইয়াও জগতে উদ্ভিত হন ।

সম্বিতের সারযুতা ভক্তিস্বরূপিণী (১৩) ॥

ভক্তিক্রিয়া,

আবিভূত হয়ে নামে প্রস্ফুটিত করি ।

রসের সামগ্রী প্রকাশয়ে সর্বৈশ্বরী (১৪) ॥

বিশুদ্ধ চিন্ময় জীব লভিয়া স্বরূপ ।

সেই রসে প্রবেশয় এই অপরূপ (১৫) ॥

রসের বিভাব আলম্বন,

রসের বিভাব সেই তত্ত্ব আলম্বন (১৬) ।

(১৩) রূপাক্রমে জীবের সত্তাগত ক্ষুদ্রসম্বিত ও হ্লাদশক্তিতে স্বরূপ-শক্তির হ্লাদিনীসম্বিতের সমবেতসার আসিয়া ভক্তিস্বরূপিণী বৃত্তি হইয়া থাকে ।

(১৪) সেই সর্বৈশ্বরী শক্তি আবিভূত হইয়া কৃষ্ণনামে রসের সামগ্রী সকল প্রকাশ করেন ।

(১৫) জীব ভক্তির প্রভাবে চিন্ময় স্বরূপ লাভ করতঃ সেই শক্তি-প্রকাশিত রসতত্ত্বে প্রবেশ করেন ।

(১৬) রসে স্থায়ী ভাব বলিয়া একটী সিদ্ধভাব আছে । তাহার নাম রতি । আর চারিটী সামগ্রী ভাবসংযোগে রতিই রসত্ব লাভ করে । সামগ্রী চারিটী যথা,—বিভাব, অনুভাব, সাত্ত্বিক ও বাস্তবিক বা সঞ্চারী । বিভাবে আলম্বন ও উদ্দীপন আছে । আলম্বন বিষয় ও আশ্রয় ভেদে দ্বিপ্রকার । যিনি কৃষ্ণভক্ত তিনি আশ্রয় । কৃষ্ণ স্বয়ং বিষয় । কৃষ্ণের রূপগুণাদি উদ্দীপন । আলম্বন ও উদ্দীপনাত্মক বিভাবের কার্য্যের সঙ্গে যে সকল ফলোদয় হয় তাহাই অনুভাব । পরে সেইসকল ফল গাঢ়তা লাভ করিয়া সাত্ত্বিক বিকার হয় । সঙ্গে সঙ্গে সঞ্চারি ভাবসকল কার্য্য করিতে থাকে ।

তদাশ্রয় ভক্ত তদ্বিয় কৃষ্ণধন ॥

নাম করে অবিরত ভক্ত মহাশয় ।

কৃপা করি রূপগুণলীলার উদয় ॥

রসের বিভাব উদ্দীপন,

উদ্দীপন কৃষ্ণরূপ গুণাদিক যত ।

আলম্বন, উদ্দীপন বিভাবে সংযুত ।

বিভাব হইতে অনুভাব,

বিভাব সম্পূর্ণ হৈলে অনুভাব হয় ।

প্রেমের বিকার সব শুদ্ধ প্রেমময় ॥

সঞ্চারিভাব ও সাত্ত্বিকমিশ্রে বিভাব ক্রিয়া করে ;
স্থায়ীভাবই রস হয়,

সঞ্চারি সাত্ত্বিক ক্রমে উদিত হইলে ।

স্থায়ীভাব রস হয় সর্ববশান্ত বলে (১৭) ॥

সেই রস সর্ববসার সিদ্ধিসার জানি ।

তাহা পাইবার ক্রম,

পরম পুরুষ অর্থ সর্ব শাস্ত্রে মানি (১৮) ॥

(১৭) রস একটী যন্ত্রের মত । স্থায়ীভাবরূপ রতিই তাহার ধূর । বিভাবাদি যোগে কল চলিতে চলিতে সেই স্থায়ীভাবই রস হয় । আশ্রয় রূপ ভক্ত সে রসের রসিক হইয়া পড়েন ।

(১৮) এই রসই ব্রজরস । সর্বসার এবং জীবের পক্ষে পরম পুরুষার্থ । ধর্ম, অর্থ, কাম, মোক্ষ এই চারিটী পুরুষার্থ । ধর্ম, অর্থ, কাম, মোক্ষ এই চারিটী পুরুষার্থ হইলেও তাহাদের চরমগতিস্থানেই এই রস । পূর্ণমুক্ত পুরুষেরাই এই রসের অধিকারী ।

ভক্ত্যুন্মুখ জীব শুদ্ধগুরুর কৃপায় (১৯) ।

শ্রীযুগল ব্রহ্মনাম সৌভাগ্যেতে পায় ॥

তুলসীমালার নাম সংখ্যা করি স্মরে ।

অথবা কীর্তন করে পরম আদরে (২০) ॥

এক গ্রন্থ সংখ্যা করি আরম্ভিবে নাম ।

ক্রমে তিন লক্ষ স্মরি পুরে মনস্কাম ॥

(১৯) অন্তঃসুখ ব্যক্তিগণের মধ্যে শুদ্ধভক্ত্যুন্মুখ জীবগণই শ্রেষ্ঠ । পুঞ্জ পুঞ্জ স্মৃতিবলে জীবের ভক্তিমার্গে প্রবৃতি হয় । তাঁহারই শ্রদ্ধা উদ্ভিত হইলে শুদ্ধসাধুগুরু লাভ হয় । গুরুকৃপায় যুগলনামরূপ মহামন্ত্র প্রাপ্তি হয় ।

(২০) শ্রদ্ধা হইলেও প্রথমে বিষয়-চেষ্টারূপ প্রতিবন্ধক থাকে । তাহা অতিক্রম করিয়া নামবল লাভ করিবার জন্ত একটী সাধনক্রম শ্রীগুরুদেব দিয়া থাকেন । সংখ্যা করিয়া তুলসীর মালায় নামস্মরণ বা কীর্তনই সেই উপাসনা-ক্রমই সকল লাভের মূল । সুতরাং প্রথমে অত্যল্প কাল নির্জনে একাগ্র হইয়া নাম করিবে । ক্রমে নামসংখ্যা বৃদ্ধি করিতে করিতে নামানুশীলনের নৈরন্তর্য্য এবং বিষয় প্রতিবন্ধকের ক্ষয় অবশ্য হইবে । ভক্তিসাধনে দুই প্রকার প্রবৃতি আছে । একটী অর্চন-প্রবৃতি, একটী স্মরণ-কীর্তন-প্রবৃতি । উভয়ই সমীচীন হইলেও স্মরণ-কীর্তন-প্রবৃতিই ঐকান্তিক ভক্তদিগের মধ্যে প্রবলা । অনেক মহাজন নামমালাতেই কিয়ৎ পরিমাণে স্মরণ ও কিয়ৎ পরিমাণে নামকীর্তন করিয়া থাকেন । কীর্তনের বিশেষ লাভ এই যে তাহাতে শ্রবণ, স্মরণ ও কীর্তন এই তিন অঙ্গেরই অনুশীলন হইতে থাকে ।

সংখ্যা মধ্যে কিছু নাম করিবে কীর্তন ।
 তাহে সর্বেন্দ্রিয় স্ফূর্তি আনন্দনর্তন ॥
 নামে নববিধ অঙ্গ করয় আশ্রয় ।
 তথাপি কীর্তন-স্মৃতি সর্ববশ্রেষ্ঠ হয় ॥

অর্চনমার্গ ও শ্রবণকীর্তনের অধিকারভেদে ক্রিয়াভেদ,

অর্চনমার্গেতে গাঢ়তর রুচি ঝাঁর ।
 শ্রবণ কীর্তন সিদ্ধি তাঁহাতে তাঁহার ॥
 (নামে ঐকান্তিকী রতি হইবে ঝাঁহার ।
 শ্রবণ-কীর্তন-স্মৃতি কেবল তাঁহার ॥

নাম শ্রবণকীর্তন-স্মরণে যে ক্রম,

সেবা, নতি, দাস্ত, সখা, আত্মনিবেদন ।
 সহজে নামের সঙ্গে হয় প্রবর্তন ॥
 নাম-নামী এক তত্ত্ব বিশ্বাস করিয়া ।
 দশ অপরাধ ছাড়ি নিজ্জনে বসিয়া (২১) ॥

(২১) বিষয়ী, কৰ্ম্মী ও জ্ঞানী তিনজনই (বহিঃশূন্য) কননা মিথ্যা স্বার্থশূন্যের জন্ত সচেষ্ট। এই দেহের ইন্দ্রিয়তর্পণই বিষয়ীর চেষ্টা। পরকালে ইন্দ্রিয়তর্পণই কৰ্ম্মীর চেষ্টা। নিজের সমস্ত কষ্ট দূরীকরণই জ্ঞানীর চেষ্টা। এই তিন পদ অতিক্রম করিয়া জীব অন্তঃশূন্য হয়। অন্তঃশূন্য কনিষ্ঠ-মধ্যম-উত্তম-ভেদে তিন প্রকার। কনিষ্ঠ অন্তঃশূন্য অন্ত-দেবাদি ত্যাগ করিয়া সর্বকাম হইয়া কৃষ্ণার্চন করেন, কিন্তু স্বস্বরূপ,

অতি স্বল্প দিনে নাম হইয়া সদয় (২২) ।

কৃষ্ণস্বরূপ ও ভক্তস্বরূপ অনভিজ্ঞ । মূঢ় হইলেও অপরাধী নন ; ইহাদের মধ্যেই স্বনিষ্ঠ প্রবৃত্তি । সুতরাং শুদ্ধবৈষ্ণব না হইলেও বৈষ্ণবপ্রায় । মধ্যম অন্তর্মুখ শুদ্ধবৈষ্ণবও পরিনিষ্ঠিত উত্তম, অন্তর্মুখের ত কথাই নাই । তিনি নিরপেক্ষ নামনামীতে অভেদ বুদ্ধি ব্যতীত অন্তর্মুখ হইতে পারেন না । অন্তর্মুখ মাত্রেরই ভগবানে অনন্তশ্রদ্ধা আছে, সুতরাং নামের অধিকারী ।

(২২) সাধনক্রম এই,—অন্তর্মুখ ভক্তমহাশয় প্রথমে দশ অপরাধ ত্যাগ পূর্বক কেবল নামস্মরণ ও কীর্তনের নৈরন্তর্য্য সাধন করিবেন । স্পষ্ট স্পষ্ট নাম উচ্চারণ পূর্বক স্মরণকীর্তন করিবেন । নাম স্পষ্ট স্থির ও সুখকর হইলে শ্রীশ্রীমহানন্দরের রূপ ধ্যান করিবেন । হস্তে মালা সংখ্যা, মনে বা মুখে কৃষ্ণনামানুসন্ধান করিতে করিতে নামার্থ বেরূপ তাহা চিন্তন করিতে থাকিবেন । অথবা শ্রীমূর্তির সম্মুখে বসিয়া রূপ দর্শন ও নাম স্মরণাদি করিবেন । নামের সহিত রূপ একত্ব প্রাপ্ত হইলেও কৃষ্ণগুণসকল স্মরণে আনিতে অভ্যাস করিবেন । নামরূপ ও গুণ একত্র অভ্যাস হইলে প্রথমে মন্ত্রধ্যানময়ী লীলার স্মরণ করিয়া তাহার নামরূপগুণের সহিত ঐক্য করিয়া লইবেন । এই সময়েই নামরসের উদয় হয় । মন্ত্রধ্যানময়ী ভাবনা দৃঢ় হইলে স্বারসিকী অষ্টকাল লীলা ধ্যান করিতে করিতে সম্পূর্ণ রসোদয় হইবে । এই সাধনের আরম্ভকালে সাধক প্রায় কনিষ্ঠভাবপ্রাপ্ত । অনতিবিলম্বেই সাধক উত্তম সাধুসঙ্গে মধ্যম ভক্ত হইয়া অবশেষে উত্তম ভক্ত মধ্যে পরিগণিত হন । কনিষ্ঠাবস্থায় কিছুদিন নামাভ্যাস হয় । নামাভ্যাসে অনর্থ দূর হইলেই শুদ্ধনামাধিকার ও বৈষ্ণব সেবাধিকার হয় ।

শ্রীশ্যামসুন্দররূপে হয়েন উদয় ॥
 যবে নাম রূপে ঐক্য হয়ত সাধনে ।
 নাম লৈতে রূপ আইসে চিত্তে সর্ববক্ষণে ॥
 তার কিছু দিনে রূপে গুণ করি যোগ ।
 শ্রীনাম স্মরণে গুণ করয় সম্তোগ ॥

নামরূপ গুণের একতা,

স্বল্পদিনে নাম, রূপ, গুণ এক হয় ।
 নাম লৈতে সর্ববক্ষণ তিনের উদয় ॥

উপাসনা মন্ত্রধ্যানময়ী,

মন্ত্রধ্যানময়ী এই নাম উপাসনা ।
 প্রাথমিক ধারা জানি করে বিভাবনা ॥
 স্মৃতিকালে যোগপীঠে কল্পদ্রুমতলে ।
 গোপ-গোপীবৃত কৃষ্ণে দেখে কুতূহলে ॥
 সাত্ত্বিকবিকার সব হয় প্রস্ফুটিত ।
 ভজন আনন্দে ভক্ত হয় পুলকিত ॥
 ক্রমে যবে নাম স্ব-সৌরভে প্রফুল্লিত ।
 অষ্টকাল কৃষ্ণলীলা হইবে উদিত ।

স্মারসিকী উপাসনা,

স্মারসিকী উপাসনা হইবে উদয় ।

লীলোচিত পীঠে কৃষ্ণে দর্শন করয় ॥

সঙ্গে সঙ্গে গুরুকৃপা সিদ্ধস্বরূপেতে ।

লীলায় প্রবেশে ভক্ত সখীর সঙ্গেতে ॥

মহাভাবস্বরূপিণী বৃষভানুসূতা ।

তার অনুগত ভক্তি সদা প্রেমযুতা (২৩) ॥

সখী আশ্রমতে করে যুগল-সেবন ।

মহাপ্রেমে মগ্ন হয় সে রসিক জন ॥

লিঙ্গভঙ্গে বস্তুসিদ্ধি,

সাধন ভজন সিদ্ধি লাগালাগি তায় (২৪) ।

(২৩) শান্ত, দান্ত, সখ্য, বাৎসল্য ও শৃঙ্গার এই পাঁচটি রস হইলে ও শৃঙ্গাররসই চরম রস। এই রসের অধিকারীগণই শ্রীকৃষ্ণচৈতন্তের পরমানুগৃহীত। এই রসে কৃষ্ণের অনেক যুথেশ্বরী থাকিলেও শ্রীমতী বৃষভানুনন্দিনী সকলের প্রার্থনীয়। তিনি সাক্ষাৎ স্বরূপশক্তি এবং অল্প সমস্ত ব্রজাঙ্গনাই তাঁহার রসকায়বাহ। শ্রীমতীর যুগ্মমধ্যে গণিত হওয়াই রসিকমাত্রের প্রয়োজন। গোপী-আনুগত্য-বিনা ব্রজে কৃষ্ণ-সেবা লাভ হয় না। সুতরাং শ্রীমতীর যুথে ললিতাদির গণে প্রবিষ্ট হওয়াই প্রয়োজন।

(২৪) এই প্রণালীতে রসসাধনে প্রবৃত্ত হইলে সাধন ও ভজন সিদ্ধি পরস্পর অতি সন্নিহিত হইয়া পড়ে। অত্যল্পদিনের মধ্যেই স্বরূপসিদ্ধি উদয় হয়। যুথেশ্বরীর কৃপায় কৃষ্ণেচ্ছা সহজে হয়। তাহা হইলেই কৃষ্ণ-বিশ্মুখতা নিবন্ধন যে মায়িক লিঙ্গদেহ তাগ অনায়াসেই নষ্ট হয় এবং স্বীকৃত বিশুদ্ধ বস্তু স্বরূপে ব্রজে বাস করেন।

লিপ্তভঙ্গে বস্তুসিদ্ধি তোমার কৃপায় ॥

তদুত্তরাবস্থা বর্ণন হয় না, কেবল অনুভূত হয়,

ইহার অধিক আর বাক্য নাহি চলে ।

তদুত্তর অনুভব লভি কৃপাবলে (২৫) ॥

এইত উজ্জ্বল রস পরম সাধন ।

ইহাতে নিশ্চয় মিলে কৃষ্ণ-প্রেমধন (২৬) ॥

সাধনে একাদশ ভাব,

সাধিতে উজ্জ্বল রস,

আছে ভাব একাদশ,

সম্বন্ধ, বয়স, নাম, রূপ ।

যুথ, বেশ, আচ্ছাদ্যাস,

সেবা, পরাকাষ্ঠাস্বাস,

পাল্যাদাসী এই অপরূপ (২৭) ॥

(২৫) এই পর্য্যন্ত জীবগতি বাক্যের দ্বারা ব্যক্ত করা যায় । ইহার উত্তর অর্থাৎ পর যে ভাবগত অবস্থা তাহা আর বাক্য দ্বারা বলা যায় না । তোমার কৃপাবলে তাহা অনুভূত হয় মাত্র ।

(২৬) এই শৃঙ্গাররসকে উজ্জ্বলরস বলা যায় । কেননা চিজ্জগতে এই তত্ত্বই পরম উজ্জ্বল । ভৌম ব্রজরস অবলম্বনে ইহা লব্ধ হয় ।

(২৭) রায় রামানন্দ বলিয়াছেন, ‘অতএব গোপীভাব করি অঙ্গীকার ।
রাত্রিদিন চিন্তে রাধাকৃষ্ণের বিহার ॥ সিদ্ধদেহে চিন্তি কর তাহাই
সেবন । সখীভাবে পায় রাধাকৃষ্ণের চরণ ॥ গোপী অনুগত বিনা
ঐশ্বর্য্যজ্ঞানে । ভজিলেই নাহি পায় ব্রজেন্দ্রনন্দনে ॥’ যাহার উজ্জ্বল

ভাবসাধনে পঞ্চদশা,

এই একাদশ ভাব সম্পূর্ণ সাধনে ।

পঞ্চদশা লক্ষ্য হয় সাধক জীবনে ॥

শ্রবণ, বরণ আর স্মরণ, আপন ।

সম্পত্তি এ পঞ্চবিধ দশায় গণন (২৮) ॥

রস সাধিতে স্বাভাবিক প্রবৃত্তি, তিনি ব্রজের গোপী আনুগত্য স্বীকার অবশ্য করিবেন । জীব পুরুষভাবে শৃঙ্গাররসের অধিকারী হন না । ব্রজ-গোপীস্বরূপ লাভ করিলে কৃষ্ণ ভজন হয় । একাদশপ্রকার ভাবগ্রহণ করিলে ব্রজগোপীত্ব লাভ হয় । ১ সম্বন্ধ, ২ বয়স, ৩ নাম, ৪ রূপ, ৫ যুথ-প্রবেশ, ৬ বেশ, ৭ আচ্ছা, ৮ বাসস্থান, ৯ সেবা, ১০ পরাকাষ্ঠা, ১১ পাল্য-দাসীভাব । সাধক, জগতে যে আকারে থাকুন না কেন, হৃদয়ে এই একাদশটি ভাবগ্রহণ পূর্বক ভজন করিবেন ।

(২৮) এই একাদশ ভাবসাধনকার্যে সাধকের পাঁচটি দশা ক্রমশঃ উদয় হয় । শ্রবণদশা, বরণদশা, স্মরণদশা, আপনদশা ও সম্পত্তিদশা । সেই গোপীভাবামৃতে যার লোভ হয় । বেদধর্ম ত্যাগি সে কৃষ্ণকে ভজয় ॥ ব্রজলোকের কোন ভাব লঞা যেই ভজে । ভাবযোগ্য-দেহ পাঞা কৃষ্ণ পায় ব্রজে ॥ এই বাক্যদ্বারা রায় রামানন্দ এই কথা শিক্ষা দেন যে, উজ্জল রস সাধিত হইলে সাধকের গোপীদেহ প্রাপ্তির আবশ্যক । কৃষ্ণলীলা শ্রবণ করিয়া যখন এই ভাবে রতি হয়, তখন উপযুক্ত সঙ্গের নিকটে সেই ভাবশিক্ষা করিতে হয় । শ্রীগুরুর মুখে তত্ত্বশ্রবণই সাধকের শ্রবণদশা । সাধক ব্যাকুল হইয়া সেই তত্ত্বগত ভাব অঙ্গীকার

প্রথম শ্রবণ-দশা,

নিজাপেক্ষা শ্রেষ্ঠশুদ্ধভাবুক যে জন ।

ভাবমার্গে গুরুদেব সেই মহাজন ॥

তাহার শ্রীমুখে ভাবতত্ত্বের শ্রবণ ।

হইলে শ্রবণ দশা হয় প্রকটন ॥

ভাবতত্ত্ব,

ভাবতত্ত্ব দ্বিপ্রকার করহ বিচার ।

নিজ একাদশ ভাব কৃষ্ণলীলা আর ॥

ক্রমে বরণ-দশা প্রাপ্তি,

রাধাকৃষ্ণ অষ্টকাল যেই লীলা করে ।

তাহার শ্রবণে লোভ হয় অতঃপরে ॥

লোভ হইলে গুরুরূপে জিজ্ঞাসা উদয় ।

কেমনে পাইব লীলা কহ মহাশয় ॥

গুরুদেব কৃপা করি করিবে বর্ণন ।

লীলাতত্ত্বে একাদশ ভাবসঙ্ঘটন ॥

প্রসন্ন হইয়া প্রভু করিবে আদেশ ।

করেন, তাহাই বরণ-দশা, রসস্বৃতি দ্বারা সেই ভাব অভ্যাস করেন, তাহাই স্মরণ-দশা ।) আপনাতে সেই স্মৃষ্টভাবকে আনিতে পারার নাম আপন বা প্রাপ্তিদশা ।) এই পার্থিব অনিত্যসত্তা হইতে পৃথক্ হইয়া স্বীয় বাঞ্ছিত স্বরূপ স্থিরীভূত হওয়ার নাম সম্পত্তি-দশা ।

এই ভাবে লীলা মধ্যে করহ প্রবেশ (২৯) ॥

শুদ্ধরূপে সিদ্ধভাব করিয়া শ্রবণ ।

সেই ভাব স্থায় চিন্তে করিবে বরণ ॥

নিজরুচি শ্রীগুরুদেবকে বলিবে,

বরণকালেতে নিজ রুচি বিচারিয়া ।

গুরুপদে জানাইবে সরল হইয়া ॥

প্রভু তুমি কৃপা করি যেই পরিচয় ।

দিলে মোরে তাহে মোর পূর্ণ প্রীতি হয় ॥

স্বভাবতঃ মোর এই ভাবে আছে রুচি ।

(২৯) গুরুদেব শিষ্যের স্বাভাবিকী প্রবৃত্তি পরীক্ষা করিয়া বধন দেখিবেন যে, শিষ্য শৃঙ্গাররসের অধিকারী বটে, তখন তাঁহাকে শ্রীরাধার যুখে, শ্রীললিতাগণমধ্যে সাধকের সিদ্ধমঞ্জরী স্বরূপ অবগত করাইবেন । সাধকগত একাদশ ভাবও সাধ্যগত অষ্টকালীয় লীলা দেখাইয়া পরস্পরের সম্বন্ধ সংস্থাপন করিয়া দিবেন । সাধকের সিদ্ধদেহগত নাম, রূপ, গুণ, সেবা ভাল করিয়া দেখাইয়া দিবেন । সাধিকা যে ঘরে জন্মগ্রহণ করিয়া যে পতির সহিত তাঁহার বিবাহ হয় তাহা বলিয়া দিবেন । বেদধর্ম্য পরিত্যাগ করতঃ শ্রীযুথেশ্বরীর পাল্যদাসীভাব ও তাঁহার অষ্টকালীয় নিত্য সেবা দেখাইয়া দিবেন । সাধিকা সেই ভাব বরণ করিয়া স্মরণ-দশায় প্রবেশ করিবেন । ইহাই সাধকের ব্রজে গোপীজন্ম । “যাঃ শ্রদ্ধা তৎ-
রো ভবেৎ” এই ভাগবত আজ্ঞাই এ স্থলে পালনীয় ।

অতএব আজ্ঞা শিরে ধরি হয়ে শুচি ॥

অন্যরুচি হইলে গুরুদেব অন্যভাব দিবেন,

রুচি যদি নহে তবে অকপট মনে ।

নিবেদিলে নিজ রুচি শ্রীগুরুচরণে ॥

বিচারিয়া গুরুদেব দিবে অন্যভাব ।

তাহে রুচি হইলে প্রকাশিলে নিজভাব (৩০) ॥

নিজ সিদ্ধভাব গুরুদেবকে জানাইবে,

এইরূপে গুরুশিষ্যসংবাদ ঘটনে ।

নিজ সিদ্ধভাব স্থির হইবে যে ক্ষণে ॥

শিষ্য গুরুরূপে পড়ি করিবে মিনতি ।

(৩০) সাধিকার আত্মগত গুরুরুচি শ্রীগুরুদেব যখন নির্ণয় করেন, তখন সাধিকা ও স্বরুচি বলিয়া গুরুদেবকে সাহায্য করিবেন । স্বাভাবিক রুচি স্থির না হইলে উপদেশ গুরু হয় না । প্রাচীন ও আধুনিক সংস্কার-রূপ দ্বিবিধ স্মৃতিদালিত প্রবৃত্তিকেই রুচি বলা যায় । জীবাত্মার এই রুচি নৈসর্গিক । যাহাদের শৃঙ্গাররসে রুচি নাই, দাস্ত বা সখ্যে আছে, তাঁহারা সেই সেই রসে উপদিষ্ট হইবেন, নতুবা অনর্থকই ঘটিবে । মহাত্মা শ্রামানন্দের সিদ্ধ স্বরুচি প্রথমে পরিষ্কার হয় নাই, এই জন্তই তাঁহাকে সখ্যরসে প্রবেশ করান হইয়াছিল । পরে শ্রীজীবের কৃপায় তাঁহার স্বরুচিসম্মত ভজন লাভ হয়, ইহা লোক-প্রসিদ্ধ আছে । শ্রীকৃষ্ণ-চৈতন্যাবতারে যোগ্যতা ও অধিকারের বিচারই প্রবল ।

মাগিবে ভাবের সিদ্ধি করিয়া আকুতি ॥

কৃপা করি গুরুদেব করিবে আদেশ ।

শিষ্য সেইভাবে তবে করিবে প্রবেশ ॥

দৃঢ়বরণ,

শ্রীগুরুচরণে পড়ি বলিবে তখন ।

তবাদিষ্ট ভাব আমি করিনু বরণ (৩১) ॥

এ ভাব কখন আমি না ছাড়িব আর ।

জীবনে মরণে এই সঙ্গী যে আমার ॥

ভজনে প্রতিবন্ধক বিচার,

নিজ সিদ্ধ একাদশভাবে ত্রতী হয়ে ।

(৩১) সাধকের স্বরুচিবিরুদ্ধ অগ্রভাব যাহা পূর্বে স্বীকৃত হয় তাহাই তাঁহার পতিগ্রহণ । কিন্তু তদন্তর শুদ্ধ গুরুদেবের কৃপায় স্বরুচিসম্মত কৃষ্ণ-সেবা-লাভই পরম পারকীয় রস । পারকীয় রস ব্যতীত রসের সম্পূর্ণ বিকাশ হয় না । সুতরাং প্রকটাপ্রকট উভয়লীলার শৃঙ্গাররসের পারকীয় অভিমানের নিত্যত্বই শ্রীকৃষ্ণচৈতন্যের শিক্ষা-মহিমা । এই শৃঙ্গার রসে কোন প্রকার প্রাকৃত ব্যবহার নাই । চিন্ময় জীব রসসঞ্চারে চিন্ময়ী গোপী হইয়া চিন্ময় রাধা-কৃষ্ণের নিত্যদাস্ত চিন্ময় বৃন্দাবন লাভ করেন । ইহাতে জড়ীয় স্ত্রী-পুরুষ ভাব নাই, কেবল সেইভাবে বিগুহ্ব আদর্শ তত্ত্বই স্বীয় চিন্ময়ী স্বভাবে প্রকটিত হইয়াছেন । ইহা শুদ্ধগুরু নিকটেই অবগত হওয়া যায় । কৃপা ব্যতীত এই অনির্বচনীয় তত্ত্বের আবিষ্কার হয় না । ইহা জড়ীয় তর্কের অগোচর এবং অত্যন্ত বিরল ।

স্মরিবে স্মৃঢ়চিহ্নে নিজভাবচয়ে ॥
 স্মরণে বিচার এক আছেত সুন্দর ।
 আপনার যোগ্যস্মৃতি কর নিরন্তর ॥
 আপনার অযোগ্য স্মরণ যদি হয় ।
 বহুযুগ সাধিলেও সিদ্ধি কভু নয় (৩২) ॥

আপন-দশা,

আপনসাধনে স্মৃতি যবে হয়ে ত্রুতী ।
 অচিরে আপনদশা হয় শুদ্ধ অতি ॥
 নিজ শুদ্ধভাবের যে নিরন্তর স্মৃতি ।
 তাহে দূর হয় শীঘ্র জড়বদ্ধমতি ॥

(৩২) স্মরণদশাকে আপনদশায় প্রাপ্তি-যোগ্য করিয়া সাধন না করিলে কোন ক্রমেই সিদ্ধি হয় না। এই অনির্বচনীয় ভজনতত্ত্বে কন্ম্যা-
 ড়ম্বর, জ্ঞানাড়ম্বর বা যোগাড়ম্বর প্রভৃতি কোন প্রকার আড়ম্বর নাই।
 বাহ্যে কেবল নিবৃত্তিভাবের সহিত নামানুশীলন, কিন্তু অন্তরে মহারসের
 মহাড়ম্বর নিরন্তর থাকে। যে সকল সাধক বাহ্যাড়ম্বরে ব্যস্ত বা অন্তর
 স্থির করিতে যত্ন করেন না, তাঁহাদের স্মরণ আপন-যোগ্য হয় না।
 সুতরাং বহুজন্ম সাধনেও সিদ্ধি হয় না। এই ভজনই সহজ ভজন, কিন্তু
 ইহাতে কোন প্রকার উপাধি থল উপস্থিত হইলে সাধনান্তর হইয়া পড়ে,
 ব্রজসাধন হয় না। শ্রীগুরুদেবের নিকট সরল অন্তঃকরণে এই ভজনের
 শুদ্ধতা ও উপাধি বুঝিয়া লইয়া ভজন করিবেন।

বদ্ধজীব যে ক্রমে ভাবপ্রাপ্ত হন,

জড়বদ্ধ জীব ভুলি নিজ সিদ্ধসত্ত্ব ।

জড় অভিমানে হয় জড়দেহে মত্ত (৩৩) ॥

তবে যদি কৃষ্ণলীলা করিয়া শ্রবণ ।

লোভ হয় পাইবারে নিজ সিদ্ধধন ॥

তবে ভাবতত্ত্বস্মৃতি অনুক্ষণ করে ।

ভাব যত বাড়ে তার ভ্রান্তি তত হরে ॥

স্মরণ দশা ; তাহাতে বৈধ ও রাগানুগতা ভাবের ভেদ ।
শেষটীরই প্রয়োজন,

স্মরণ দ্বিবিধ বৈধ রাগানুগ আর ।

(৩৩) এই প্রকার সিদ্ধি কিরূপ সহজ হইল তাহা বলিতেছেন । জীব শুদ্ধ চিৎকণ । জীবের চিৎস্বরূপগত একটি সিদ্ধ চিদেহ আছে । সেই নিজ সিদ্ধসত্ত্ব ভুলিয়া মায়াবদ্ধ কৃষ্ণপরাধী জীব জড়াভিমনে ঔপাধিক জড়দেহে মত্ত হইয়া আছেন । শুদ্ধগুরুরূপায় জানিতে পারিলে স্বীয় সিদ্ধ পরিচয়লাভই পরম সহজ বস্তু । এই স্থল হইতে স্বীয় সিদ্ধ স্বরূপ লাভের ক্রম লিখিত হইতেছে । বদ্ধজীবের ভক্তিসাধনেই সেই ক্রম আছে । তন্মধ্যে একটি বৈধক্রম, একটি রাগানুগ সাধ্যক্রম । বৈধক্রম ও রাগানুগার ক্রমদ্বয় প্রথমে পৃথক রূপে প্রতীত হয়, কিন্তু ভাবাপনে সেই পার্থক্য আর থাকে না । শাস্ত্রবিধিশাসনে বৈধ ক্রমের উদয় হয় । ব্রজজনের ক্রিয়ায় লোভ হইতে রাগানুগক্রমের উদয় সূতরাং প্রথম ক্রমটি সাধারণ এবং শেষোক্ত ক্রমটি বিরল ।

রাগানুগা স্মৃতিযুক্তিশাস্ত্র হৈতে পার ॥
 মাধুর্য্যে আকৃষ্ট হয়ে করয় স্মরণ ।
 অচিরেতে প্রাপ্ত হয় দশা ভাবাপন ॥

বৈধভক্তের উন্নতিক্রম,

বৈধভক্ত স্মৃতিকালে সদা বিচারয় ।
 অনুকূলযুক্তিশাস্ত্র যখন যে হয় ॥
 ভাবাপনে হয় ভাব আবির্ভাবকাল ।
 শাস্ত্রযুক্তি ছাড়ে তবে জানিয়া জঞ্জাল ॥
 শ্রদ্ধা নিষ্ঠা রুচ্যাসক্তি ক্রমে যেই ভাব ।
 আপন সময়ে তাহা হয় আবির্ভাব (৩৪) ॥

আপনদশায় রাগানুগ ও বৈষ্ণবভাবের ভেদ নাই,

ভাবাপনে রাগানুগা বৈধভক্ত ভেদ ।
 নাহি থাকে কোন মতে গায় স্মৃতি, বেদ ॥

পঞ্চবিধ স্মরণ,

স্মরণ, ধারণা, ধ্যান, অনুস্মৃতি আর ।
 সমাধি এ পঞ্চবিধ স্মরণ প্রকার (৩৫) ॥

(৩৪) আপন সময়ে, আপনদশা আগমনে ।

(৩৫) স্মরণ অবস্থায় প্রথমে কেবল স্মরণ অর্থাৎ নিজের একাদশ-
 ভাবে অবস্থিতি পূর্ব্বক অষ্টকাল সেবাভাবনা । তখনও নৈরন্তর্য্য সিদ্ধ
 হয় নাই । কখন কখন স্মরণ হয়, কখন বিক্ষেপ । স্মরণ করিতে
 করিতে ধারণা অর্থাৎ স্মরণের স্থৈর্য্যভাব সাধন, ধারণা ধ্যাত বিষয়ের

ভাবাপন দশার উদয়-কাল,

সমাধি স্বরূপ স্মৃতি যে সময়ে হয়।

ভাবাপন দশা আসি হইবে উদয় ॥

যে সময়ে যে অবস্থা হয়,

সেই কালে নিজ সিদ্ধদেহ অভিমান।

পরাজিয়া জড়দেহ হবে অধিষ্ঠান (৩৬) ॥

তখন স্বরূপে ব্রজবাস ক্ষণে ক্ষণ।

ভাবাপনে স্বস্বরূপে হেরি ব্রজবন (৩৭) ॥

আপনে স্বরূপসিদ্ধি, বস্তুসিদ্ধি লিঙ্গভঙ্গে,

আপনে স্বরূপসিদ্ধি লভে ভাগ্যবান।

সর্বদা ভাবনা করিতে করিতে ধ্যান হয়। অনুস্মৃতি, সর্বকালে ধ্যান। সম্পূর্ণ নৈরন্তর্য্য অর্থাৎ অন্তর্ধানাবসরাভাবে পূর্ণ কৃষ্ণলীলা ধ্যান। এই সমাধিরূপ স্মরণ হইতে হইতেই আপন দশা উপস্থিত হয়। স্মরণে এই পঞ্চদশা অতিক্রম করিতে অনিপুণ লোকের পক্ষে বহুযুগ যাইতে পারে ; নিপুণ ব্যক্তির পক্ষে তল্পদিনেই আপনদশা উপস্থিত হয়।

(৩৬) ভাবাপন-দশায় জড়দেহের অভিমান দূর হইয়াছে। সিদ্ধদেহের অভিমান প্রবল হইয়া পড়ে।

(৩৭) তখন স্বস্বরূপে ক্ষণে ক্ষণে ব্রজবাস হয়। স্বস্বরূপগত রাধাকৃষ্ণ-সেবায় বড় সুখোদয় হয়। এমত কি অনেকক্ষণ ব্রজধাম দর্শন ও তথায় রূপাভিমানে অবস্থিতি এবং চিহ্নলীলাসগত লীলার স্মৃতি হয়।

লিঙ্গভঙ্গে বস্তুসিদ্ধি সম্পত্তি বিধান (৩৮) ॥

সাধনসিদ্ধার ফল,

হইয়া সাধনসিদ্ধা নিত্যসিদ্ধা সহ ।

সমতা লভিয়া কৃষ্ণ সেবে অহরহঃ (৩৯) ॥

নামদ্বারা সিদ্ধিলাভ,

সেবাভঙ্গ আর তার কভু নাহি হয় ।

পরম উজ্জ্বলরসে সতত মাতয় ॥

নাম সে পরমধন নামের আশ্রয়ে ।

এত সিদ্ধি পায় জীব শুদ্ধসত্ত্ব হয়ে ॥

সংক্ষেপে ক্রম-পরিচয়,

অতএব ভক্ত্যনুযায়ী সাধুসঙ্গে ।

নির্জর্জনে করিবে নাম ক্রমের অভঙ্গে ॥

ক্রমে ক্রমে অল্পকালে সর্ববসিদ্ধি হয় ।

(৩৮) এই অবস্থায় ভজন করিতে করিতে কৃষ্ণনাক্ষাৎকৃতি অবশ্য হইবে এবং হঠাৎ তদিক্ষাক্রমে স্থলদেহাপগমে লিঙ্গদেহ নষ্ট হইয়া পড়িবে। পাঞ্চভৌতিক দেহ পতন হইতে হইতেই সঙ্গে সঙ্গে প্রাকৃত মন বুদ্ধি-অহঙ্কাররূপ লিঙ্গদেহ খসিয়া পড়ে। তখন শুদ্ধ চিদেহ স্পষ্ট অনারতভাবে উদিত হইয়া চিক্রামে যুগল-সেবা করিতে থাকে।

(৩৯) এই অবস্থায় সাধনসিদ্ধভাবে নিত্যসিদ্ধাদিগের সালোক্য লাভ হয়।

কুসঙ্গ বর্জিয়া সাধুসঙ্গে ফলোদয় (৪০) ॥

(১) সাধুসঙ্গ, (২) সুনির্জ্ঞান, (৩) দৃঢ়ভাব,

সাধুসঙ্গ সুনির্জ্ঞান নিজদৃঢ়ভাব (৪১) ।

এই তিন বলে লভি মহিমা স্বভাব ॥

আমি হীন ক্ষুদ্রমতি বিষয়ে বিভোর ।

সাধুসঙ্গবিবর্জিত সদা আত্মচোর (৪২) ॥

(৪০) কৰ্ম্ম, জ্ঞান যোগাদি পরিত্যাগ পূৰ্ব্বক অনন্য শ্রদ্ধাদিত ভক্তির সহিত নামভজনই সুলভ ধন । পূৰ্ব্বোক্ত ক্রম ধরিয়া নামভজন করিলে অল্প সমস্ত ভক্ত্যঙ্গ অপেক্ষা অতি সহজে এবং স্বল্পকালে সৰ্বার্থ সিদ্ধিলাভ করে । ইহাতে নৈপুণ্যমাত্র এই যে, কুসঙ্গ একেবারে পরিত্যাগ করিয়া সাধু-সঙ্গে ভজন করিবে । প্রেম একটী পরমশুদ্ধ চিদ্ধৰ্ম্মফলকবিশেষ । সাধুচিত্তই তদগ্রহণে যোগ্য ও প্রবণ । অসাধুচিত্ত তাহার বিক্ষেপক । সাধুসঙ্গ না থাকিলে সেই ফলক জীবহৃদয়ে সহসা প্রবেশ করে না । তড়িৎসম্বন্ধে আকর্ষণ ও অনাকর্ষণের ম্যায় সাধুসঙ্গ ও অসাধুসঙ্গ প্রবল-রূপে কার্য্যকর । অর্থাৎ বিদ্যায় মায়িক ধৰ্ম্মবিশেষ । প্রেম চিদ্ধৰ্ম্ম । উভয়ে একটু লক্ষণের সৌসাদৃশ্য দেখা যায় ।

(৪১) অতএব যিনি নামসাধনে ফল লাভ করিতে ইচ্ছা করেন, তাহার তিনটি বিষয়ে বিশেষ আগ্রহ থাকা আবশ্যক । অর্থাৎ সাধুসঙ্গ, সুনির্জ্ঞান এবং নিজের সুদৃঢ় ভাব বা পরাকাষ্ঠা ইহাকে নির্বন্ধ বলা যায় ।

(৪২) শ্রীহরিদাস ঠাকুর নিত্যসিদ্ধ পার্শদ হইলেও নিজের দৈন্ত্য কাশ করিলেন । দৈন্ত্যই প্রেমের অলঙ্কার ।

অহৈতুকী কৃপা কভু করিয়া বিস্তার (৪৩) ।

ভক্তিরসে গতি দেহ প্রার্থনা আমার ॥

এত বলি হরিদাস প্রেমে অচেতন ।

শ্রীগৌরাঙ্গপদে করে দেহসমর্পণ ॥

প্রেমে গদগদ প্রভু তাহারে উঠায় ।

আলিঙ্গন দিয়া চিত্তকথা বলে তায় ॥

প্রভুর আজ্ঞা,

শুন হরিদাস এই লীলা-সংগোপনে ।

বিশ্ব অন্ধকার করিবেক দুষ্ক জনে (৪৪) ॥

(৪৩) অহৈতুকী কৃপা, হেতুরহিতা কৃপা । আমি এমত কোন সংকল্প করি নাই যাহাতে কৃষ্ণকৃপা হইতে পারে । সেস্থলে কৃষ্ণ যে কৃপা করেন তাহা অহৈতুকী । শ্রীহরিদাস ঠাকুরের কেবল নামভজন-শিক্ষাই সর্বত্র দেখা যায়, কিন্তু শ্রীমন্নহাপ্রভুর পরম কৃপাপাত্র হরিদাস । তাঁহার নামরসতত্ত্বে বিশেষ অধিকার ও শিক্ষা । ললিত-মাধব ও বিদগ্ধ-মাধব গ্রন্থের বিষয়ে শ্রীহরিদাসের অঙ্গনে যখন রামানন্দ, সার্বভৌম প্রভৃতিকে লইয়া মহাপ্রভু আশ্বাসন করেন, তখন হরিদাসের মুখে নামরসের মহিমা সহসা বাহির হইয়াছিল । চৈ, চ, অন্ত্য ১ম ।

(৪৪) এই দুষ্টজন কাহারো ? বোধ হয় যে সকল লোকেরা পরে শ্রীমহাপ্রভুর প্রচারিত শিক্ষাষ্টক-সম্মত পবিত্র নাম-ধর্মকে গোপন করিয়া বহুবিধ সহজিয়া, বাউল ও নানা প্রকার দুষ্ট মতবাদ প্রচার করিয়াছে, তাহাদিগকেই প্রভু উল্লেখ করিয়া এইরূপ বলিয়াছেন ।

সেই কালে তোমার এ চরমোপদেশ (৪৫) ।

অবশিষ্ট সাধুজনে বুঝিবে বিশেষ ॥

এই তত্ত্ব সমাশ্রয়ে নিক্ষিঞ্চন জন ।

নির্জর্জনে বসিয়া কৃষ্ণ করিবে ভজন (৪৬) ॥

(৪৫) চরমোপদেশ, যাহার পর আর উপদেশ হইতে পারে না ।
সাধুসঙ্গ নামানুশীলনই চরমোপদেশ ।

(৪৬) নিক্ষিঞ্চন রসিক ভক্ত হরেকৃষ্ণ নাম নিয়মিত ভাবের
সহিত আশ্বাদন করেন ; যথা,—পদকল্পতরু ১৮৩ পর্বে অর্দ্ধবাহ্যদশা
প্রলাপমিতি ।

সুহৃৎ রাগ ।

“হে হরে মাধুর্য্যগুণে, হরি লবে নেত্রমনে, মোহন মূর্তি দরশাই ।
হে কৃষ্ণ আনন্দধাম, মহাআকর্ষকঠাম, তুয়া বিনে দেখিতে না পাই ॥
হে হরে ধরম হরি, গুরুভয় আদি করি, কুলের ধরম কৈলে দূর ।
হে কৃষ্ণ বংশীর স্বরে, আকর্ষিয়া আমি বলে, দেহ গেহ স্মৃতি কৈলা দূর ॥
হে কৃষ্ণ কষিঁতা আমি, কঞ্চলি কষিঁহ তুমি, তা দেখি চমক নোহে লাগে ।
হে কৃষ্ণ বিবিধ ছলে, উরজ কষিঁহ বলে, স্থির নহ অতি অনুরাগে ॥
হে হরে আমারে হরি, লৈয়া পুষ্পতল্লোপরি, বিলাসের লালসে কাকুতি ।
হে হরে গোপত বস্ত্র, হরিয়া সে ক্ষণ মাত্র, ব্যক্ত কর মনের আকুতি ॥
হে হরে বসনহর, তাহাতে যেমন কর, অন্তরের হার মত বাধা ।
হে রাম রমণ অঙ্গ, নানা বৈদগ্ধি রঙ্গ, প্রকাশি পূরহ নিজ সাধা ॥
হে হরে হরিতে বলি, নাহি হেন কুতূহলি, সবার সে বাক্য না রাখিলা ।
হে রাম রমণরত, তাহে প্রকটয়া কত, কি বদ আবেশে ভানাইলা ॥
হে রাম রমণশ্রেষ্ঠ, মন রমণীয় শ্রেষ্ঠ, তুয়া স্তখে আপনি না জানি ।

নিজ নিজ ভাগ্যবলে জীব পায় ভক্তি ।

ভক্তি লভিবারে সকলের নাহি শক্তি ॥

সুকৃতজনের ভক্তি দৃঢ় করিবারে ।

আইলাম যুগধর্ম্য নামের প্রচারে (৪৭) ॥

হরিদাস ঠাকুর নামপ্রচারে সহায়,

তুমিত সহায় মোর এ কার্যসাধনে ।

তব মুখে নামতত্ত্ব শুনি এ কারণে ॥

হে রাম রমণ ভাগে, ভাবিতে মরমে জাগে, সে রস মুরতি তনুখানি ॥

হে হরে হরণ তোর, তাহার নাহিক ওর, চেতন হরিয়া কর ভোর ।

হে হরে আমার লক্ষ্য, হর সিংহপ্রায় দক্ষ, তোমা বিনা কেহ নাহি মোর ॥

তুমি সে আমার জ্ঞান, তোমা বিনা নাহি আন, ক্ষণেকে কলপ শত যায় ।

সে তুমি অনন্ত গিয়া, রহ উদাসীন হৈয়া, কহ দেখি কি করি উপায় ॥

ওহে নবধনশ্রাম, কেবল রসের ধাম, কৈছে রই করি মন বুঝে ।

চৈতন্য বেলয় যায়, হেন অনুরাগ পায়, তবে বন্ধু মিলয় অদূরে ॥

এই ভাব-বিরোগদশায় আর (এই নামেই) সন্তোষে অষ্টসখীযুক্ত
ব্রাহ্মিকার সহিত কৃষ্ণসন্তোষ ভাবিত হয় । (সেখানে হুরে শব্দ শ্রীমতীর
নাম হরা শব্দে সম্বোধন ।) ভাবুক নিজ নিজ ভাবের হরিকৃষ্ণনামের
সুন্দরসঙ্গীতা আচ্ছাদন করেন ।

(৪৭) জীবসকল স্বীয় সুকৃতিবলেই ভক্তিলাভ করেন । তাহা
হইলে ধর্ম্যপ্রচারের তাৎপর্য্য কি ? প্রভু বলিতেছেন যে, সকল জীব
সুকৃতিবলে হরিনামে শ্রদ্ধা করিবে । তাহাদের ভক্তি দৃঢ় করিবার জন্ত
আমি নামকে যুগধর্ম্য বলিয়া প্রচার করিয়াছি । বস্তুতঃ ইহা জীবের
একমাত্র নিত্যধর্ম্য ।

হরিনাম চিন্তামণি,
কৃষ্ণকুপা-বলে যে পাইল ।

অখিল অমৃত-খনি,

কৃতার্থ সে মহাশয়, সদা পূর্ণানন্দময়,
রাগভাবে শ্রীকৃষ্ণ ভজিল ॥

তাহার চরণ ধরি,
সদাই কাকুতি করি,
কাঁদে এই অকিঞ্চন ছার ।

এ অমৃতরস-লেশ পিয়াইয়া অবশেষ
কর সার আনন্দ বিস্তার ॥

ইতি শ্রীহরিনামচিন্তামণৌ ভজন-প্রণালী-প্রদর্শনং
নাম পঞ্চদশঃ পরিচ্ছেদঃ ।

সমাপ্তচ্যঃ প্রভুঃ ।

ভক্তিশ্রাবণী :

১।	বেদান্ততত্ত্বসার (রামানুজ)	...	...	১০
২।	বৈষ্ণবমঞ্জুষা সমাহতি প্রথম চারিখণ্ড	...	...	৩৮
৩।	শ্রীচৈতন্যভাগবত (যন্ত্রস্থ) ৮, স্থলে	...	...	৩১০
৪।	সাধক কণ্ঠমণি	...	...	১০
৫।	শরণাগতি, গীতাবলী, গীতমালা, সাধনকণ, প্রেমভক্তিচন্দ্রিকা, অর্থপঞ্চক ও নবদ্বীপশতক মোট	...	...	১৮০
৬।	কল্যাণকল্পতরু (৫ম সংস্করণ)	...	...	৮০
৭।	গৌরকৃষ্ণোদয়ঃ	...	...	৫০
৮।	প্রেমবিবর্ত (তৃতীয় সংস্করণ)	...	...	১১০
৯।	শ্রীনবদ্বীপধামমাহাত্ম্য	...	...	৮০
১০।	ভাষ্যদ্বয় সহ শ্রীশ্রীচৈতন্যচরিতামৃত (২য় সংস্করণ)	...	...	৭৮
১১।	আল্লায়সূত্র	...	...	১৮০
১২।	জৈবধর্ম ২১০, আবাধাই			২৮
১৩।	শ্রীমদ্ভগবদ্গীতা মূল, শ্রীল বিশ্বনাথ চক্রবর্তী টীকা শ্রীল ভক্তিবিনোদানুবাদ সহ সিক্কে বাঁধাই ঐ সাধারণ		...	২৮ ১১০
১৪।	শ্রীমদ্ভগবদ্গীতা। (শ্রীল বলদেব ভাষ্যসহ)			২৮
১৫।	গীতা মাধব ভাষ্য	...	...	১১০
১৬।	শ্রীগৌড়মণ্ডল পরিক্রমা দর্পণ	...	...	১০
১৭।	Vaishnavism	...	...	১০
১৮।	Nam Bhajan (English translation)	...	...	১০
১৯।	প্রেমের রত্নাবলী (মূল, টীকা, অনুবাদ)	...	...	১১০
২০।	শ্রীনবদ্বীপ ভাবতরঙ্গ	...	...	১১০
২১।	সাধনপথ (২য় সংস্করণ)	...	...	১৮০
২২।	গৌড়ীয় কণ্ঠহার, সাধারণ	১১০	বাঁধাই	২৮
২৩।	মহা প্রভুর শিক্ষা	...	...	৫০
২৪।	শ্রীশ্রীচৈতন্যচন্দ্রামৃতম্ তথা শ্রীশ্রীনবদ্বীপশতকম্	...	...	১১০
২৫।	মণিমঞ্জরী (মূল ও অনুবাদ)	...	...	১০